

تفسير سورة هود

لسيدنا يوسف بن المسيح

عليه الصلاة والسلام



درس القرآن و تفسير الوجه الأول من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الأول من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله الحبيب جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الأول من أوجه سورة هود ، و نبدأ بأحكام التلاوة و أحمد :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) , و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاء شفويا . مثال : من بعد .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الضحى ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

{بسم الله الرحمن الرحيم}

{الر كِتَابٌ أُحْكِمَتْ آيَاتُهُ ثُمَّ فُصِّلَتْ مِنْ لَدُنْ حَكِيمٍ خَبِيرٍ} :

الله سبحانه و تعالى في بداية هذه السورة ، بدأ بالحروف المقطعات ، و شرحنا قبل كده الغاية و الحكمة من الحروف المقطعات في غير موضع ، (الر كتاب أحكمت آياته) الحروف المقطعة دي ربنا جمعها ، الحروف العربية ربنا جمعها ، و جعل هذا الكتاب العظيم ، الكتاب المعجز ، الكتاب الذي كلماته يجعلها الله سبحانه و تعالى تمثلات في الرؤى و الكشف تشريفاً لهذا الكتاب ، (الر كتاب أحكمت آياته) أحكمت يعني جعلت آياته و كلماته أساسيات الوحي و أساسيات الكشف و أساسيات الرؤى و أساسيات المكالمة بين الله و عباده ، و ده من معاني الإحكام ، (أحكمت آياته) إذاً من معاني الإحكام إيه؟ إن كلمات القرآن تتمثل في الرؤى أو من خلالها نستطيع أن نؤول الرؤى ، (ثم فصّلت) فصّلت يعني شرحت على أيدي الأنبياء ، و كذلك فصّلت أي تمثّلت في الكشف و الرؤى ، (من لدن حكيم خبير) ربنا سبحانه و تعالى هو الحكيم الخبير ، حكيم أي يعرف أين يضع الكلمة المناسبة في المناط المناسب ، و أين يضع الجملة المناسبة في المناط المناسب ، و هو خبير يعني عنده خبرة ، يعني الأمر ده مش أول مرة ، الأمر ده تكرر قبل كده ، تكرر قبل كده ، إنه يخلق أكوان و يتصل بمخلوقاته المكلفة بتكليف شرعي أو غير مكلفة بالإلهام زي النحل كده ، صح؟ .

{أَلَّا تَعْبُدُوا إِلَّا اللَّهَ إِنِّي لَكُمْ مِّنْهُ نَذِيرٌ وَبَشِيرٌ} :

البُغية العظيمة و النهائية و المقصد الأساسي لكلمات الله و خلق الله المتتالي المتكرر : (ألا تعبدوا إلا الله) يعني التوحيد و نبذ الشرك ، التوحيد و نبذ الشرك ، لأن التوحيد هو أعدل العدل ، و الشرك هو أظلم الظلم ، (إني لكم منه نذير و بشير) ده كلام مين؟ كلام النبي و كل نبي ، بيقول إيه : (إني لكم) لكم أنتم يا أيها القوم من ربنا (نذير و بشير) نذير الأول و بعد كده لما تسمعوا الإنذار و تخشعوا و تخضعوا ، هتأخذوا البشارة (و بشير) ، إذاً مناط الإنذار مقدم على مناط البشارة ، ليه؟؟ لأن أكثر الناس فاسقين ، و أكثر الناس مشركين ، و أكثر الناس بعيدين عن الله عز و جل ، فيكونون أهلاً للإنذار بدايةً ، و لما أن يخضعوا و يكونوا أهلاً للبشارة ، بشرى .

{وَأَنِ اسْتَغْفِرُوا رَبَّكُمْ ثُمَّ ثُوبُوا إِلَيْهِ يُمَتِّعْكُمْ مَّتَاعًا حَسَنًا إِلَى أَجَلٍ مُّسَمًّى وَيُؤْتِ كُلَّ ذِي فَضْلٍ فَضْلَهُ وَإِنْ تَوَلَّوْا فَإِنِّي أَخَافُ عَلَيْكُمْ عَذَابَ يَوْمٍ كَبِيرٍ} :

(و أن استغفروا ربكم ثم توبوا إليه) يبقى أصل التوبة و أصل الصحة و أصل الإنسجام مع الطواف الكوني و أصل الفطرة إيه؟ الإستغفار ، أستغفر الله ، أستغفر الله

، و أنا صغير ، لما كنت بالامتحانات ، كان بيعدي علينا مدرس كده ، يقولنا إيه :
 اللي مش فاكر حاجة ، يقول : استغفر ، أكثروا من الاستغفار ، ف دي قيمة جميلة
 جداً ، المدرس ده زرعها فينا و إحنا صغّيرين ، أكثروا من الاستغفار ، استغفر ،
 استغفر الله ، استغفر الله ، كده استغفر كده و استرخي ، ربنا هيجمع عليك إيه؟
 الأرزاق بقى كلها ، و هيفتح ليك السُّبُل ، سُبُل الخير و النعمة ، إذاً أساس كل رجوع
 لله و أساس الطواف ، الإنسجام مع الطواف الكوني و الفطرة ، إيه هو؟ الاستغفار ،
 (و أن استغفروا ربكم ثم توبوا إليه) إذاً الاستغفار الأول و بعد كده التوبة ، تتوب إلى
 الله و تُقلع عن الذنب ، و تعاهد الله عز و جل على ألا تعود مرة أخرى إلى هذا الذنب
 ، (يمتعكم متاعاً حسناً) تعيش عيشة حسنة ، تبقى كده راضي و مستريح ، حتى لو
 إنت إمكانياتك بسيطة ، بس تحس إنك ملك في حياتك كده ، راضي مستريح ، (إلى
 أجل مسمى) لأن الدنيا فانية ، وقت مسمى ، لكل واحد سيُسمى له أجل ، إما بالتقديم
 أو بالتأخير ، عادي ، القدر يُغير بالدعاء ، و ربنا سبحانه و تعالى كما يرتأي و يرى
 ، إما أن ينقص أو يزيد في عمر الإنسان ، (و يؤت كل ذي فضل فضله) خلي بالك
 من السر الجاي ده ، ربنا عبر عن الإحسان ، اللي هو سبب المرور للجنان المتعاقبة
 و العبور في اللحظة الكونية الدقيقة ، بكلمة الفضل ، (و يؤت كل ذي فضل فضله)
 كل واحد أحسن و أتسم بصفة الفضل ، زاد يعني بالإحسان في الدين ، ربنا هيديله
 الفضل بتاعه ، اللي هو إيه؟؟ الخُلوص و العبور للجنان المتعاقبة ، (و يؤت كل ذي
 فضل فضله) ، خلي بالك ، (و إن تولوا) إذا الكافرين تولوا و أعرضوا ، قل لهم
 (فإني أخاف عليكم عذاب يوم كبير) قولهم كده أنا خايف عليكم من العذاب ، هددهم يا
 نبي ، يا كل نبي هدد قومك و قولهم فيه عذاب في الدنيا و الآخرة ، لكن المقصود هنا
 و المُراد إيه؟ عذاب يوم القيامة ، (عذاب يوم كبير) اللي هو إيه؟ جهنم ، صح؟ ، ربنا
 عبر عن عذاب جهنم بإيه؟ بيوم ، و اليوم إيه؟ ينقضي و ينتهي ، إذاً جهنم تنتهي ، و
 لكن بعد أحقاب مديدة كما يراها الله سبحانه و تعالى ، و كما يرى لكل مكلف كم
 يمكث في جهنم ، فسيكون ذلك يومه ، و لكنه لا محالة ينقضي لأن اليوم ينقضي .

{إِلَى اللَّهِ مَرْجِعُكُمْ وَهُوَ عَلَى كُلِّ شَيْءٍ قَدِيرٌ} :

ذكرهم بالرجوع إلى الله عز و جل ، اللي هو إيه؟ الموت ، كفى بالموت واعظاً . إلى
 الله مرجعكم و ثم بعثكم ، تبعثون إلى الله يوم العرض ، (و هو على كل شيء قدير)
 ربنا سبحانه و تعالى قدير ، قدير فعيل ، صيغة مبالغة ، قدير لأنه أصل القدرة و
 مسبب القدرة .

{أَلَا إِنَّهُمْ يَمُنُّونَ بِدُورِهِمْ لَيْسْتَ خَفُوءاً مِنْهُ أَلَا حِينَ يَسْتَغْشُونَ ثِيَابَهُمْ يَعْلَمُ مَا يُسِرُّونَ وَمَا
 يُعْلِنُونَ إِنَّهُ عَلِيمٌ بِذَاتِ الصُّدُورِ} :

(ألا إنهم يثنون صدورهم ليستخفوا منه) يعني إيه؟ ليها كذا معنى ، و قلنا كلمة يثنون صدورهم ليستخفوا منه ، قلنا تفسيرها قبل كده ، صح ؟ ، مش تكلمنا عن تفسير الجملة دي قبل كده ، من معاني يثنون صدورهم أي يُدسوا على أنفسهم ، لا يُزكوها ، ميواجهوش أنفسهم بالحقيقة ، يضحكوا على أنفسهم ، يلفوا و يدوروا ، يشوشوا على أنفسهم ، هو ده سبيل إبليس ، كذلك يثنون صدورهم أي يُضمرون في صدورهم الشر لك يا محمد و للمؤمنين ، الشر لك يا نبي و يا أتباع كل نبي ، (ليستخفوا منه) يعني يستخبوا من مواجهة النبي و مواجهة أتباع النبي ، و لكنهم يضمرون الشر له و الإيذاء ، (ألا حين يستغشون ثيابهم) يعني في الوقت اللي هم يتأمرؤا فيه ، في البيوت المغلقة ، ربنا سبحانه و تعالى يعلم ما يسرون و ما يعلنون ، هيعلم اللي قرروا يخفوه ، كذلك يعلم الذي قرروا إن هم هيعلنوه ، (إنه عليم بذات الصدور) ربنا سبحانه و تعالى فعيل عليم ، صيغة مبالغة برضو ، (عليم بذات الصدور) ، عليم ، صفة العلم يعني يعلم ما في صدورهم و يُخبر به النبي و الولي ، لأن صفة العلم تقتضي الوحي ، مش إحنا فاهمين كده بأن العلم هو الوحي؟ ، لما ربنا يقول (إنه عليم بذات الصدور) يعني ربنا بيكشف أسرارهم للنبي .

{وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا وَيَعْلَمُ مُسْتَقَرَّهَا وَمُسْتَوْدَعَهَا كُلٌّ فِي كِتَابٍ مُبِينٍ} :

ربنا هنا حط (وضع) مد لازم كلمي مثقل على كلمة دابة ، عشان يؤكد على إيه؟ عشان يؤكد على أن الله سبحانه و تعالى كفيل و متكفل برزق الدواب ، كل نفس منفوسة ، كل نفس حية ليها رزقها مكتوب ، و هيجي هيجي (سيأتي) ، يعني يقول للإنسان إيه؟ إطمئن ، عليك السعي فقط ، يقول للدواب إيه؟ إطمئنوا ، عليكم السعي فقط ، و بعدين؟ ، بياكد على قدرته سبحانه و تعالى (و يعلم مستقرها و مستودعها) كل نفس عارف جاية منين و رايحة فين ، أصلها إيه و فصلها إيه ، (و يعلم مستقرها) يعني المكان اللي هتتبت فيه كبذرة ، دي مرحلة من مراحل التطور يعني طبعاً ، (و مستودعها) يعني المكان اللي كانت فيه ، البذرة دي كانت فين و راحت تنزرع فين ، (كل في كتاب مبين) كل حاجة مكتوبة ، (في كتاب مبين) أي مظهر للحق ، مظهر للحق .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسلان و أحمد بإستخراج أمثلة على أحكام طلبها منهم من هذا الوجه :

طلب من مروان مثال على إظهار حقيقي ، فقال :

{كِتَابٌ أُحْكِمَتْ} ، تنوين أتى بعده الهمز .

و طلب من رفيده مثال على إدغام حقيقي ، فقالت :
{أَجَلٍ مُّسَمًّى} .

و طلب من أرسلا ن مثال على إظهار حقيقي ، فقال :
{حَسَنًا إِلَى} .

و طلب من أحمد مثال على مد لازم حرفي مثقل ، فقال :
{الر} ، في الحروف المقطعات ، لكن المد في (دابة) هي مد لازم كلمي مثقل .

و اختتم نبي الله الجلسة المباركة بقوله المبارك :

هذا و صلّ اللّٰهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربّي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . ❀❤

درس القرآن و تفسير الوجه الثاني من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين ، ثم قام بقراءة الوجه الثاني من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله يوسف بن المسيح ﷺ جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثاني من أوجه سورة هود ، و قبل أن نبدأ الجلسة أريد أن أسجل موقف كي يكتب و يُذكر في التاريخ من بعد ، أريد أن أوجه شكر إلى إثنين من شرفاء الأمة ، و إثنين من الذين جمعتهم صفة عظيمة جداً ، أحبها و أجّلها ، و هي صفة النبيل و الشجاعة و الشهامة و الرجولة و الجرأة في الحق ، أوجه الشكر إلى إثنين ، كما وجهت الشكر من قبل أيضاً إلى إثنين ، كنت قد وجهت الشكر من قبل و دعوت إلى الشيخ محمد موسى الشريف و الشيخ سلمان العودة ، أن يفك الله سبحانه و تعالى أسرهما و أن يمن عليهما بالحرية ، و اليوم أشكر إثنين و أدعو لهما بالخير و الصلاح و الهداية ، و هما الأول الدكتور محمد المسعري و هو أستاذ دكتور فيزياء ، هذا الرجل له كثير من الجهود المباركة و الإجتهادات التي أظهر فيها وجوب ، وجوب التجديد في الدين ، و وجوب تنقيح الروايات و النصوص ، و له إجتهادات طيبة ، أتفق مع بعضها ، و أختلف مع بعضها الآخر ، كذلك أشكر الدكتور علاء الأسواني ، و هو راجل محترم ، ذو فكر يساري ديمقراطي إشتراكي ، و هو رجل يريد الخير و الحرية و العدالة للأمة و للإنسانية ، و لكن أقول أن جهوده كغيره عبر التاريخ تذهب أدراج الرياح ، لماذا؟ لأن الدكتور علاء الأسواني ركز على مبدأ الديمقراطية و الإشتراكية ، و طلب العدالة و الفصل بين السلطات و الإصلاح السياسي و الإصلاح الإقتصادي ، و تكريس العدالة الإجتماعية و ما إلى ذلك ، و اشتكى كثيراً من أن الناس عندهم تعصب ديني و تزمّت ديني و عدم عدالة إجتماعية و عدم حرية دينية ، و اشتكى كثيراً من أن الناس يستخدمون الدين ليطشوا ببعضهم البعض كمذاهب و فرق ، و أنا أقول له ناصح آمين ، إن أردت أن تحقق مبدأ الديمقراطية المحمود و الإشتراكية المفضل و أن تنجح في تحقيق العدالة الإجتماعية ، فعليك أن تلفت عناية الناس إلى أمر ديني تُغير به عقيدتهم الموروثة المحرفة عبر الزمان ، كيف تلتف إنتباه الناس و تجعلهم يُغيّرون طبائعهم الدينية و أسلوب تفكيرهم ، من خلال المسيح الموعود ﷺ ، المسيح الموعود هو دعوى ، دعوى بعث و دعوى نبوة ، إذا لفت الناس إلى دعوى المسيح الموعود ميرزا غلام أحمد القادياني ﷺ ، فإن الناس سوف تبدأ تهتم بالقراءة لأنك إشتكيت قبل ذلك و قلت :

الناس لا يريدون أن يقرأوا ، الناس لا يريدون أن يفهموا ، فإذا أردت الناس أن يفهموا و يقرأوا و أن تستجلب و تسترعي إنتباههم فعليك أن تلفت إنتباههم إلى دعوى المسيح الموعود ﷺ ، لماذا؟ لأن دعوى المسيح الموعود ﷺ ينبني عليها إيمان و كفر ، المسلمين اللي إنت بتري أنهم هم سبب الأزمة اليوم في العالم أو في الشرق الأوسط أو في العالم الإسلامي بسبب مشايخهم الضالين ، المنافقين ، المحرفين لدين الله ، هؤلاء لن يلتفتوا إلى كلامك إلا عندما تقول لهم أن هناك دعوى رجل أتى و ادّعى أنه عيسى بن مريم الذي أخبر عنه الرسول ﷺ و بما أن المسلمين يتبعون سيدنا محمد ﷺ فيتبعون نبوءاته عن آخر الزمان ، فلما أن تخبرهم أن هناك رجل ادّعى أنه عيسى بن مريم ، و أن هذا الرجل أفلح و دعوته أفلحت و انتشرت في الآفاق ، و على صدقه شواهد كثيرة ، شواهد روحية و شواهد مادية على صدق هذا الرجل ، إذا دعوتهم و لفت إنتباههم إلى دعوى المسيح الموعود ﷺ فإنك سوف تستفز فيهم غريزة القراءة ، و سوف يبدأون يقرأون و يبحثون و بالتالي يستخيرون و يسألون الله ربهم و رب آبائهم الأولين ، هكذا إذا اجتمع لديك جناح الفلاح ، الجناح الأيسر و هو النظام السياسي و تجديد الأسلوب الإقتصادي و السياسي و الفصل بين السلطات ، و هذا أسلوب ممدوح ، و العدالة الإجتماعية ، هذا هو الجناح الأيسر ، أما الجناح الأيمن و الذي لا بد منه لكي يطير الطائر و يجتمع الجناحان ، فهو أن نرخي أسماعنا إلى دعوى المسيح الموعود ﷺ الذي أتى و بُعث في القرن ١٩ ميلادياً ، أحببت أن أسجل شكري إلى الدكتور علاء الأسواني و كذلك إلى الدكتور محمد المسعري ، أحسن الله لهما و هداهما و نفع الله بهما ، آمين .

و نبدأ بأحكام التلاوة و أحمد :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها ، و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل ، ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و بعد أحمد قال الأحكام مروان ثم رفيدة ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة النصر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

طيب ، هذا الوجه ، وجه عظيم يتكلم عن وحي الله عز و جل و عن طبيعة الوحي و عن طبيعة البعث ، و عن طبيعة الابتلاء بالبعث و الوحي ، ليه؟

{وَهُوَ الَّذِي خَلَقَ السَّمَاوَاتِ وَالْأَرْضَ فِي سِتَّةِ أَيَّامٍ وَكَانَ عَرْشُهُ عَلَى الْمَاءِ لِيَبْلُوكُمْ أَيُّكُمْ أَحْسَنُ عَمَلًا وَلَئِنْ قُلْتُمْ إِنَّكُمْ مَبْعُوثُونَ مِنْ بَعْدِ الْمَوْتِ لَيَقُولَنَّ الَّذِينَ كَفَرُوا إِنْ هَذَا إِلَّا سِحْرٌ مُبِينٌ} :

(في ستة أيام) أي ستة مراحل ، ستة مراحل ، (و كان عرشه على الماء) ربنا قدر أن يكون عرشه و فيض عرشه ، يعني فيض صفاته و وحيه سبحانه و تعالى على الماء ، يعني إيه؟ الماء هو رمز الوحي ، الماء هو رمز الوحي و هو الغيث من السماء تنبت به الزروع و تنضج به الثمار ، (ليبلوكم أيكم أحسن عملاً) إذا ربنا جعل طبيعة الكون ده ، إن دائماً فيه بعث ، و عارفين إن صفات ربنا متعطلش ، و العرش هو إيه؟ رمز لصفات الله ، و صفات الله على الماء يعني على الوحي ، على الوحي المستمر ، على الفيض المستمر ، ليه؟ ، إيه العلة؟ إيه الغاية؟ (ليبلوكم) ليختبركم ، (أيكم أحسن عملاً) مع كل بعث و مع كل نبوة في كل زمان و في كل قرن ، (و لئن قلت إنكم مبعوثون من بعد الموت) يا محمد أنت و كل نبي لو قتلهم بيقين إن إنتو بعد الموت هتبعثوا ، هتحاسبوا ، (ليقولن الذين كفروا) الذين لم يؤمنوا بدعوتك ، (إن هذا إلا سحر مبين) اللي بتقوله ده كذب مبين ، كذب عظيم ، ليه؟ الذي لا يؤمن بالنبي في قرارة نفسه و إن لم يتحدث بلسانه ، هو يكفر و منكر للبعث و اليوم الآخر ، و إن لم يقل ذلك بلسانه ، لأن لازم كفره ، لازم فعله أن يقول إيه؟ انه مفيش بعث ، لأنه لو كان يؤمن بالبعث إيماناً يقيناً لآمن بنبي الزمان و سأل الله عنه و استخار الله فيه ، إذاً أساس الحياة : العرش اللي على الماء ، اللي ببسبب الابتلاء ، يعني وحي ربنا اللي بفيض كالماء مسبباً الابتلاء ، يعني الاختبار مع كل نبي ، و مع كل بعث ، في كل زمان و في كل قرن . و هو ما ينزل لكن من السماء فائضاً من عرش الله من خلال الكرسي على شكل ماء ينزل من سماء الوحي . لتنتبت فيكم ثمار و زروع التزكية و التهذيب الإلهي .

{وَلَئِنْ أَخَّرْنَا عَنْهُمُ الْعَذَابَ إِلَى أُمَّةٍ مَّعْدُودَةٍ لَيَقُولُنَّ مَا يَحْبِسُهُ أَلَّا يَوْمَ يَأْتِيهِمْ لَئْسَ مَصْرُوفًا عَنْهُمْ وَحَاقَ بِهِمْ مَا كَانُوا بِهِ يَسْتَهْزِؤْنَ} :

لما النبي يقول لهم آمنوا لأحسن يجيلكم عذاب ، يقولوا بقى إيه؟ فين العذاب ده ، و ربنا يمهلهم كي يعودوا ، ف هم يستهزؤا و يقولوا إيه : فين العذاب ده؟ إيه اللي حابس العذاب عنا يا أيها النبي؟ ، (أمة معدودة) يعني زمن محدد ، زمن معدود بيتعد ، الملائكة بتعدّه ، العد ، إحنا عرفنا إن كلمة العد من صفات الله عز و جل ، (إنما نعد لهم عدداً) عد ، غير الإعداد ، الإعداد آه ، و التدبير آه ، لكن العد ده حاجة تانية ، اللي

هو لو وصلت لرقم معين في الدرب ده أو في السلوك ده أو الطريق ده ، هيق بيك عذاب معين ، معاير عند ربنا سبحانه و تعالى ، دي معاير عند الله عز و جل ، (و لئن أخرجنا عنهم العذاب إلى أمة معدودة ليقولن ما يحبسهم) إستهزاء يعني ، إيه اللي مآخر العذاب يا نبي؟؟؟ ، (ألا يوم يأتيهم ليس مصروفاً عنهم) تهديد ، لما يجي لن يصرف ، (و حاق بهم ما كانوا به يستهزؤون) حاق بهم يعني حلق بهم ، حاق بهم يعني حلق بيهم ، يعني إيه؟ حلق حوليهم ، يعني عمل عليهم كماشة ، إيه هو؟ (ما كانوا به يستهزؤون) إستهزاء هم هيكون إيه؟ متمثل ، لأن الجزاء من جنس العمل ، الإستهزاء ده هيمثل زي الكماشة كده هتخلق حول الكفار ، تسيطر عليهم في كل حنة ، بحيث العذاب ينزل عليهم لا يصرف ، يعني جنس عملهم المتمثل ده السيء ، (ألا يوم يأتيهم ليس مصروفاً عنهم و حاق بهم ما كانوا به يستهزؤون) تمثل على شكل كماشة مسكتهم و حلقت حولهم .

{وَلَيْنُ أَدَقْنَا الْإِنْسَانَ مِنَّا رَحْمَةً ثُمَّ نَزَعْنَاهَا مِنْهُ إِنَّهُ لَيَكْفُرُ} :

ربنا بيبين طبيعة الإنسان ، إن الإنسان ضعيف ، يُحب المتعة ، و يُحب الرضوخ للراحة و النعيم و الزينة ، ربنا بيوصف حال الإنسان عشان يقوله إنت ضعيف ماتتحدث ، ماتتحدث أنبيائي ، ماتتحدث ملائكتي ، ماتتحدث آياتي ، ماتتحدث عذابي ، (و لئن أذقنا الإنسان منا رحمة ثم نزعناها منه) رحمة يعني نعمة ، (إنه ليكفر) يكفر باليأس و الكفر ، عدم الإيمان يعني .

{وَلَيْنُ أَدَقْنَاهُ نِعْمَاءَ بَعْدَ ضَرَاءٍ مَسَّتْهُ لَيَقُولَنَّ ذَهَبَ السَّيِّئَاتُ عَنِّي إِنَّهُ لَفَرِحٌ فَخُورٌ} :

(و لئن أذقناه نعماء بعد ضراء مسته) العكس بقى ، (ليقولن ذهب السيئات عني) كأنه لم تصبه ضائقة قط ، و لم يُصبه أذى قط ، (إنه لفرح فخور) خلاص ينسى الآلام و البؤس اللي كان فيه و يبدأ يفرح و يتفاخر و يتكبر على الناس ، فربنا لا عاوزك تبقى فخور و فرح كده و متكبر ، و لا عاوزك تبقى يؤس و قنوط و كفور ، أبداً ، لا عاوزك لا كده و لا عاوزك كده ، مش عاوز كده و لا كده ، عاوزك مستقيم ، عاوزك متوسط ، عندك ثبات إنفعالي و ثبات عاطفي ، تمام! .

{إِلَّا الَّذِينَ صَبَرُوا وَعَمِلُوا الصَّالِحَاتِ أُولَئِكَ لَهُمْ مَغْفِرَةٌ وَأَجْرٌ كَبِيرٌ} :

هنا بقى المعيار أهو ، المعيار اللي ربنا بيحبه ، و اللي هو معيار سورة العصر ، (و العصر إن الإنسان لفي خسر إلا الذين آمنوا) الخسر إيه؟ اللي هو لما يجيله الضراء

بيئس ، أو سراء يفخر كده و يتكبر ، هو ده الخُسر ، الخُسر من الناحيتين ، و الزمان و تطاول الزمان كفيل للخُسر على البشر إلا ، إلا الذين آمنوا بالبعث مع كل نبي في كل زمان و في كل قرن ، و مش آمنوا بس ، (و عملوا الصالحات) و مش عملوا بس ، (و تواصلوا بالحق و تواصلوا بالصبر) تواصلوا : تفاعلوا ، يعني كانوا عمليين أوي ، و مؤكدين أوي ، و جازمين أوي على إيه؟ على الوصية ، بإيه؟؟ (تواصلوا بالحق) قول الحق و الجرأة في الحق و الشهامة و الرجولة و الجدعة ، تبقى جدع زي المصريين ما بيقولوا ، (و تواصلوا بالصبر) يبقى عندك صبر ، و طول نفس ، فربنا بيقول أهو (إلا الذين صبروا و عملوا الصالحات) الصبر و عمل الصالحات ، (أولئك لهم مغفرة و أجر كبير) ليهم مغفرة ، دليل إيه؟ إن مفيش حد مبيذنبش حتى الأنبياء .

و بعد كده ربنا بيعاتب النبي ، بيقوله إيه :

{فَلَعَلَّكَ تَارِكٌ بَعْضَ مَا يُوحَىٰ إِلَيْكَ وَضَائِقٌ بِهِ صَدْرُكَ أَن يَقُولُوا لَوْلَا أُنْزِلَ عَلَيْهِ كَنْزٌ أَوْ جَاءَ مَعَهُ مَلَكٌ إِنَّمَا أَنْتَ نَذِيرٌ وَاللَّهُ عَلَىٰ كُلِّ شَيْءٍ وَكِيلٌ} :

(فلعلك تارك بعض ما يوحى إليك و ضائق به صدرك) زي ما قال له قبل كده (فلعلك باخع نفسك ألا يكونوا مؤمنين) هناك كان النبي إيه ، نفسه تذهب على الكافرين حشرات ، بيتحسر عليهم أوي ، هو أنذرهم و مش مؤمنين و كافرين و ناكرين معروف النبي و مُسيئي الظن به و لا يلتفتون إلى صفاء النبي و نبل النبي ، فكان ده مآثر في النبي و بيأثر في كل نبي ، فربنا بيقوله إيه (فلعلك باخع نفسك ألا يكونوا مؤمنين) يعني إنت عاوز تقتل نفسك من الحسرة عليهم ، إنت بلّغ بس (إن أنت إلا نذير) ، فهنا ربنا بيعاتبه بس من إتجاه ثاني ، بيقوله : الوحي اللي أديهولك متتكشفش منه ، قوله زي ما هو ، حتى و لو مجاش على هوى الكفار و على هوى قومك ، قوله ، إنت بسطجي ، مرسال لا أقل و لا أكثر ، (أن يقولوا لولا أنزل عليه كنز أو جاء معه ملك) ماتستصغرش نفسك ، ماتستصغرهاش إنت أحسن من الملك ، ماتستصغرش نفسك ، إنت أحسن من أي آية مادية حصلت قبل كده ، لأن الآية المادية بتجيب المنافقين أكثر ما بتجيب مؤمنين ، لكن الآية الروحية بتجيب المؤمنين و بتذب المنافقين بعيداً ، (أن يقولوا لولا أنزل عليه كنز أو جاء معه ملك) كنز يعني أموال أو آيات مادية ، دايماً المنافقين كده بيدوروا (بيحثوا) على الفلوس ، الأموال ، لو النبي أتى و وزع فلوس و أموال ، و المهدي أتى و وزع فلوس و أموال مادية ، هتلاقي كل المتسلقين و الأرزقية حواليه و يطبلوله ، مش هيبقى عارف بقى مين الصادق و مين الكاذب ، الأرزقية كتير زي اللي إحنا عارفينهم ، من غير ذكر أسماء ، أرزقية كتير و منافقين و طبالين و مرءين ، طب النبي كده هيتوه ، بالعكس ، لما ماتجيش معه آية مادية و فلوس و أموال ، هنا هيبقى مستريح ، هيبقى حوله مخلصين بس ، على الأقل في بداية الدعوة ، يبقى عارف راسه من رجليه ، النبي يبقى فاهم و مستريح نفسياً ، ليه؟ لأن فيه تركيبة و تصفية ، صح؟ ، ليه؟ لأن العالم دلوقتي بيمووج في النفاق و بيمووج في النفعية ، و بيمووج في الكذب ، و بيمووج في الرياء و الشرك الخفي ، فلو النبي أتى بفلوس ، مش هيعرف يزكي الناس ، هيختلط عليه

الأمر ، التزكية بتاعة النبي هتبقى صعبة ، لكن لما النبي يأتي بآيات روحية و تزكية و تعليم و إبتلاء إيمان ، هتكون التزكية بتاعة النبي سهلة ، حتى لو كان أتباعه قليلين ، هتكون التزكية بتاعته سهلة ، (إنما أنت نذير) أنت منذر ، وظيفتك الأولى إيه؟ منذر ، (و الله على كل شيء وكيل) رينا سبحانه و تعالى مسيطر على كل حاجة ، فالجأ إليه و استسلمه عشان تبقى قدوة لأتباعك .

و تابع نبي الله الحبيب حديثه بعد قراءة أرسالن للوجه و تصحيحها ، و قال :

بالنسبة للكلمة اللي أنا قلتها الفصل بين السلطات ، عشان أوضحها ، ده أسلوب حديث متطور ، من أساليب الحكم في الزمن الحديث ، و الحكم هو أمر دنيوي ، و هو متطور مع تطور العلوم الإنسانية ، الفصل بين السلطات يعني إيه ، في كم سلطة في البلد ؟ ، متقسمة : في سلطة تنفيذية اللي هي الوزراء و الحكومة و الرئيس ، و سلطة تشريعية اللي هي البرلمان اللي هم نواب الشعب ، و سلطة قضائية ، و سلطة الإعلام مثلاً ، ففي سلطات ، السلطة البرلمانية أو التشريعية أو النيابية ، اللي هي تبقى عبارة عن ممثلين للشعب بيكونوا في مكان كبير ، بيعبروا عن آراء الشعب ده ، يبقى ليهم وظيفتين : الوظيفة الأولى : مراقبة أداء السلطة التنفيذية ، مراقبة أداء الحكومة يعني ، الوظيفة الثانية : سن قوانين تنظم الحياة ، تنظم الأمور اليومية أو تسيير شؤون الدولة ، دي وظيفتهم ، المفروض محدش يآثر عليهم ، يبقوا مستقلين ، هو ده معنى فصل بين السلطات ، كذلك السلطة القضائية ، القضاة ممنوع حد يآثر عليهم ، تمام؟ ، كذلك السلطة التنفيذية المفروض و طبعاً هي سلطة مستقلة ، اللي هم المحليات ، و المجالس المحلية ، و الوزارات ، وزارة الصحة ، وزارة التعليم ، وزارة البترول ، كل ده تنفيذ ، حاجات تنفيذية ، ماشي؟ ، مبدأ الفصل بين السلطات دي ، مين اللي كتب عنه؟ أو تم إبتكاره فين؟ تم إبتكاره في فرنسا ، واحد كاتب إسمه (مونتسكيو) هو اللي أسس المبدأ ده ، و هو مبدأ محمود ، الفصل بين السلطات ، و إحنا زي ما قلنا ، نظام الحكم متطور مع الزمان ، و نحن مع هذا التطور ، إيه؟ بيزيد من حقوق الإنسان ، بيزيد من العدالة ، بيردع الظالمين ، و لو أي إنسان عنده نزعة للظلم بيرتدع بنظام الحكم ده ، و ده اللي إحنا بنسميه نظام إيه؟ الديمقراطية ، و هو نظام محمود ما لم يُخالف شرع الله عز و جل ، ما قاله الدكتور محمد المسعري ، له مقالة جيدة و طيبة ، و هي شعار تقريباً للمجموعة بتاعته ، بيقول إيه : الحاكمية لله و السلطان للأمة ، يعني إيه؟ الحكم لله عز و جل ، و الشريعة إلهية ، تصريف شؤون الحياة بيد مين؟ الشعب ، الأمة ، هم اللي بيعملوا برلمان و يشكلوا السلطة اللي هتحكمهم ، إذاً الحاكمية لله و السلطان للأمة ، تمام كده؟ ، في حد عنده سؤال في المسألة دي ، تقريباً إحنا أول مرة بنتكلم فيها .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسالن بإستخراج أمثلة على أحكام طلبها منهم من هذا الوجه :

طلب من مروان مثال على إدغام حقيقي ، فقال :
{شَيْءٌ وَكَيْلٌ} .

و طلب من رفيدة مثال على إقلاب ، فقالت :
{تَارِكٌ بَعْضٌ} .

و طلب من أرسلان مثال على إدغام حقيقي ، فقال :
لكنه أجاب بمثال على الإقلاب : (من بعد) .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلِّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . ❀❤

درس القرآن و تفسير الوجه الثالث من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الميم الساكنة , ثم قام بقراءة الوجه الثالث من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثالث من أوجه سورة هود ، و نبدأ بأحكام التلاوة و أحمد :

أحكام الميم الساكنة :

إدغام متماثلين صغير و هو إذا أتى بعد الميم الساكنة ميم أخرى فتدغم الميم الأولى في الثانية و تنطق ميماً واحدة .

و الإخفاء الشفوي و هو إذا أتى بعد الميم الساكنة حرف الباء و الحُكم يقع على الميم أي الاخفاء يكون على الميم .

و الإظهار الشفوي و هو إذا أتى بعد الميم الساكنة جميع الحروف إلا الميم و الباء ، و الإظهار طبعاً سكون على الميم نفسها يعني الحُكم يقع على الميم .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة آية الكرسي ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى هنا بياخذ و يعطي ، يعمل نقاش ، يعمل حوار ، ليه؟ لأن النقاش و الحوار و الأخذ و العطي في الأدلة و في تحليل و شرح نفسيات المؤمنين و الكافرين بيظهر الحقيقة ، بيظهر الحقيقة ، فالوجه ده عبارة عن نقاش إلهي ، نقاش إلهي متمثل في هذه الكلمات ، عشان نوصل للحقيقة ، إيه هي الحقيقة؟ هل في إله فعلاً و لا مفيش ، هل في أنبياء فعلاً و لا مفيش ، طب و الأديان اللي موجودة في العالم دي كلها ، هل كلها صحيحة و لا هو دين واحد بس اللي صح؟ طب هل كلها أصلها واحد؟ و لا ليها أصول مختلفة؟ هل ممكن تتابع الزمان و تقادم الزمان على الأديان ، يُحرف الأديان دي من خلال آراء علماءها أو مشايخها أو أحبارها و رهبانها و لا لا؟ هل كل اللي بيدّعوا النبوة صادقين و لا فيه كاذبين؟ طيب نعرف إزاي؟ نوصل للحقيقة إزاي؟ ، هو ربنا هنا يعمل نقاش من خلال الكلمات دي ، من خلال الآيات دي ، حطها ورا بعض كده ، بيخلق عندك في وعيك و في عقلك و في وجدانك نقاش ، البُغية منه و الهدف منه إيه؟ الوصول للحقيقة ، لأنك لما تصل للحقيقة بيقين يكون عندك سلام نفسي ، إطمئنان .

{أَمْ يَقُولُونَ افْتَرَاهُ قُلْ فَأْتُوا بِعَشْرِ سُوَرٍ مِّثْلِهِ مُفْتَرِيَاتٍ وَادْعُوا مَنِ اسْتِطَعْتُمْ مِّنْ دُونِ اللَّهِ إِن كُنْتُمْ صَادِقِينَ} :

(أم يقولون افتراه) يعني هم الكافرين يقولوا إنت افتريت القرآن ده ، أو افتريت دعوى النبوة بتاعتك ، أو افتريت الرسالة بتاعتك دي ، (أم يقولون افتراه) ، أول حاجة هنا إيه؟ (قل فأتوا بعشر سور مثله مفتریات) خلاص لو هو إفتري ، اعملوا زييه و هاتوا عشر سور مفتریات زي ما إنتو بتقولوا ، (و ادعوا من استطعتم من دون الله) هاتوا شركاءكم أو كل الحلفاء بتوعتكم يساعدوكم ، ده تحدي ، (إن كنتم صادقين) .

{فَإِنْ لَّمْ يَسْتَجِيبُوا لَكُمْ فَاعْلَمُوا أَنَّمَا أُنْزِلَ بِعِلْمِ اللَّهِ وَأَنْ لَا إِلَهَ إِلَّا هُوَ فَهَلْ أَنْتُمْ مُسْلِمُونَ} :

(فإن لم يستجيبوا لكم فاعلموا أنما أنزل بعلم الله) إذا مقدرتوش يعملوا و مش هيقدروا يجيبوا كتاب محكم زي ده ، اللي هو كلماته بتتنزل على مشاهد الرؤى و الأمثال في الرؤى ، حد يقدر يعمل كده؟ محدش يقدر إلا الإله ، الله سبحانه و تعالى ، (فإن لم يستجيبوا لكم) يعني رفضوا أو حاولوا و معرفوش ، دي معنى عدم الإستجابة يعني ، (فاعلموا) هنا بيخاطب المؤمنين و المتشككين ، (فاعلموا أنما أنزل بعلم الله) نزل بوحي ربنا لأن العلم في القرآن هو الوحي ، و العلم هو الكرسي ، و الكرسي هو الحاجة أو الشيء اللي بيضع عليها الملك رجله و هو قاعد على العرش ، إذا العرش كان صفات ربنا و الكرسي هو العلم ، صفة العلم ، هي الحاجة اللي بيحط عليها ربنا رجله ، ده في عالم المجاز يعني و المثال عشان نقرب الصورة بس ، (أنما أنزل بعلم

الله) بوحى الله ، كأنه نازل من العرش ، من ربنا ، من تحت رجل ربنا ، من خلال الكرسي يعني لكم جميعاً ، للكون كله يعني ، كل دي صور مجازية مش على الواقع ، (و أن لا إله إلا هو) يعني إله واحد ، دائماً كده ربنا بيدعو للوحدة ، لأنه إله واحد ، مفيش غيره ، (فهل أنتم مسلمون) هتسلموا بقى؟ هتسلموا للنبي و لتزكيتة و لدعوته و لأوامره و لنواهيه و لإنذاره و لبشارته؟ .

كنت قبل كده جمعتكم أو جمعت للناس اللي بتابع المدونة ، أربعة أدلة على وجود ربنا ، أربعة أدلة بخاطب بيها الملحدون اللي هم متشككين و بيقولوا هل في إله و لا لا ، أول دليل : تحقق النبوءات ، واحد كده بيجي يشوف رؤى أو يدعي إنه هو نبي أو إنه هو مبعوث من الله عز و جل ، أول حاجة يشوف رؤى و تتحقق ، ده أول دليل ، إن إيه؟ في إله ، يعني تحقق النبوءات و بعث الأنبياء ، ده أول دليل على وجود إله باعث ، ثاني دليل : إستجابة الدعاء ، لما تلاقي كده في العالم ، لما الإنسان يكون في حالة إضطرار و أزمة و توجه للإله الحي ، الإله الحق ، إله الكون بالدعاء ، فنجد إيه؟ إنه فعلاً بتحدث إستجابة لهذا الدعاء ، ده دليل أن في قوة غيبية تستجيب ، ده موجود أهو ، يبقى ده دليل على وجود الله ، الدليل الثالث : حاجة فيزيائية ، إن علماء الفيزيا اكتشفوا إن كل الحيوانات و كل المخلوقات و كل الأشياء في الدنيا و الخلايا و مكونات الخلايا الصغيرة ، تفضل تتناهى ، كده تتناهى ، في اكتشافاتهم لها يعني ، في اكتشافاتهم للمكونات الصغيرة للخلايا و الجزيئات ، لغاية ما تصل للعناصر الأساسية للكون ، و العناصر دي لابد إنها تكون ظهرت من العدم ، لازم ، دي مُسلّمة علمية إن لازم الجزيئات و العناصر الأولية اللي بتكون الخلايا و النباتات و الحيوانات و الجبال و المعادن ، كل دي ، العناصر الرئيسية دي الأولى ، و الذرات و الأنوية دي لازم تكون أتت من العدم ، مينفعش تكون ظهرت لوحدها ، لازم يكون ليها مُوجد ، ظهرت من العدم ، ملهاش قبل يعني ، لازم تكون في بداية صفرية ، مين اللي عمل البداية الصفرية دي؟؟ قوة غيبية ، الإله ، الله ، خلاص دي شاهد من ضمن شواهد على وجود إله ، وجود الله عز و جل ، كذلك من ضمن شواهد وجود الله عز و جل ، الدليل الرابع : وحدة الكون ، تلاقي دائماً الأجرام بتطوف عكس عقارب الساعة ، و الإلكترونات في المدارات بتاعتها حول الأنوية في الذرات بتطوف عكس عقارب الساعة ، نفس الطواف الكوني ، وحدة ، يبقى في بينهم عامل مشترك ، العامل المشترك ده بنسميه وحدة ، يعني توحد في الصفات أو في حاجة بتوحدهم في الصفات ، ده دليل على وحدة الخالق ، أن الصانع واحد ، الصانع واحد مش إثنين ، و من أدلة وجود الإله ، حاجة بسميها إيه ، حاجة قلتها من عندي ، مبتكرها يعني ، حاجة إسمها الثواب و العقاب في الدنيا قبل الآخرة ، بتلاقي دائماً لو تلاحظ ، أن الظالم ربنا بجزيه على ظلمه في الدنيا قبل الآخرة ، و المحسن ربنا بيعطيه ثواب إحسانه في الدنيا قبل الآخرة . بنلاحظ شؤم المعصية و بركة الطاعة . بنلاحظ الذنب يفني الرزق و الاستغفار و الصدقة تجلب الرزق . و بنلاحظ مثل مصري عبر الزمان و الايام يتحقق و هو في ذاكرة تجارب المجربين و خبرات الناظرين المتدبرين الخاشعين يحكونه كل حين و هو (كله سلف و دين حتى المشي عالرجلين)، يعني من حفر حفرة لأخيه وقع فيها . اليس ذلك من الثواب و العقاب المباشر من قوة غيبية في الدنيا قبل الآخرة ؟ بنلاحظها إحنا كده ، حتى لو ملاحظتهاش كتير بس دائماً بتلاقيه ، بتلاقي دائماً الثواب و العقاب على الحسنة و السيئة ، ثواب على الحسنة و عقاب على السيئة ، في الدنيا قبل الآخرة ، في الدنيا ده دليل ، إن فعلاً في واحد ، إله فعلاً بيجازي بالإحسان على الإحسان ، وبيعاقب

بالعقاب على الظلم والإساءة ، ف ده بحد ذاته دليل ، نقدر نقول إنه دليل على وجود قوة إلهية غيبية خالقة لهذا الكون و مسيرة لهذا الكون .

طيب واحد هيقولي إيه ، طيب ماشي إحنا اتفقنا معاك ، إن الكون لازم فعلاً يكون له مُوجد ، و الأدلة بتاعتك حلوة كويسة ، اللي إحنا قلناها دي ، اللي هي إيه؟ تحقق النبوءات و بعث الانبياء ، و إستجابة الدعاء ، وحدة الكون ، و أن لازم العناصر تكون خُلقت من العدم دي مُسَلمة علمية ، فمين خلقها من العدم؟ لازم يكون في قوة غيبية ، و الثواب و العقاب في الدنيا قبل الآخرة ، طيب واحد يقولك : طيب ماشي ، كلامك جميل ، بس ساعات بنشوف حاجات في الكون بتنسب الظلم لله أو للإله ده ، إنه ده إله ظالم ، أو هو مختفي أو متجاهل للذي يحصل و يحدث في الكون ، زي إيه مثلاً : ناس ماشية كده في الصحرا و انقطعت بيها السبل و معدش معاهم ماء و لا بنزين ، و هم أطفال أبرياء و معاهم أبوهم و أمهم مثلاً ، و بدأت الحرارة تاكلهم لغاية ما ماتوا و محدش سأل فيهم ، و فضلوا يدعوا ربنا و مسألش فيهم ، هل ده إله عادل كده؟ في ظاهر الأمر بيقولك لا ، إزاي ربنا كان يسببهم كده ، يبقى أكيد في الكون ده مفيش إله أو في إله بس ظالم ، أنا أقوله لا ، دي إحنا بنسميها المعاناة ، المعاناة دي من أحد أدلة إيه أو أحد حجج الملحدين في إلحادهم أو في تشككهم على أقل تقدير ، لأن قليل جداً اللي بيقولك إيه ، يكون ملحد صفر خالص ، بيقولك مفيش إله خالص ، مفيش مدبر خالص ، لا ، معظمهم يقولوا ، لا ، في رب خالق و لكن ميترفوش بالبعث أو الجزاء و الحساب و الشرائع الإلهية ، أقول له كما قال الخليفة الرابع - رضي الله عنه - طاهر أحمد في كتاب المعرفة و الحق ، الوحي و العقلانية ، أقوله : سبحانه و تعالى يقول : (و لا يظلم ربك أحداً) و إحنا مؤمنين إنه هو فعلاً (و لا يظلم ربك أحداً) ، نقول إن ربنا سبحانه و تعالى بيعصم ، يعني إيه؟ أكيد في المعاناة اللي حصلت ظاهرياً قدامك دي ، جواها و وراها و في باطنها خير و رحمة ، أنا معرفهاش ، بس هي حكمة خفية ربنا أخفاها عنا ، كان لازم تحصل ، و ربنا كان كاتبها ، هتقول طب كان ممكن متحصلش؟ أه كان ممكن متحصلش ، إزاي؟ بالدعاء ، بإستجابة الدعاء ، ممكن و لكن في أمور إحنا منفرهاش ، منفرهاش الظاهرة منها ، لكن بتبقى في خفاياها و في باطنها خير ، خير ، و أقول أنها مثل أحداث الخضر مع موسى . قتل الغلام و خرق السفينة و اقامة الجدار . كلها كانت أحداث معاناة و ألم لكنها تخفي في طياتها الخير و هي إرادة الله الكونية الخالصة التي يعلم ما بعدها لا أحد سواه يعلم . النبي اللي بيدعي إنه نبي صادق ، من ضمن أدلة صدقه إيه؟ إن الواحد لما يبجي يُحسن الظن فيه أو يؤمن به ، مباشرة المؤمن ده أو حسن الظن ده لما يستخير ربنا ، ربنا بيعتله أدلة و رؤى و أمثال على صدق هذا النبي ، و ده شيء مجرب ، معظم الناس مختاروش دينهم ، معظم الناس يا تولدوا على دينهم أو هم مالهومش دين ، و لكن معظم الناس مختاروش دينهم ، مين اللي اختار دينهم؟ إثنين ، اللي عاصر النبي و آمن به و شاف معجزاته و آياته و استخار ربنا في النبي ده ، و ربنا أعطاه علم و وحي إنه هو فعلاً صادق ، ده كده اختار الدين بتاعه ، زي الأحمديين و اليوسفيين كده ، اللي هم طوائف من طوائف المسلمين ، أو إنه قام بتغيير مذهبهم ، يعني ترك مذهب و اختار مذهب آخر ، كده هو اختار دينه ، فذلك إحنا بنقول إيه ، عمر بن الخطاب - رضي الله عنه - كان بيقول دايماً : "ما ولد مولود في الإسلام إلا خُلت عروة من عرى الإسلام" ، ليه؟ ليه قال كده؟ ما هو عمر حكيم لأنه صاحب النبي ﷺ ، هو بيقول إن إبتلاء الإيمان و الكفر اللي بيكون مع النبي ، ده مفيد للإيمان لأنه يُعطيك يقين ، غير لما تكون مولود في المذهب ده أو الدين ده ، لذلك

المسلمين الأوائل ، الجماعة العظيمة ، الصحابة العظام اللي كانوا حول النبي ﷺ ، لا نقول بأنهم ملائكة ، لكن بنقول إنهم كانوا إيه ، فيهم صفات خيرة جداً و كثير منهم كان عنده يقين كبير جداً لأنه عاصر النبي و اختبر النبوة و اختبر تجربة الوحي و اختبر ابتلاء الإيمان و الكفر ، عملوا إيه؟؟؟ حضارة قوية جداً و أمة عظيمة جداً ، و لكن لما تقادم الزمان على الإسلام و بدأ المواليد في الإسلام يبقوا مسلمين بالولادة ، خلاص اللي بيتولد ده بيبقى و اخذ الدين وراثته ، معندوش يقين مية في المية ، فبالتالي ممكن يبقى مهزوز أمام أي شبهة من شبهات الكافرين ، فلذلك من فوائد بعث النبي بأنه يجدد الإيمان في الأمة ، و بيخلي الناس في الأمة على درجة اختيار دينهم مش توارثهم ليه ، المسلمين دلوقتي ، مسلمين بالوراثة ، لكن لما يجيوا يتعرضوا لفتنة الإيمان بالمسيح الموعود ﷺ و يخافوا و يبدأوا يشكوا و يبدأوا يسألوا إله الكون ده عن صدق المسيح الموعود ﷺ ، و يبدأوا يقرأوا و يُحسنوا الظن و يتلقوا الوحي فعلاً على صدقه و آيات ، و بتحصل معهم آيات ، هنا بقی إيمانهم بيتجدد ، هنا ساعاتها ببقى اختاروا دينهم فعلاً ، ببقى الإسلام عندهم بقی إختيار مش ورث ، مش ورث ، لم يصبح ورثاً ، توارثاً ، كذلك المسلمين اليوم في ابتلاء أمام دعوة يوسف بن المسيح ، و كذلك الأحمديين ، لأن يوسف بن المسيح هو من أعظم نبوءات المسيح الموعود ﷺ ، اللي هو قال إيه : في وقت أهوال الشام ، ربنا هيبعث ابني الموعود ده ، و هيكون سنة ظهوره هي إيه؟ عيسى عند المنارة دمشق ، سنة الإيمان لما يؤمن بي هيكون سنة ١٤٣١ ، محدش كان يعرف الكلام ده ، يوسف بن المسيح نفسه مكنش يعرف الكلام ده ، بس ربنا كان عارف و مخبي النبوءة دي في حجب الغيب ، لغاية ما أظهرها للعالم عشان الناس تؤمن ، و تبقى دعوته في حد ذاتها يقين و دليل على صدق الإسلام و دليل صدق المسيح الموعود ﷺ ، فالناس تطووف حول الدعوة بتاعته لأنها لما تطوف حول دعوته عكس عقارب الساعة ، ببقى هي كده كأنها بتطوف حول الكعبة ، و لما تطوف حول الكعبة اللي هي الإسلام يعني التوحيد ، ببقى هي كده إيه ، بتتشبث بإله الكون ، فهمتوا؟ خلاص .

{مَنْ كَانَ يُرِيدُ الْحَيَاةَ الدُّنْيَا وَزَيَّنَّتْهَا نُوفٌ إِلَيْهِمْ أَعْمَالُهُمْ فِيهَا وَهُمْ فِيهَا لَا يُبْخَسُونَ} :

اللي عاوز الدنيا و مش عاوز الآخرة ، ممكن نديهاله بس ساعات دي بتبقى علامة شر مش علامة خير ، لأن ربنا هيكلك لنفسك و لدنياك ، و هيبعد عنك نعمة الإيمان و اليقين .

{أُولَئِكَ الَّذِينَ لَيْسَ لَهُمْ فِي الْآخِرَةِ إِلَّا النَّارُ وَحَبِطَ مَا صَنَعُوا فِيهَا وَبَاطِلٌ مَّا كَانُوا يَعْمَلُونَ} :

النار هي جزاءهم في الآخرة ، (حبط ما صنعوا) فين؟؟ في الدنيا ، حتى لو عملوا خيراً هو حابط لأنه مش موحد و مش مؤمن بالنبى المبعوث ، (و باطل ما كانوا يعملون) أي حاجة هم كانوا فاكرينها خير ، ربنا هيبتها لأن أساسها مش سليم .

{أَفَمَنْ كَانَ عَلَىٰ بَيِّنَةٍ مِّن رَّبِّهِ وَيَتْلُوهُ شَاهِدٌ مِّنْهُ وَمِن قَبْلِهِ كِتَابُ مُوسَىٰ إِمَامًا وَرَحْمَةً أُولَٰئِكَ يُؤْمِنُونَ بِهِ وَمَن يَكْفُرْ بِهِ مِنَ الْأَحْزَابِ قَالُوا مَوْعِدُهُ فَلَا تَكُ فِي مِرْيَةٍ مِّنْهُ إِنَّهُ الْحَقُّ مِن رَّبِّكَ وَلَكِنَّ أَكْثَرَ النَّاسِ لَا يُؤْمِنُونَ} :

(أفمن كان على بينة من ربه) مين هو؟ النبي و كل نبى ، لكن المقصود في الآية دي مين؟ سيدنا محمد ﷺ ، قرأتوا سورة البينة طبعاً؟ عارفين سورة البينة ، (لم يكن الذين كفروا من أهل الكتاب و المشركين منفكين حتى تأتيهم البينة x رسول من الله يتلوا صحفاً مطهرة x فيها كتب قيمة) ، (أفمن كان على بينة من ربه) محمد ﷺ ، عنده بينة من ربه ، اللي هو إيه؟ الوحي ، و إنه كان عارف أسفار الأنبياء و كان على الطائفة الموحدة الإبيونية ، طائفة الفقراء الإبيونيين ، كان موحد ، و السيدة خديجة كانت أيضاً إبيونة ، و ورقة بن نوفل و زيد بن عمرو بن نوفيل ، عثمان بن مظعون و كثيرين ، (و يتلووه شاهد منه) المسيح الموعود ﷺ ، يتلو النبي لأنه هو عيسى بن مريم ، (و يتلووه شاهد منه) يتلووه أي يأتي بعده ، أتى بعده ب ١٣٠٠ سنة ، (و يتلووه شاهد منه) ، و بعد كده ربنا بيعيد المناظرة و التناظر بين السلسلتين : المحمدية و الموسوية ، و يقول إيه : (و من قبله كتاب موسى إماماً و رحمة) موسى كان إمام لأنبياء جاينين بعده ، كذلك محمد إمام لأنبياء جاينين بعده ، عيسى بن مريم اللي هو المسيح الموعود بينه و بين سيدنا محمد ١٣٠٠ سنة ، كذلك عيسى بن مريم الناصري بينه و بين موسى ١٣٠٠ سنة ، و فكركم إن المسيح الموعود ده آخر واحد في سلسلة أنبياء عهد محمد؟؟؟ مش آخر واحد ، ده مفتاح لبعث في أمة محمد إلى قيام الساعة ، كلهم تحت ظل الشريعة المحمدية ، كلهم بيستقوا نورهم من سيدنا محمد ﷺ كرامة للنبي و دليل على صدق النبي و دليل على وجود ربنا ، لأن كل الأديان دلوقتي في العالم بما فيهم المسلمين بيعتقدوا إن الوحي إنقطع من السماء ، مفيش وصال ما بين الله و عباده ، و نحن نقول هذا بهتان عظيم ، الوحي موجود و لكن في سلسلة واحدة ، كانت مين؟ المسلمين المتصوفة الأطهار و منهم أصبح المسيح الموعود و الأحمديين ، و منهم بعد كده يوسف بن المسيح و أتباعه و هكذا ، الأنبياء الجاينين هيكونوا في سلسلة يوسف بن المسيح و هكذا ، كلهم بيستمدوا نورهم من سيدنا محمد ﷺ ، عشان ربنا دائماً يبقى عامل شمعة في الكون ، شمعة كده مضيئة ، الناس تبصلها (تنظر إليها) و تذهب ظلام الليل ، مينفعش ربنا يسبب الدنيا من غير شمعة مضيئة ، مين الشمعة المضيئة دي؟ الأنبياء ، آدم ، بعد كده كل سلسلته ، كل ما الشمعة تنور شوية ، يبدأ ييجي حولها الظلام و تنطفئ عبر الزمان ، اللي هي دعوة النبي ، يبدأ ربنا ينور شمعة تانية ، نبي جديد ، شمعات فيصلة على الطريق مُعنونة ، بعد كده لما الدنيا أظلمت بعد عيسى بن مريم ، ربنا بعث شمعة جميلة جداً ، أعظم شمعة في الوجود ، سيدنا محمد ﷺ ، بعد كده بعد ١٣ قرن بدأ الظلام يغشى هذه الشمعة بسبب تجارة المشايخ لدين ربنا و تحريفهم لتعاليم الإسلام ، فربنا بعث الشمعة العظيمة المسيح الموعود ﷺ ، كذلك الأحمديين حرفوا كلام المسيح الموعود و في منهم نفوا

نبوته ، فربنا بعث شمعة تاتية يوسف بن المسيح ، و هكذا ستظل الشمعات المنورة على طريق قدر الله معنونة ، لا بد لها أن تأتي ، (أفمن كان على بينة من ربه) محمد ، (و يتلوه شاهد منه) ميرزا غلام أحمد ، (و من قبله كتاب موسى إماماً و رحمة) زيه زي محمد في المقارنة ، نبي تشريعي و موسى نبي تشريعي ، موسى بعديه أنبياء و كذلك محمد بعديه أنبياء ، (أولئك يؤمنون به) المؤمنون الحق هم اللي بيؤمنوا بتنظر السلسلتين ، (و من يكفر به من الأحزاب) المذاهب الكثيرة ، إذا كفرت بالأمر ده و البعث ده ، فالنار موعده ، ربنا هيجزيه نار جهنم في الدنيا قبل الآخرة ، (فلا تكن في مريّة منه) بيكلم النبي و كل نبي ، لأن النبي بيحدد دينه كل حين و يراجع حساباته ، هل فعلاً في إله في الكون؟؟ يرجع يراجع حساباته ، يلاقي آه في إله في الكون ، هل فعلاً الأنبياء و البعث صحيح؟؟ يرجع حساباته بجد عشان يختار دينه مش يتوارثه بس ، فيلاقي فعلاً ، آه الأنبياء حقيقيين فعلاً ، لأنه هو جرب تجربة الوحي ، و جرب تجربة النبوة و التزكية ، و شاهد الأدلة ، (فلا تكن في مريّة منه) بيظمن سيدنا محمد و أي نبي ، متخفش ، متشكش ، ليه الإيمان إيه؟ يتعاهد ، يجب أن تتعاهد إيمانك حتى لا يبلى ، تتعاهده إزاي؟ باليقين ، و اليقين هيجي منين؟ إنك تراجع الأدلة تاني ، اللي إحنا قلناها دي ، بينك و بين نفسك ، (إنه الحق من ربك و لكن أكثر الناس لا يؤمنون) و عرفنا أن المعاناة إيه ، ظاهرها قسوة و ألم ، و لكن في باطنها إيه؟ رحمة ، ممكن الناس اللي ربنا خلاهم يموتوا في الصحرا ، كان لو بعد كده ، بأزمان و بسنين طلّعوا ، كانوا يبقوا مثلاً ملحدين أو عصاة فساق ، أو كانوا هيعانوا في شيخوختهم ، أو ربنا هيرزقهم بذرية فاسدة ، فربنا حب يرحمهم من خلال المعاناة الظاهرية دي ، لأن ربنا له تدابير نحن لا نفقهها ، نعلم منها بعض من كل ، و لكن لا نعلم كليةً ، لأن إحنا مش آلهة ، تمام كده ، (إنه الحق من ربك و لكن أكثر الناس لا يؤمنون) دائماً ربنا بياكد أن الكثرة مذمومة ، أكثر الناس فاسقين ، و لن تجد أكثر الناس و لو حرصت بمؤمنين .

{وَمَنْ أَظْلَمُ مِمَّنِ افْتَرَى عَلَى اللَّهِ كَذِبًا أُولَئِكَ يُعْرَضُونَ عَلَى رَبِّهِمْ وَيَقُولُ الْأَشْهَادُ هَؤُلَاءِ الَّذِينَ كَذَبُوا عَلَى رَبِّهِمْ أَلَا لَعْنَةُ اللَّهِ عَلَى الظَّالِمِينَ} :

ربنا هنا بيعدل الكفة ، يقولك إيه ، مش كل اللي بيدعي النبوة صادق ، لكن يجب أن تحسن الظن و تسأل الإله عنه ، لغاية ما توصل للحقيقة ، و في ناس ، لا ، بيدعوا النبوة كذباً لمصالح شخصية ، (و من أظلم ممن افترى على الله كذباً) اللي بيكذب في الرؤى ، و يقول مثلاً أنا شفت رؤيا كذا و لم يرى ، ده كاذب على الله ، في مقام النبي الكذاب أو المفترى على الله ، تمام كده؟ ، لذلك حذر النبي ﷺ من ذلك و قال : "من قال رأى رؤيا و هو لم يرى ، فليتبوأ مقعده من النار" أو كما قال رسول الله ﷺ ، الكذب في الرؤى أمر عظيم جداً ، كأن الإنسان بيدعي النبوة كذباً على الله ، عذابه عظيم ، عذابه مضاعف ، (أولئك يعرضون على ربهم و يقول الأشهاد هؤلاء الذين كذبوا على ربهم) الأشهاد اللي هم الأفعال ، أفعالهم هتتمثل و هتشدد عليهم ، إذاً الأشهاد مين؟ الأفعال نفسها اللي شهدت الفعل ، ربنا هيخلقها بشكل تمثلي و هتشهد على الأنبياء الكذبة هؤلاء ، (ألا لعنة الله على الظالمين) اللعنة هنا تيجي من الملائكة و من المؤمنين و من الأفعال المتمثلة دي ، (على الظالمين) مين؟ المفترين .

{الَّذِينَ يَصُدُّونَ عَنِ سَبِيلِ اللَّهِ وَيَبْغُونَهَا عِوَجًا وَهُمْ بِالْآخِرَةِ هُمْ كَافِرُونَ} :

يصدوا عن سبيل ربنا يعني إيه؟ بيدعي كذباً ، إنه مبعوث من ربنا و هو ليس بمبعوث من الله ، و بالتالي أي كلمة هي قولها هتكون صد عن سبيل الله و صد عن الطريق المستقيم و صد عن طريق العلم اللي هو طريق الوحي الحقيقي ، (و يبغونها عوجاً) عاوزينها معوجة على أهواءهم ، الأنبياء الكذبة هؤلاء ، (و هم بالآخرة هم كافرون) و لو هو مؤمن بالآخرة و بالبعث ، مكنش هيكذب على الله ، و بالتالي ده دليل إنه كافر بالبعث ، لأنه لو على يقين إنه في حساب و جزاء يوم الدينونة ، مكنش كذب على الله عز و جل .

○ و أثناء تصحيح نبي الله الحبيب لنا قراءتنا قال لنا :

طيب ، في حجة من حجج الملحدين ، يقولك : النبي ده إيمانه حجة عليه هو بس ، يعني الوحي ده حجة عليه بس ، لأنه الوحيد اللي اختبر الإيمان و ربنا أوحى له ، و ربنا أظهر له نفسه ، و أراه الآيات ، فالنبي ده إيمانه لنفسه ، و الوحي اللي جاله حجة له هو مش لنا نحن ، لأن الوحي ده لم ياتي لنا بل أتى للنبي ده ، فلما يجي يقول لنا تعالوا آمنوا ، لا ، دي مش حجة ، لأنه هو اللي شاف و إحنا مشوفناش ، هل دي حجة صحيحة؟؟ لا ، حجة باطلة ، حجة باطلة و تبرير من الملحدين الأنجاس ، ليه؟ لأن ربنا سبحانه و تعالى أولاً عزيز ، يعني إيه؟ هو بيعت للظاهر ده ، اللي شافه يستحق نوره ، و بعد كده الطاهر ده يدعوكم إنتو ، دي حاجة ، حاجة تانية : الحجة دي اتقالت زمان ، ربنا قالها في القرآن ، كل واحد منكم عاوز ملاك ينزله مخصوص ، أو كل واحد منكم عاوز قرطاس يكتب له مخصوص من ربنا له هو؟؟؟ إنت مين!!!! إنت مين!!!! إنت و لا حاجة ، إنت تسمع الكلام ، لأنك عبد ، قبلت أم أبيت ، إنت مخلوق عبد ، يعني مُسيطر عليك من الله عز و جل ، مصيرك في إيده ، فلما هو بيعتلك نبي يزكيك من خلاله ، يبقى هو كده بيعمل فيك معروف ، بيظهرك من أفعالك الدنية الردية ، باعتلك نبي زكي ، مش زكي معناها فهميم ، لا زكي يعني مُطهر ، قلبه صافي ، فهو استحق الأنوار تنزل على قلبه لأنه هو أظهر واحد فيكو إنتوا كلكو ، فربنا اصطفاه ، اختاره ، و من خلاله بيكلمكم ، يعني من خلال النبي ده ، ربنا بيكلمهم ، فميجيش كل واحد فيكم و يعمل نفسه متكبر و يقولك لا ، ده ربنا يكلمني بنفسه ، أو ينزل عليّ كتاب بنفسه عشان أنا أو من ، دي حجة باطلة ، و حجة الكافرين زمان ، ربنا فندها و قالها في القرآن الكريم ، يبقى لما واحد ملحد يقولك : النبي ، الوحي ده حجة عليه بس ، مش علينا! ، قل له : كذبت ، كذبت ، النبي حجة عليك ، هو في حد ذاته النبي ده ، بأفعاله و بكلامه المقدس حجة عليك إنت يا ملحد أو يا كافر ، فما بالك بربنا بقى سبحانه و تعالى و وحيه؟؟ ، إنت عاوز تعرف ، أحسن الظن في النبي و خليك مؤدب معه و اسأل الإله اللي بعث النبي ده ،

إِسْأَلَهُ بِخَشْوَعٍ كَدَهُ فِي صَلَاةٍ ، فِي دَعَاءٍ ، هَتَلَاقِي الْإِلَهَ دَه تَكْرَمَ عَلَيْكَ وَ أَعْطَاكَ نَفْحَةً مِنْ نَفْحَاتِ الْعِلْمِ ، وَ أَعْطَاكَ وَحْيَ عَلَى هَذَا الصَّدَقِ ، فَيَبْقَى إِلَيْهِ ، يَبْعَثُكَ جِزْءَ مَنْ الْوَحْيِ بُعِثَ لِلنَّبِيِّ ، لَكِنْ أَنْتَ مِنَ الْأَوَّلِ كَدَهُ تَقُولُ لَا ، دَه النَّبِيِّ وَ الْوَحْيِ شَافٍ ، إِنْهَا مَشْفَاشٌ ، هُوَ حُجَّةٌ عَلَيْهِ بَسْ! لَا ، مَشْ صَحِيحٌ . خَلَاصٌ؟

وَأَنْهَى الْجُلُوسَةَ بِأَنْ طَلَبَ قَمَرَ الْأَنْبِيَاءِ يُوسُفَ الثَّانِي ﷺ مِنْ مَرْوَانَ وَ رَفِيدَةَ وَ أَرْسَلَانَ بِإِسْتِخْرَاجِ أَمْثَلَةٍ عَلَى أَحْكَامِ طَلِبِهَا مِنْهُمْ مِنْ هَذَا الْوَجْهِ :

طَلَبَ مِنْ مَرْوَانَ مِثَالَ عَلَى إِظْهَارِ شَفْوَى ، فَقَالَ :

{لَمْ يَسْتَجِيبُوا} ، {أَمْ يَقُولُونَ} .

وَطَلَبَ مِنْ رَفِيدَةَ مِثَالَ عَلَى إِدْغَامِ مِثَالَيْنِ صَغِيرٍ ، قَالَتْ :

{أَنْتُمْ مُسْلِمُونَ} .

وَطَلَبَ مِنْ أَرْسَلَانَ مِثَالَ عَلَى إِخْفَاءِ شَفْوَى ، فَقَالَ :

{وَهُمْ بِالْآخِرَةِ} .

وَ اخْتَتَمَ نَبِيَّ اللَّهِ الْجُلُوسَةَ الْمُبَارَكَةَ بِقَوْلِهِ الْمُبَارَكِ :

هَذَا وَ صَلِّ اللَّهُمَّ وَسَلِّمْ عَلَى نَبِينَا مُحَمَّدٍ وَ عَلَى آلِهِ وَ صَحْبِهِ وَ سَلِّمْ ، سُبْحَانَكَ اللَّهُمَّ وَ بِحَمْدِكَ ، أَشْهَدُ أَنْ لَا إِلَهَ إِلَّا أَنْتَ ، أَسْتَغْفِرُكَ وَ أَتُوبُ إِلَيْكَ .

وَ الْحَمْدُ لِلَّهِ رَبِّ الْعَالَمِينَ . وَ صَلِّ يَا رَبِّي وَسَلِّمْ عَلَى أَنْبِيَائِكَ الْكَرَامِ مُحَمَّدٍ وَ أَحْمَدٍ وَ يُوسُفَ بْنِ الْمَسِيحِ صَلَوَاتُ تَلَوِّ صَلَوَاتِ طَيِّبَاتِ مَبَارَكَاتٍ ، وَ عَلَى أَنْبِيَائِ عَهْدِ مُحَمَّدٍ الْآتِينَ فِي مُسْتَقْبَلِ قُرُونِ السِّنِينَ أَجْمَعِينَ . آمِينَ . ❀❤

درس القرآن و تفسير الوجه الرابع من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ صفات الحروف , ثم قام بقراءة الوجه الرابع من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الرابع من أوجه سورة هود ، و نبدأ بأحكام التلاوة و أحمد :

- صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم تفخم , و إذا كان ما قبلها مكسور ترقق , و كذلك الراء تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .

الغنة : صوت يخرج من الأنف .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة قریش ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى يصف المفتريين على الله عز و جل و الكاذبين على الله عز و جل ، و الذين يدعون أنهم أوحى إليهم و لم يُوحى إليهم بشيء ، يقول سبحانه و تعالى واصفاً الأنبياء الكاذبين ، يقول :

{أُولَئِكَ لَمْ يَكُونُوا مُعْجِزِينَ فِي الْأَرْضِ وَمَا كَانْ لَهُمْ مِّنْ دُونِ اللَّهِ مِنْ أَوْلِيَاءٍ يُضَاعَفُ لَهُمُ الْعَذَابُ مَا كَانُوا يَسْتَطِيعُونَ السَّمْعَ وَمَا كَانُوا يُبْصِرُونَ} :

اللي كذبوا على الله عز و جل ، لن يعجزوا الله عز و جل في الأرض ، لن يفروا من الله عز و جل ، لن يهربوا منه ، لن يختبئوا بعيداً عنه ، (و ما كان لهم من دون الله من أولياء) محدش يقدر ينصرهم ضد ربنا ، محدش يقدر ينصرهم ضد ربنا سبحانه و تعالى ، مين دُول/هؤلاء بقى؟ (يضاعف لهم العذاب) عذابهم مضاعف ، الكاذبين على الله عز و جل ، عذابهم مضاعف ، (ما كانوا يستطيعون السمع) ما كانوا يستطيعون أن تصلهم كلمات الوحي ، لأن السمع هو إيه؟ الوحي الإلهي ، مسمعتوش في سورة الجن بيقول إيه : (و إنهم عن السمع لمعزولون) ، السمع هنا معناه إيه؟ الوحي ، تلقي الوحي ، كذلك كلمة العلم هي إيه؟ الوحي أيضاً ، كذلك الإبصار ، إبصار الكشوف و الرؤى هي أيضاً من دلالات و رموز و معاني الوحي في القرآن ، (و ما كانوا يبصرون) ماكنوش يشوفوا كشوف و لا رؤى ، لأنهم مفتريين باعوا دينهم بدنياهم ، زي مين كده في تاريخ الإسلام؟ مسيلمة الكذاب ، هذا مدعي كاذب على الله عز و جل ، مالك بن نويرة ، الأسود العنسي ، سجاح ، هناك أمثلة كثيرة لمدعي النبوة كذباً على الله عز و جل ، هؤلاء يُضَاعَفُ لَهُمُ الْعَذَابُ و هم غير معجزين في الأرض ، محدش يقدر ينصرهم ضد ربنا .

{أُولَئِكَ الَّذِينَ خَسِرُوا أَنْفُسَهُمْ وَضَلَّ عَنْهُمْ مَا كَانُوا يَفْتَرُونَ} :

تسمع يقولك : عشان متخسرش نفسك لازم تعمل الفعل الفلاني ، أو تسامح فلان عشان متخسرش نفسك ، كلمة إنك تكسب نفسك أو تخسر نفسك ، كلمة عظيمة جداً ، ده معنى قرآني عميق ، إن الإنسان يكسب نفسه ، يعني إيه؟ يكسب نفسه المظمنة المزكاة بتزكية الوحي و العرفان الإلهي ، بالتالي الكاذب على الله عز و جل و المفتري (أُولَئِكَ الَّذِينَ خَسِرُوا أَنْفُسَهُمْ) خسر نفسه ، بينه و بين نفسه ، محدش يحترم نفسه أقل حاجة ، هو عارف إنه كذاب و مش صادق ، فبالتالي لا يتكلم بقوة و لا بيقين و لا بحرارة ، إيه تاني بقى من صفاتهم؟ (و ضل عنهم ما كانوا يفترون) أي

كلام بيقتروه لن يجنوا منه ثمار ، لا في الدنيا و لا في الآخرة ، ضل يعني تاه ، تاه عنهم ما كانوا يكذبون .

{لَا جَرَمَ أَنَّهُمْ فِي الْآخِرَةِ هُمُ الْآخَسَرُونَ} :

(لا جرم) معناها معنيين : (لا جرم) أي لا عجب أنهم في الآخرة هم الأخسرون ، أكثر المكلفين خُسراناً ، و أكثرهم عذاباً ، و كذلك (لا جرم) يعني مش جريمة إن إحنا نجعلهم الأخسرين يوم القيامة ، الأكثر خُسراناً ، هذا ليس بجرم أن نفعل ذلك ، يعني هو أمر طبيعي بأن يكون هؤلاء الكاذبين خاسرين و أكثر الناس خسراناً يوم القيامة و مش جريم ان احنا نصفهم بذلك ..

بعد كده ربنا بيتكلم و بيقول عن الطائفة الثانية بقى ، المصدقين بالأنبياء و الأنبياء الصادقين :

{إِنَّ الَّذِينَ آمَنُوا وَعَمِلُوا الصَّالِحَاتِ وَأَخْبَتُوا إِلَىٰ رَبِّهِمْ أُولَٰئِكَ أَصْحَابُ الْجَنَّةِ هُمْ فِيهَا خَالِدُونَ} :

المؤمنين و الأنبياء الصادقين و المُصدقين بيهم هؤلاء آمنوا و عملوا الصالحات ، آمن و عمل ، و إيه تاني؟ (و أخبتوا إلى ربهم أولئك أصحاب الجنة هم فيها خالدون) ، أصحاب الجنة في الدنيا و الآخرة هم خالدين فيها ، و المحسنون منهم ، من المؤمنين ، أولئك يعبرون الجنات المتعاقبة في خلود أبدي لا ينتهي ، كلمة (أخبتوا) لها معنيين من خلال أصوات الكلمات ، أخبتوا : الهمزة أعماق ، خبت أي إنزوت و انطفئت ، يعني أطفؤا شهواتهم المحرمة و ثوائرهم النفسانية من أعماقهم نتيجة التزكية ، و هي دائرة مفرغة ، لما تزكي نفسك يبقى إنت كده إيه ، عملت إنزواء و خبت شهواتك المحرمة من أعماقك يعني بصدق عظيم ، و كذلك عندما تجعل شهواتك المحرمة و ثوائرك النفسانية تخبت في نفسك من الأعماق ، يبقى إنت كده بتزكي نفسك ، يبقى هي دائرة مفرغة ، كل منها تؤدي إلى الآخر ، و كذلك من معاني أخبتوا ، صفة من صفات المؤمنين ، إيه هي بقى؟ أخبتوا : أخ بت ، أخ أي أعماق النشوة و الفخر و العزة و الفخار و النشوة تأتي مع الفيصلة ، بت أي فصل و أخذ القرار الفاصل ، كذلك الأنبياء و المؤمنين يستقيموا على الطريق المستقيم و دائماً عندهم فيصلة ما بين الحق و الباطل ، ما بين الإيمان و الكفر ، ما بين العدل و الظلم ، إذاً من صفات الأنبياء و المؤمنين بأنهم مستقيمين ، أمرهم بات ، أمرهم واضح ، عندهم صدق و يقين ، باتين في أمرهم ، و هذا البت و هذه الصفة العظيمة تورث فيهم العزة و الفخار من الأعماق . لان لديهم شرف في الصدع و الجهر بالحق .

{مَثَلُ الْفَرِيقَيْنِ كَالْأَعْمَى وَالْأَصَمِّ وَالْبَصِيرِ وَالسَّمِيعِ هَلْ يَسْتَوِيَانِ مَثَلًا أَفَلَا تَذَكَّرُونَ} :

ربنا بيقارن بين الفريقين بقى ، مين؟ اللي هم الانبياء الكذبة و الانبياء الصادقين ، (مثل الفريقين كالأعمى و الأصم و البصير و السميع) الأعمى اللي هو مش شايف كشوف ، و الأصم الذي لا يتلقى وحي ، و البصير اللي بيكشف الكشوف الصادقة ، و السميع اللي هو إيه ، بيستمع لكلمات الوحي المصفاة من الله عز و جل ، و بمناسبة الآية العظيمة دي ، سبحانه الله ، ترتب إن خطبة الجمعة غداً إن شاء الله هتكون من كتاب حقيقة الوحي ، أول جزء من كتاب حقيقة الوحي ، هناخد مقدمة حقيقة الوحي التي كتبها المسيح الموعود ﷺ ، و هو كتاب غير عربي و لكننا تقدمنا و استعجلنا في قراءته في الخطبة لأهميته العظمى ، و خصوصاً أول ١٠٠ صفحة تقريباً من كلام المسيح الموعود فيه ، و دي غالباً اللي هنخلصها في خطبة الجمعة ، و نرجى الباقي بعد أن نكمل الكتب العربية .

ربنا سبحانه و تعالى هنا بيقارن ما بين الفريقين ، لأنه لا تُعرف الأمور إلا بأضدادها ، و هو ده قانون التدافع ، قانون التمايز ، (مثل الفريقين كالأعمى و الأصم) مين؟ المفترين على الله عز و جل ، و المكذبين للانبياء الصادقين ، يعني المكذب للنبي الصادق كأنه ، كأنه مفترى و كاذب على الله ، بدرجة النبي الكاذب ، تخيلوا بقى؟؟ أعمى و أصم ، طيب ، الانبياء الصادقين و المؤمنين بيهم ، هم إيه؟ البصير و السميع ، فيهم صفة الإبصار أي إبصار الكشوف ، و فيهم صفة السمع أي تلقي المكالمات و الوحي الإلهي المصفى ، طيب واحد هيسألني و يقول : يا سيدنا ، طيب لو نبي كذاب و خدع الناس ، و ناس انخدعت بيه بحسن نية ، هل عليهم شيء؟؟ أقول : ليس عليهم شيء البتة ، لأن المؤاخذ مين؟؟ المؤاخذ فريقين : النبي الكاذب و المكذب للنبي الصادق ، بس دول/هؤلاء اللي ربنا توعدهم بالعذاب ، المكذب للنبي الصادق و مُدعي النبوة كذباً ، طيب واحد اتخدع بنبي كذاب؟ عليه حاجة؟؟؟ ليس عليه شيء لا في الدنيا و لا في الآخرة ، بل هو معذور ، يُحاسبه الله سبحانه و تعالى على نيته ، يبقى هنا دلالة و إشارة إلى عِظَم أمر دعوى النبوة ، اللي يقول إنه مبعوث من الله عز و جل أو يتلقى وحي أو عنده رسالة من الله عز و جل يُبلغها للمؤمنين أو للناس ، يجب أن تُرخي سمعك و أن تتمهل و أن تعقل ما يقول و أن تصدقه خير لك من أن تُكذبه ، صدقه خير لك من أن تُكذبه ، طبعاً بعد استخارة الله عز و جل ، محدش بيقولك اعمل على طول ، استخر الله ، اسأله ، يبقى إيه ، أن تُصدق خير لك من أن تُكذب ، لأنك لو صدقت كده نجوت ، نجوت مع النبي الصادق أو إنك مكذبتش نبي ، إحتمال ، إنت شايف إنه ممكن يكون إحتمال إنه كاذب ، لا ، إنت أحسنت الظن و ربنا لن يُضيعك ، ليه؟ لأن ربنا تعهد بذلك ، قال (أولئك لم يكونوا

معجزين في الأرض و ما كان لهم من دون الله من أولياء) يعني النبي الكاذب مش معجز في الأرض ، هيتكشف هيتكشف ، ربنا كفيل بذلك ، و حتى على فرض الإنسان توهم إن ده صادق و آمن بذلك النبي و مات ، ليس عليه شيء بنص القرآن الكريم ، ف ده تطمين للناس ، ميخافوش من أي حد يدعي الوحي ، لا ، و هتجد جَماع ذلك و تفصيل ذلك في صيغة بيعة يوسف بن المسيح ، لأن البيعة بتاعت يوسف بن المسيح اللي هي أصلاً بيعة الإمام المهدي الحبيب ﷺ ، فأصلها إيه؟ و فصلها إيه؟ حسن الظن في الأولياء و كل من ادعى الوحي على الله عز و جل ، نحن

نحسن الظن و نسأل الله عز و جل بخلوص النية و متجردين من كل شرك قولي أو فعلي أو قلبي ، (هل يستويان مثلاً) يستوي الفريق ده الكافر مع الفريق ده المؤمن؟؟؟ لا يستويان ، (أفلا تذكرون) مش تعقلوا كده و تذكروا كلمات الله عز و جل و تدبروها؟؟؟ .

وأحكيكو دلوقتي آية عظيمة جداً و معجزة عظيمة جداً ، من معجزات كثيرة جداً للرسول ﷺ ، المعجزة اللي هقولها دي و أحكيها بإختصار ، هي أعظم من معجزة شق البحر لموسى ، خلي بالك عشان تعرف حقيقة النبي محمد و عظمة النبي محمد ﷺ ، خلي بالك ، المعجزة اللي هحكيها دي هي أعظم من معجزة شق البحر لموسى ، مش بني إسرائيل بيتفاخروا في شق البحر لموسى ، و نحن كذلك نتفاخر بذلك لأننا من أتباع موسى ، و لكن سيدنا محمد ﷺ ربنا أعطاه معجزة أعظم من شق البحر ، مش دي بس ، ده معجزات كثيرة جداً لو نتأملها و نتدبرها ، بس ركز في المعجزة دي ، و دي معجزة قوية و لها شواهد كثيرة ، سيدنا محمد ﷺ بعدما ربنا نصره في غزوة الخندق أو غزوة الأحزاب ، بعث رسائل لمجموعة من ملوك الأرض وقتها ، رسائل عن الدعوى بتاعته ، عن إدعائه للنبوّة و أنه أتى بشريعة ، و أنه واجب أن الناس تتبعه و تلتزم بتلك الشريعة ، بعث رسالة إلى حاكم مصر أو والي الدولة الرومانية على مصر و كان ساعتها اسمه المقوقس ، و بعث لهرقل ، و بعث لبعض ملوك العرب و الشام و كده ، و كان من ضمن الرسائل اللي بعثها دي ، بعث لمين؟ بعث رسالة لشاهن شاه اللي هو كسرى ، اللي هو ملك فارس أو عظيم فارس ، و كسرى كان مسمي نفسه ملك الملوك ، ليه بقى؟ لأنه كان عنده ممالك كثيرة جداً و كل مملكة يُعين عليها ملك ، و الملك ده خاضع لكسرى ده ، فهو مسمي نفسه ملك الملوك ، و خاب و خسر ، فملك الملوك هو الله عز و جل ، لذلك مُحرم أن نُسمي شاهنشاه أو ملك الملوك ، هذا أمر مُحرم ، المهم كان من شروط الرسول ، الرسل اللي بعثهم النبي ﷺ للملوك ، أن يُسلم الرسالة يبدأ بيد ، لازم كده ، يشوف الملك و يُعطيه الرسالة بيده ، ليه؟ عشان الأمانة ، عشان يتأكد أن الرسالة وصلت ، المهم في رسول بعثه النبي ﷺ لكسرى ده ، و سافر بلاد كثيرة جداً و تعب حتى وصل ، و أول ما وصل لإيوان كسرى ، الحرس قالوا له : هات الرسالة و امشي انت ، قال لهم : لا ، أسلمهاله بإيده ، فضل قاعد متنح و مُصر أن يُعطي الرسالة لكسرى بإيده ، في الآخر هم الحراس زهقوا منه و إستأذنوا كسرى و قال لهم : ادخلوه ، فبعد كده دخل و أعطاه الرسالة ، و المترجم بدأ يقرأ ، فأول الرسالة : ((من محمد رسول الله إلى كسرى عظيم الفرس)) ، أول ما كسرى سمع كده ((من محمد رسول الله إلى كسرى)) غضب و مزق الرسالة مباشرة قبل أن يقرأها ، و قال كيف لعبد من عبيدي يُقدم إسمه على إسمي ، يعني هو مزعلش من كلمة نبي الله ، زعل إن سيدنا محمد قال في الرسالة إسمه قبل إسم كسرى ، شفت الغطرسة ، غطرسة و كبر و تجبر و تكبر و علو في الأرض ، أول ما مزق الرسالة خلاص رسول رسول الله ﷺ فهم الرسالة و قام واخد بعضه و ماشي ، ساعتين تلاتة كده ، كأن كسرى يتراجع كده و ندم يعني ، بس هو غلط طبعاً غلطة كبيرة ، قال للحراس روحوا في أثر الرسول ده و هاتوهولي عشان نفهم منه ، راحوا و راه كان دخل مدينة ، أول ما وصلوا لهذه المدينة كان الرسول ده مشي من المدينة دي و دخل في مدينة ثانية ، و هكذا كل ما يدخل مدينة عبال ما رسل كسرى يوصلوا يكون هو مشي ، لغاية ما وصل المدينة المنورة ، كسرى فضل محتار ، مين ده ، اللي باعت إسمه قبل إسمي ده؟؟!! قام باعت لملك اليمن وقتها كان خاضع لفارس ، واحد إسمه (باذان) كان ملك اليمن ،

قاله يا باذان إبعث رجلين يروحوا يجيبولي محمد ده ، يجيبهولي فارس ، عشان أشوف قصته إيه ، اللي بيقدم إسمه على إسمي ، يعني هو زعلان لمجرد إنه قدم إسمه على إسم كسرى ، شوف الطغيان و التجبر ، فقام باذان سمع الكلام و بعث رسولين لسيدنا محمد ﷺ ، فالإثنين دول الرجالة راحوا الطائف و قالوا : إحنا بنسأل عن محمد مدعي النبوة ، فقال أهل الطائف لهما : لا مش هنا ، ده في حنة إسمها يثرب ، فوق في الشمال ، طبعاً كفار قريش سمعوا الخبر و قالوا إيه : ملك الملوك ببيعت لمحمد عاوزه عشان زعلان منه ، ده إحنا كده خلصنا منه ، إنبسطوا أووي ، محمد ده اللي مدوخنا ، ملك الملوك بينصبله فخ و بيحفرله ، يا سلاام ، إنبسطوا بقى إنه هو إيه ، وقعوا في بعض ، كسرى وقع في عداوة مع سيدنا محمد ﷺ ، المهم فضلوا يسألوا الرجلين دول اللي بعثهم باذان ، فضلوا يسألوا عن الطريق ، لغاية ما وصلوا المدينة ، دخلوا المدينة و بدأوا يدوروا كده و لغاية ما الناس دلتهم على المسجد ، مسجد النبي ﷺ ، المسجد إيه ، حالته متواضعة جداً ، الفرش بتاعه طين ، و الأعمدة بتاعته من جذوع النخل ، و السقف من جريد النخل و السعف ، في شكل متواضع جداً ، و في نفس الوقت أول ما شافوا النبي ﷺ أصابتهم رعدة و رهبة ، و دي دايماً ربنا ببيعتها مع الأنبياء ، الرهبة و الهيبة و الرعب ، دي من جنود الله عز و جل اللي بيثبت بها الأنبياء ، أول ما قابلوا سيدنا محمد ﷺ قالوا له : إن ربنا يدعوك لأن تأتي معنا لينظر في أمرك ، طبعاً هنا بيقول عن ربهم مين؟ كسرى ، بيقولوا عن كسرى مين؟ ربهم و العياذ بالله ، فالرسول ﷺ عرف أنه يريد به شراً لأنه قدم إسمه على إسمه في الرسالة ، و قالوا له كده : إنه غضبان منك ، إنك إزاي تتجرأ تبعتله الرسالة أصلاً و تقدم إسمك على إسمه ، المهم الرسول ﷺ حكيم و محنك و فيه فِراسة عظيمة جداً ، ده ببركة الوحي ، و موحد و هو أول الموحدين في عصره و زمانه ، و أول المؤمنين ، و أول المُخلصين ، قال لهم : سييوني يومين و تعالولي بعد اليومين ، قالوا ماشي ، و باتوا كده في أي مكان في المدينة ، و في اليومين دول الرسول ﷺ عمل إيه بقى ، دعى ربنا بهلاك كسرى ، لأنه ده دلوقتي عاوز شر بيه و شر بدعوته ، فالرسول دعى الله عز و جل ضد كسرى ، زي ما كده ربنا ألهمني بالدعاء ضد الفرعون يوم ٤ يناير الضحى ٢٠١١ ، ربنا أراني بعدها كشف عن هلاكه و زواله بالتفصيل ، فأية الدعاء دي ، محدش يستقلها أبداً ، المهم جاءوا بعد اليومين و قابلوا سيدنا محمد ﷺ ، فأول ما دخلوا عليه المسجد قال لهم : إن ربي قتل ربكما ، فبصوله كده/نظروا إليه و قالوا إنت بتقول إيه؟؟ إنت اتجننت ، إنت لمجرد حظيت إسمك قبل إسمه في الرسالة باعتنا عشان نجيبك ، جاي دلوقتي تقول لنا إن ربك قتل ربنا كسرى ، إيه ده!!! فاتخضوا كده و قالوا له إنت مجنون ، فقال لهم النبي ﷺ لقد قُتل ربكم من سبع ساعات ، من سبع ساعات ، حدلهم كمان ، و دعاهم للإسلام و بعد كده أعطى كل واحد منهم هدية ، و ثم رجعوا تاني إلى باذان ، و قالوا لباذان : ده محمد ، قلنا له تعال ، قال سييوني يومين ، و بعد ما رجعنا له بعد اليومين ، قال لنا ربي قتل ربكم ، (نتيجة دعاء سيدنا محمد ﷺ ، الله ، ده مش أي حد ،) فقال باذان : ده يا مجنون ، يا فعلاً نبي ، فضلوا كم يوم كده قاعدين في اليمن ، و بعد كده أتاهم رسول من فارس ، رسول مرسال يعني ، يقول لهم : أنا ابن كسرى ، إيتوا لي بالبيعة من اليمن ، إيه اللي حصل بقى ساعتها؟ كسرى ده كان ساجن ابنه نتيجة مخالقات عملها في حربته ضد الروم ، فابنه عرف بمؤامرات إنه هو يتخلص منه داخل القصر و يقتله ، و كان ده ببركة دعاء سيدنا محمد ﷺ ، أهلك الظالمين بالظالمين ، الموضوع وقف لغاية كده؟؟ موئفش ، أول ما عرف باذان بالخبر ، قال لهم مات إمتى؟ قالوا له : مات كذا

كذا في اليوم الفلاني و في الساعة الفلانية ، قال فعلاً زي ما محمد قال ، أسلم ، على طول كده ، الناس زمان كانت على الفطرة يعني ، باذان أسلم هو و الرسل اللي معاه و معظم أهل اليمن ، دخلوا في الإسلام ، و الرسول ﷺ بعث لهم معاذ بن جبل يعلمهم الفقه و شريعة الإسلام ، و هكذا دخلت اليمن على طول في الإسلام ، بالمعجزة الجميلة دي ، دعاء ، طب هل وقف الأمر عند ذلك بالنسبة لموضوع الفرس؟؟؟ لا ، شؤم معصيتهم و شؤم غطرستهم على سيدنا محمد ﷺ أهلكت المملكة الفارسية و الإمبراطورية الفارسية ببركة دعاء سيدنا محمد ﷺ ، إيه اللي حصل ، إبنه ده لما قتل كسرى ، خلاص فضل قاعد ٦ شهور و بعد كده مات ، و مسكت (أمسكت الحكم) واحدة من قرايبهم و قتلت مجموعة كبيرة جداً من مسؤولين فارس و من رؤوساء الجيوش ، و حصل هرج و مرج و لخبطة في المملكة الفارسية ، و كل ده كان تهيه للفتوحات الإسلامية في العراق و فارس بعد كده ، عشان تضعف الفرس قبل أن تهاجمها جنود نبينا محمد ﷺ ، و اللي ابتدت طبعاً مع سيدنا أبو بكر ، و تمت في عهد عمر -رضي الله عنه- ، و كان معظم الجنود اللي بيقاتلوا الفرس من اليمن و من الحجاز ، اللي كانوا أتباع فارس ، فكانوا أدري بهم ، فتفككت الإمبراطورية الفارسية اللي كانت بقوة أمريكا دلوقتي مثلاً ، بإيه؟ بشؤم غطرسة كسرى و تكبره على سيدنا محمد و إرادته إيذاء سيدنا محمد ، بس كده ، فسيدنا محمد قام داعي عليه فتفككت هذه الإمبراطورية ، إنت بقى كده إوزنها ، إوزن كده الآية دي ، هل هي أعظم من شق البحر و لا لا ، أعظم من شق البحر ، إمبراطورية كاملة تفككت ببركة دعاء محمد ﷺ ، لكن شق البحر ده إيه ، خندق تعمل في البحر ، ربنا عمله ، سواء كان معجزة مادية أو كان وقتها ظرف طبيعي ، ربنا فتح اللسان ده ، و بني إسرائيل عبروا و جنود فرعون ماتوا ، المملكة الفرعونية بقيت زي ما هي ، و فرعون رجع و آمن شوي ، و بعد كده ذوى إيمانه مع الوقت ، لكن فارس تفككت كلها و دخلت كلها في الإسلام ، و غنائم فارس دخلت كلها تحت سلطان المسلمين ، يبقى مين أعظم؟؟؟ آية هلاك الفرس أعظم من آية شق البحر لموسى . فارس اللي قضت على الفراعنة بهزيمة قمبيز لباسماتيك الثالث و انتهاء حكم الاسر الفرعونية نهائياً . فارس دي اللي هزمت الفراعنة ، المسلمون هزموها ، يبقى مين اقوى ؟ اتباع محمد اقوى و أصدق .

{وَلَقَدْ أَرْسَلْنَا نُوحًا إِلَىٰ قَوْمِهِ إِنِّي لَكُمْ نَذِيرٌ مُّبِينٌ} :

نوح ، نوح رمز دعوة النبيين لأقوامهم ، يبقى وظيفة النبي أول حاجة إيه ، يبقى نذير ، (مبين) يعني موضح للتفاصيل .

{أَن لَّا تَعْبُدُوا إِلَّا اللَّهَ إِنِّي أَخَافُ عَلَيْكُمْ عَذَابَ يَوْمِ إِلْيَمٍ} :

دائماً كده الدعوة للتوحيد و نبذ الشرك ، (إني أخاف عليكم عذاب يوم أليم) تذكيرهم بآيه ، بيوم البعث و بعذاب جهنم .

{فَقَالَ الْمَلَأُ الَّذِينَ كَفَرُوا مِنْ قَوْمِهِ مَا نَرَاكَ إِلَّا بَشَرًا مِثْلَنَا وَمَا نَرَاكَ اتَّبَعَكَ إِلَّا الَّذِينَ هُمْ أَرَادُوا بِادِّىِ الرَّأْيِ وَمَا نَرَى لَكُمْ عَلَيْنَا مِنْ فَضْلٍ بَلْ نَظُنُّكُمْ كَاذِبِينَ} :

(ما نراك إلا بشراً مثلاً) علة من ضمن علل الكفر إيه؟ زيك زيينا ، إنت زيك زيينا ، بتفضل نفسك علينا في إيه؟؟ يعني الكبر هو أول عقبة من العقبات التي تضاد الإيمان ، أول علة من علل الكفر إيه؟ الكبر ، (و ما نراك اتبعك إلا الذين هم أرادنا بادي الرأي) يستهزؤا بالمؤمنين و يستتفهوهم و يستضعفهم نتيجة كبرهم ، يعني إيه (بادي الرأي) يعني رأيكم بدائي ، رأيكم ضعيف ، رأيكم سطحي إن إنتم اتبعتم مدعي النبوة ده ، (أرادنا) اللي هم الناس الضعفاء ، اللي ملهوش قيمة ، اللي هم سقط متاع طبعاً في رأيهم يعني ، (بادي الرأي) اللي هم آراهم ضعيفة ، اللي بينضحك عليهم بسهولة يعني ، (و ما نرى لكم علينا من فضل) إنتو مش أحسن مننا ، (بل نظنكم كاذبين) كلكم على بعض كده مجموعة من الكاذبين ، اللي عاوزين تذهبوا بمُلْكنا الدنيوي و بمكاسبنا الدنيوية .

كذلك من معاني (بادي الرأي) إيه ، ده رأي ظاهر يعني ، حاجة مُسلم بيها ، حاجة باينة أوي ، حاجة معروفة أوي ، إن هم هؤلاء أرادل ملهوش قيمة ، و إنت بشر زيك زيينا ملكش فضل علينا ، (بادي الرأي) من معانيها يعني أمر مُسلم بيه و ظاهر أوي ، كذلك (بادي الرأي) بأنهم بدائيين في رأيهم اللي اتبعوك هؤلاء .

○ كلمة أرادنا من أصوات الكلمات :

أرذل ، فاكرين؟ أرذل العمر ، تعرف تجيبها من أصوات الكلمات؟ أرادل أي نراهم بأنهم أذلاء ضعفاء ، أرذل : اللي يُروا الذل ، مجموعة من المذلولين الضعفاء السفهاء اللي بتبعوك هؤلاء ، الضعفاء العبيد هؤلاء ، اللي إحنا أسيادهم ، هم هؤلاء أتباعك؟؟؟ ، دي لهجة مين؟؟ الكافر المتكبر المتأبلس ، شفتوا بقى عظمة اللغة العربية . و اللي قرأ المدونة النهاردة هيعرف معنى كلمة أرذل .

{قَالَ يَا قَوْمِ أَرَأَيْتُمْ إِنْ كُنْتُ عَلَىٰ بَيِّنَةٍ مِّن رَّبِّي وَآتَانِي رَحْمَةً مِّنْ عِنْدِهِ فَعُمِّيَتْ عَلَيْكُمْ أَنُلْزِمُكُمْوهَا وَأَنْتُمْ لَهَا كَارِهُونَ} :

نوح بيكلهم و يقول : (قال يا قوم أرايتم إن كنت على بينة من ربي) يعني حطوا احتمال إنه أنا ممكن أكون صادق ، و أن اكون على وحي حقيقي من الإله حقيقي ، (بينة) ربنا مُبين لي ، زي ما الرسول ﷺ بينة ، (لم يكن الذين كفروا من أهل الكتاب و المشركين منفكين حتى تأتيهم البينة) رسول من الله يتلو صحف مطهرة x فيها

كتب قيمة) ، (و آتاني رحمة من عنده) رحمة يعني وحي و فضل منه سبحانه و تعالى و وصال و تزكية ، و كل الأمر ده ، و الزكاة دي و الكتاب ده و الكلمات دي ، فَعُمِّيَّتْ عليكم بسبب نفوسكم المريضة ، عميتم عن إبصارها فلم تبصروا كلمات الله و آياته ، و بعد كده نوح -عليه السلام- و كل نبي يُقعد و يُأصل بأصل عظيم جداً في الأديان و هو لا إكراه في الدين ، فيقول لهم هنا : (أنلزمكموها و أنتم لها كارهون) يعني لا إكراه في الدين ، أنا مش هلزمكم و مش هغصب عليكم تؤمنوا ، و لكن اعلّموا أنكم مَخَيَّرُونَ ، و بإختياركم تكونون فيما يليه مُسَيَّرُونَ ، و كانت دي بداية دعوة نوح لقومه و بداية قصة نوح مع قومه ، و نكملها إن شاء الله في الوجه القادم .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسلان بإستخراج أمثلة على أحكام طلبها منهم من هذا الوجه :

طلب من مروان مثال على إستعلاء ، فقال :
(يَسْتَطِيعُونَ) .

و طلب من ربيعة مثال على همس ، فقالت :
{عِنْدِهِ} .

و طلب من أرسلان مثال على تفشي ، فقال :
{بَشَرًا} .

و طلب من أحمد مثال على صفير ، فقال :
{السَّمْعُ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . ❀❤

درس القرآن و تفسير الوجه الخامس من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه الخامس من أوجه سورة هود ، و أجاب على أسئلتنا بهذا الوجه ، و أنهى نبي الله الحبيب الجلسة بأن استمع لتلاوتنا و صححها .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الخامس من أوجه سورة هود ، و نبداً بأحكام التلاوة و أحمد :

أحكام المد و نوعيه :

مد أصلي طبيعي و مد فرعي ، المد الأصلي يُمد بمقدار حركتين و حروفه (الألف ، الواو ، الياء) ، و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات ، و مد منفصل جائز مقداره ٤ إلى ٥ حركات ، و مد صلة كبرى مقداره ٤ إلى ٥ حركات جوازاً ، و مد صلة صغرى مقداره حركتان وجوباً .

و بعد أحمد قال الأحكام مروان ثم رفيدة ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الناس ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هنا نوح -عليه السلام- و كل نبي ، يقول لقومه :

{وَيَا قَوْمِ لَا أَسْأَلُكُمْ عَلَيْهِ مَالًا إِنْ أَجْرِيَ إِلَّا عَلَى اللَّهِ وَمَا أَنَا بِطَارِدِ الَّذِينَ آمَنُوا إِنَّهُمْ مُلَاقُوا رَبِّهِمْ وَلَكِنِّي أَرَاكُمْ قَوْمًا تَجْهَلُونَ} :

(و يا قوم لا أسألكم عليه مالا) يعني دعوتي اللي أنا ببلغها من ربنا ليكم ، مبطلبش مال مقابلها منكم (إن أجري إلا على الله) أنا بطلب الأجر من الله ، و الثواب و الرضا من الله سبحانه و تعالى ، (و ما أنا بطارد الذين آمنوا) إنهم ملاقوا ربهم و لكني أراكم قوماً تجهلون) إنتو بتحاسبنوني و بتعاتبونني إن حواليا مجموعة من المؤمنين ، أعينكم بتزديهم أو شايفينهم أقل منكم في الدرجة و المرتبة الدنيوية ، أنا مقدرش أبعدهم عني عشان أرضيكم ، لو فعلت ذلك أكون ظالم ، ليه؟ لأنهم ملاقي ربهم يوم القيامة ، و ممكن يشتكوا لربنا مني ، صح؟ ، (إنهم ملاقوا ربهم و لكني أراكم قوماً تجهلون) إنتم أيها كفار جاهلين .

{وَيَا قَوْمِ مَنْ يَنْصُرُنِي مِنَ اللَّهِ إِنْ طَرَدْتُهُمْ أَفَلَا تَذَكَّرُونَ} :

مين اللي هيدافع عني أمام ربنا لو أنا طردت المؤمنين دول/هؤلاء ، شايف النبي ، بيعمل حساب للمؤمنين و بيقدرهم تقديرًا عظيمًا ، و بعد كده بيدكر الكافرين و بيقولهم (أفلا تذكرون) مش تتدبروا و تعقلوا كده الكلام اللي بتقولوه .

{وَلَا أَقُولُ لَكُمْ عِنْدِي خَزَائِنُ اللَّهِ وَلَا أَعْلَمُ الْغَيْبَ وَلَا أَقُولُ إِنِّي مَلَكٌ وَلَا أَقُولُ لِلَّذِينَ تَزْدَرِي أَعْيُنُكُمْ لَنْ يُؤْتِيَهُمُ اللَّهُ خَيْرًا اللَّهُ أَعْلَمُ بِمَا فِي أَنْفُسِهِمْ إِنِّي إِذَا لَمِنَ الظَّالِمِينَ} :

و بعد كده بيحدد هنا طبيعة النبي ، نوح بيحدد لهم طبيعة النبي و أي نبي ، و يقول لهم (و لا أقول لكم عندي خزائن الله) أنا مش جاي بفلوس و أموال ، أنا مش جاي بدنيا ، معنديش دنيا أعطيها لكم ، (و لا أعلم الغيب) يعني لا أعلم الغيب المطلق ، أي حاجة كده غيبية في المستقبل ، قبل أن تحدث أقدر أقولها لكم ، لأنني مجرد إنسان بشر ، معرفش إلا اللي ربنا يعرفهولي في علوم الغيب فقط ، و إيه تاني طبيعة النبي ، (و لا أقول إنني ملك) أنا لا أقول لكم بأنني لا أخطئ ، ممكن أسهو ، ممكن أرتكب صغيرة و أستغفر الله عز و جل ، مش سيدنا محمد ﷺ عبس في وجه عبد الله بن أم مكتوم لما أتاه و بعد كده ربنا عاتبه و قاله (عبس و تولى أن جاءه الأعمى) ، حتى سيدنا محمد ﷺ قد يخطئ ، و قد يسهو ، و لكن يعود و يستغفر ، فما بالك ببقية الناس و بقية الأنبياء و بقية المؤمنين ، لازم نفهم ، نخط النقاط على الحروف ، إن إحنا لما نعرف

الحقيقة و الطبيعة البشرية للأنبياء ، يبقى عندنا ثقة في أنفسنا ، إنه إحنا حتى الأنبياء أهو ممكن يخطؤا و ممكن يسهوا ، فبتالي إيه ، إحنا لما نسهوا و نخطئ ، يبقى عندنا أمل و رجاء عظيم جداً إن ربنا يغفر لنا و يتجاوز عن سيئاتنا ، طالما داومنا على الإستغفار .

(و لا أقول للذين تزدري أعينكم لن يؤتيهم الله خيراً) يعني مقدرش أحكم على اللي إنتو بتزدروهم من المؤمنين ، و أقول أنهم لن يؤتيهم الله خيراً و أنه سيمنع عنهم الخير ، أبداً ، مقدرش أقول حاجة زي كده ، لأن ربنا هو المتحكم في الأرزاق الروحية و المادية ، (الله أعلم بما في أنفسهم) هنا النبي كده بيقول إيه؟ أوكلت سرائر المؤمنين على الله عز و جل ، أنا ليا الظاهر ، (إني إذاً لمن الظالمين) لو أنا عملت عكس اللي فات ده يبقى أنا ظالم ، و كل نبي بيخاف أن يكون من الظالمين .

{قَالُوا يَا نُوحُ قَدْ جَادَلْتَنَا فَأَكْثَرْتَ جِدَالَنَا فَأْتِنَا بِمَا تَعِدُنَا إِنْ كُنْتَ مِنَ الصَّادِقِينَ} :

يعني إنت بتكلم كتير و بتنصحننا كتير ، و إحنا زهقنا منك ، (فأتنا بما تعدنا إن كنت من الصادقين) هات يلا العذاب اللي إنت بتنذرنا بيه ، إن كنت صادق ، هنا بيستهتروا بالنبي و بيستهزؤا بيه و بيتحدوا إله النبي تحدي عظيم .

{قَالَ إِنَّمَا يَأْتِيكُمْ بِهِ اللَّهُ إِنْ شَاءَ وَمَا أَنْتُمْ بِمُعْجِزِينَ} :

هنا فوض الأقدار و إتيان العذاب لهم بمشيئة الله عز و جل ، (و ما أنتم بمعجزين) مش هتقدروا تعجزوا ربنا ، مش هتقدروا تنتصروا و تغلبوا ربنا ، مش هتقدروا توقفوا أمام قدر الله عز و جل المبرم .

{وَلَا يَنْفَعُكُمْ نُصْحِي إِنْ أَرَدْتُ أَنْ أَنْصَحَ لَكُمْ إِنْ كَانَ اللَّهُ يُرِيدُ أَنْ يُغْوِيَكُمْ هُوَ رَبُّكُمْ وَإِلَيْهِ تُرْجَعُونَ} :

طالما الله سبحانه و تعالى رأى من أنفسكم الشر و الكبر و الجدل بالباطل ، فنصحي لكم بعد الصفات دي مش هينفعكم ، إذا كان ربنا قَدَرَ قدر مُبرم أن يهلككم و يسلككم في طريق الغواية و الضلال حتى تروا العذاب الأليم ، يبقى هنا ، إن كان الله يريد أن يغويكم تسير نتيجة تخيير ، إنهم اختاروا طريق الضلالة و الكبر ، (هو ربكم و إليه ترجعون) الله سبحانه و تعالى هو ربكم و رب كل شيء ، و هترجعوله تاني ، و ده تهديد مبطن لحساب يوم الدين و كذلك بالعقاب في الدنيا قبل الآخرة .

○ طبعاً كلمة غوى يعني إيه ، خلي بالك من أصوات الكلمات ، حد يعرف؟؟ يلا على طول كده ، إنتو بقيتو ماشاء الله محترفين في الأمر ده ، غوى ، يغويكم ، يغوي ، غوى ، غواية : الغين صح ضلال و غبش و عدم وضوح للرؤية ، وى هنا دوي دائري منتظم ، و المد بالالف مد ، أو يغوي الياء تموج ، يعني تموج و مد و إمتداد و دوي دائري منتظم لفعل أو لصفة الحرف غين ، إذا يغوي يعني إيه؟ يُضل ، من الضلال ، الغواية هي الضلال من صوت الكلمة ، صح ، ماشي كده؟؟ صح .

{أَمْ يَقُولُونَ افْتَرَاهُ قُلْ إِنِ افْتَرَيْتُهُ فَعَلَيَّ إِجْرَامِي وَأَنَا بَرِيءٌ مِّمَّا تُجْرِمُونَ} :

هنا استنكار من الله عز و جل لقول الكافرين بأن النبي افتراه ، أي نبي يعني إفتري القول و الدعوى عن الله عز و جل بكلمات الله ، (أم يقولون افتراه) هما يقولوا إنه كَذَبَ يعني النبي ده ؟ و هو سؤال استنكاري من رب العالمين ، (قل) يقول لنوح و لكل نبي ، (قل إن افتريته فعلي إجرامي و أنا بريء مما تجرمون) يعني لو أنا كذاب ، يبقى ربنا هو اللي هيحاسبني أنا ، مش هيحاسبكم إنتو ، متخافوش حتى لو اتبعوني و أنا كاذب ، ربنا مش هيحاسبكم ، لكن لو أنا صادق و إنتو كذبتوني ، ربنا هيحاسبكم على إجرامكم ، (أنا بريء مما تجرمون) النبي كده بريء من إجرام الكافرين .

{وَأُوحِيَ إِلَى نُوحٍ أَنَّهُ لَنْ يُؤْمِنَ مِنْ قَوْمِكَ إِلَّا مَنْ قَدْ آمَنَ فَلَا تَبْتَئِسْ بِمَا كَانُوا يَفْعَلُونَ} :

ربنا بعث له بالوحي و الرؤى ، إنه خلاص لن يدخل في الإيمان آخرين ، يعني شاف الأغنام اللي آمنت به قليلة في الحظيرة النبوية ، و مش هيدخل حد ثاني ، فربنا بيعزيه و بيقوله (فلا تبتئس بما كانوا يفعلون) متحزنش .

{وَأَصْنَعِ الْفُلْكَ بِأَعْيُنِنَا وَوَحْيِنَا وَلَا تُخَاطِبْنِي فِي الَّذِينَ ظَلَمُوا إِنَّهُمْ مُّغْرَقُونَ} :

(بأعيننا) برعايتنا ، (و وحينا) بكلماتنا ، (و لا تخاطبني في الذين ظلموا) خلاص متستغفرش للظالمين و متشفعش ليهم عندي ، (إنهم مغرقون) هياتيهم العذاب في الدنيا قبل الآخرة .

طبعاً الفلك هي سفينة النجاة المادية و الروحية ، الفلك سفينة النجاة المادية من الطوفان المحدود اللي هيحصل في العراق و هيعرق قوم نوح ، و كذلك هي سفينة روحية ، دعوة النبي هي إيه؟ الفلك .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . ❀❤

درس القرآن و تفسير الوجه السادس من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه السادس من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السادس من أوجه سورة هود ، و نبدأ بأحكام التلاوة و مروان :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .
و مد لازم حرفي أو كلمي : الحرفي هو في أوائل السور ، و الكلمي متقل و يمد بمقدار ٧ حركات مثل (و لا الضالين) .
و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمتد بمقدار حركتين و هي مجموعة في جملة (حي طهر) ، و حرف تمتد بمقدار ٦ حركات و هي مجموعة في جملة (نقص عسلكم) .

و بعد مروان قالت الأحكام رفيعة ثم أرسلان .

و ثم تابع نبي الله يوسف الثاني ﷺ الجلسة بشرح الوجه لنا فقال :

{وَيَصْنَعُ الْفُلُكَ وَكُلَّمَا مَرَّ عَلَيْهِ مَلَأَ مِنْ قَوْمِهِ سَخِرُوا مِنْهُ قَالَ إِنْ تَسْخَرُوا مِنَّا فَإِنَّا نَسْخَرُ مِنْكُمْ كَمَا تَسْخَرُونَ} :

هنا ربنا سبحانه و تعالى بيصف حال الأنبياء ، حال نوح و حال كل نبي في دعوته بـيعمل إيه؟ (و يصنع الفلك) دعوة النبي في حياته كلها ، هو ما يعملش حاجة إلا إنه بـيعمل إيه؟ يصنع الفلك ، بيبنى السفينة اللي هتنجي المؤمنين في عصره و في الزمن اللي جاي لغاية ما ربنا يبعث النبي اللي بعده ، فدعوة النبي من وقت بعث النبي لغاية البعث التالي هي عبارة عن صناعة للفلك ، صناعة لسفينة يأوي إليها المؤمنون ، يكون مأوى روحى لهم ، و ده المعنى الأشمل و الأعم ، إذاً و يصنع الفلك ، حياة النبي و حياة المؤمنين من بعده الذين يسرون على هديه بدون تبديل أو تحريف ، هم كده بـيعملوا إيه؟ (و يصنع الفلك) عملية مستمرة ، (و يصنع الفلك) ، طبعاً كانت على عهد نوح هي عبارة عن إيه؟؟ فُلك مادية و روحية ، (و كلما مر عليه ملاً من قومه سخرُوا منه) دائماً كده المكذبين و أقوام الأنبياء بيسخروا و بيستهزؤا من الأنبياء و أتباع الأنبياء ، (قال إن تسخروا منا فإننا نسخر منكم كما تسخرون) لما الكفار بيستهزؤا بالمؤمنين و بالأنبياء ، بيسخروا منهم ، كذلك النبي و المؤمنين يسخرون من الكفار على المثل .

{فَسَوْفَ تَعْلَمُونَ مَنْ يَأْتِيهِ عَذَابٌ يُخْزِيهِ وَيَحِلُّ عَلَيْهِ عَذَابٌ مُّقِيمٌ} :

ده قول الله و قول النبي يستويان ، يستوي أن نقول أو يستقيم أن نقول أنه قول الله ، و يستقيم أن نقول أنه قول الله على لسان النبي أو قول النبي ، (فسوف تعلمون من يأتيه عذاب يخزيه و يحل عليه عذاب مقيم) ده هنا تهديد من ربنا و من النبي للأقوام المكذبة بالعذاب المخزي أي الذي يجلب العار ، و كذلك من صفات هذا العذاب بأنه مقيم ، مستمر ، مُقيم و مستمر معهم ، لا ينفك عنهم ، كاللعنة التي لا تنفك عن الكافر و المكذب ، تلك اللعنة التي تقوم و تنام معهم ، لا تتركهم .

{حَتَّىٰ إِذَا جَاءَ أَمْرُنَا وَفَارَ التَّنُّورُ قُلْنَا احْمِلْ فِيهَا مِنْ كُلِّ زَوْجَيْنِ اثْنَيْنِ وَأَهْلَكَ إِلَّا مَن سَبَقَ عَلَيْهِ الْقَوْلُ وَمَنْ آمَنَ وَمَا آمَنَ مَعَهُ إِلَّا قَلِيلٌ} :

(حتى إذا جاء أمرنا) يعني إيه؟ القدر بقى مُبرم و بدأ يُرسم في ساحة القضاء من خلال المدبرات أمراً ، (و فار التنور) يعني إيه؟ بلغت الساعة ، ساعة الصفر يعني بدأت ساعة الصفر ، ساعة التنفيذ ، ده هنا مجاز ، (و فار التنور) خلاص وقت الفوران ابتدا ، يعني ساعة الصفر ابتدت ، لا تراجع عنها ، أول ما ساعة الصفر بتبدي ينفع حد يرجع؟ ينفع القرار اللي تم إتخاذه ، يُرجع فيه؟؟ لا ، هي دائماً صفة و ميزة ساعة الصفر اللي ربنا عبر عنها بمجاز عظيم و قال (و فار التنور) و هي صورة بلاغية و فنية عظيمة جداً ، (و فار التنور) و الفور أي من الفوران ، خلاص ، يعني الأمر لم يعد يحتمل السكوت أو الكتمان ، لم يعد يحتمل أن يكون في طي الكتمان . كانه مادة وصلت درجة الغليان و الفوران فلا يستقيم بقائها ساكنة فيجب أن تتحرك ، (و فار التنور) و دائماً التنور إيه؟ اللي هو الفرن يعني ، أو الشيء اللي فيه

مادة ملتهبة أو مشتعلة ، فربنا وصف ساعة الصفر بإيه؟ بالإشتعال و الإلتهاب و القوة و الثوران و الانفجار لأنها تأتي بغتة ، ساعة الصفر دائماً إيه؟ تأتي بغتة ، إمتى؟ بعد ما ربنا يكمل العد ، (إنما نعد لهم عداً) أول ما ربنا يكمل العدد المعدود اللي في سره ، بتبتدي ساعة الصفر ، صفة ساعة الصفر دي إيه؟ ربنا عبر عنها بالمجاز العظيم ده و قال (و فار التنور) ، إيه بقى؟ (قلنا احمل فيها من كل زوجين اثنين) يعني يا نوح ، السفينة و الفلك اللي عملتها دي ، على قدر ما تقدر ، أي شيء حي خذ منه زوجين ، مثلاً إيه ، الأغنام زوجين ، الماعز زوجين ، الجمال زوجين ، الخيول زوجين ، بعض النباتات زوجين و هكذا ، على قدر ما تستطيع ، و المؤمنين و أهلك المؤمنين و الأسرة بتاعتك ، بس ربنا هنا استثنى (و أهلك إلا من سبق عليه القول) اللي ربنا قدر إن هو لا يكون من أهلك و أنه كافر ، ده متاخذ هوش معك ، الإستثناء هنا (من سبق عليه القول) من أهل نوح ، و لكن (و من آمن) من ضمن الناس اللي هيدخلوا السفينة ، يعني (و من آمن) مش مستثنى ، (و من) هنا بمعنى الذي ، (و من آمن) أي الذي آمن ، الذي آمن هو الذي إيه؟ يركب في السفينة ، يُحمل في السفينة ، الذين آمنوا و أهل نوح ، و في إستثناءات من أهل نوح ، اللي هو إيه؟ اللي ما آمنوش ، و ربنا قال (و ما آمن معه إلا قليل) المؤمنين بنوح قليل ، و ده عزاء لمعظم الأنبياء ، دائماً كده بنقول إيه (و ما آمن معه إلا قليل) .

{وَقَالَ ارْكَبُوا فِيهَا بِسْمِ اللَّهِ مَجْرَاهَا وَمُرْسَاهَا إِنَّ رَبِّي لَغَفُورٌ رَحِيمٌ} :

مين اللي قال : (و قال اركبوا فيها)؟ الله و كذلك نوح و كل نبي ، يقول لأتباعه اركبوا في سفينة النجاة و ابدأوا بإسم الله عز و جل ، و اعلّموا أن (بسم الله) يكون مجرى ، هذا الفلك و كذلك رسوه على شاطئ النجاة ، إذاً نبدأ بسم الله عز و جل في كل أعمالنا و أقوالنا ، (إن ربي لغفور رحيم) دائماً كده ربنا بيلصق و بيلزم و بيقرن صفة الغفران و الرحمة بالمؤمنين ، الغفران لأنهم كده كده أي مؤمن لازم هيُخطئ أو هيُذنب ، فربنا مع إستغفارهم يستغفر لهم و يرحمهم ، (مجرأها) الكلمة دي لها كذا قراءة ، القراءة اللي إحنا بنقرأها (مجرأها) و في قراءة ثانية (مجرأها و مرساها) .

{وَهِيَ تَجْرِي بِهِمْ فِي مَوْجٍ كَالْجِبَالِ وَنَادَى نُوحٌ ابْنَهُ وَكَانَ فِي مَعْزِلٍ يَا بُنَيَّ ارْكَب مَعَنَا وَلَا تَكُن مَعَ الْكَافِرِينَ} :

(و هي تجري بهم في موج كالجبال) وصف هنا عظيم للطوفان الرهيب اللي كان موجود في منطقة محددة ، كان موجود فين؟ في العراق ، (و نادى نوح ابنه و كان في معزل) ابنه كان معزول عنه ، عزلة مادية و عزلة روحية و نفسية ، مبتعد عن والده ، و أبوه نبي ، شايف إزاي؟ و متأثرش بأبيه ، عياداً بالله ، ابنه كان معزول عنه روحياً و مادياً و نفسياً ، (يا بني اركب معنا) القراءة هنا (اركب معنا) مش اركب ، لدلالة ، لأن الناس كانت في الفلك محشورة حشر ، و الأزواج في الفلك محشورة

حشر ، يعني إيه؟ متكربيين ، متكربيين على بعض عشان ينجو ، يعني مستحتملين بعض ، فاركم من التراكم ، و الركام أو التراكام يبقى فيها الحاجات متلاصقة ببعض أشد التلاصق ، (اركم معنا) ركام ، متراكمين على بعض عشان ينجو ، يعني بيستحملوا بعض و بيصبروا عشان ينعموا بالنجاة ، فقال له : تعال اركم معنا ، قال له : ضع نفسك معنا في هذا الركام و اصبر عشان تنجو ، (و لا تكن مع الكافرين) تبرأ من الكافرين و تعال في صف المؤمنين .

{قَالَ سَآوِيَ إِلَىٰ جِبَلٍ يَْعَصِمُنِي مِنَ الْمَاءِ قَالَ لَا عَاصِمَ الْيَوْمَ مِنْ أَمْرِ اللَّهِ إِلَّا مَنْ رَحِمَ وَحَالَ بَيْنَهُمَا الْمَوْجُ فَكَانَ مِنَ الْمُغْرَقِينَ} :

ابن نوح قال له إيه بقى (قال سآوي إلى جبل يعصمني من الماء) اتكبر على أبيه ، تكبر على أبيه ، و الكبر هو اللي أهلكه ، كذلك كل كافر : الكبر مُهلكه ، (قال لا عاصم اليوم من أمر الله إلا من رحم) إحنا المرحومين بس ، إحنا اللي في الفلك المرحومين بس انهارة ، و المعصومين بس من العذاب و الغرق ، أي حاجة تانية سيتم الفتك بيها في منطقة قوم نوح ، في منطقة العراق ، (و حال بينهما الموج فكان من المغرقين) خلاص ، حال الموج بين نوح و ابنه ، حال الموج بين المؤمن و الكافر ، حال الموج بين النبي و مُكذب النبي ، (و حال بينهما الموج) حدثت الفيصلة التامة ، (و حال بينهما الموج فكان من المغرقين) تم إغراق الكافر ، إغراق مادي و إغراق نفسي و إغراق روعي في الدنيا و الآخرة ، تم الفتك بالكافرين .

{وَقِيلَ يَا أَرْضُ ابْلَعِي مَاءَكِ وَيَا سَمَاءُ أَقْلَعِي وَغِيضَ الْمَاءِ وَفُضِيَ الْأَمْرُ وَاسْتَوَتْ عَلَى الْجُودِيِّ وَقِيلَ بُعْدًا لِلْقَوْمِ الظَّالِمِينَ} :

بعد فترة ، ربنا سبحانه و تعالى أمر الأرض أن تبتلع المياه ، أمر الأرض أن تجعل المياه تغور فيها غوراً ، و بالتالي تذهب و تنتشت ، و هو ده غيظ الماء ، (يا سماء أقلعي) يعني يا سماء متمطرش مطر الطوفان ، (و غيظ الماء) خلاص ، الماء نزل في الأعماق و تشتت و لم يعد يُرى ، غيظ : غين لم يعد يُرى ، الياء تموج أي إنسياب الماء تحت الأرض بتموج ، الضاد تشتت الماء و ذهب في الأغوار ، لذلك سُمي غيظ و غار و ابلعي ماءك ، (و قضى الأمر) تم الأمر ، رُسِمَ القدر في ساحة القضاء رسماً تاماً ، (و قضى الأمر) إكتمل يعني ، و بعدين ، الفلك حصل ليها إيه؟ (استوت على الجودي) استوت يعني رست ، (على الجودي) هضبة ، هضبة في شمال العراق و جنوب تركيا دلوقتي ، ربنا سبحانه و تعالى سماها (الجودي) من الجود أي أن الله جاد عليهم بنعمة السلام و الحياة ، (و استوت على الجودي) ربنا جعل الفلك تستوي و ترسو و تتم عملية إنقاذها ، لأن الإستواء تمام النضج ، (و استوت) أي تمت نجاتها ، كذلك (استوت) أي رست بلطف على هضبة الجودي ، هضبة كده السفينة رست عليها ، و ما دونها كان الماء الذي جف و غيظ و غار

شيئاً فشيئاً ، (و قيل بُعِداً للقوم الظالمين) نادى الملائكة في الآفاق (بُعِداً للقوم الظالمين) فتلحقهم اللعائن تترا إلى قيام الساعة .

{وَنَادَى نُوحٌ رَبَّهُ فَقَالَ رَبِّ إِنَّ ابْنِي مِنْ أَهْلِي وَإِنَّ وَعْدَكَ الْحَقُّ وَأَنْتَ أَخْكُمُ الْحَاكِمِينَ}

(و نادى نوح ربه) يعني دعى نوح الله سبحانه و تعالى و ابتهل إليه إما بقلبه أو بلسانه ، (فقال رب إن ابني من أهلي) الولد اللي غرق ده من أهلي يا رب ، (و إن وعدك الحق) مش إنت قلت يا رب إنك هتنجي أهلي؟؟ ، (و أنت أحكم الحاكمين) إنت حكيم و حاكم في نفس الوقت .

فهل يا ترى ربنا هيستجيب لنوح ، أو هيقبل دعوة نوح ، أو هيعد ابن نوح من أهل نوح؟؟ هو ده اللي إحنا هنعرفه في الوجه القادم بأمر الله تعالى .

و أنهى الجلسة بأن طلب قمر الأنبياء يوسف الثاني ﷺ من مروان و أرسلان و رفيدة باستخراج أمثلة على أحكام طلبها منهم من هذا الوجه :

طلب من مروان مثال على مد عارض للسكون ، فقال :
{الْحَاكِمِينَ} ، يُمد بمقدار ٤ إلى ٥ حركات .

و طلب من أرسلان مثال على مد متصل واجب ، فقال :
{الماء} .

و طلب من رفيدة مثال على مد طبيعي ، فقالت :
{فَارَ} المد بمقدار حركتين ، و الحرف الممدود : الفاء .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . ❀❤

درس القرآن و تفسير الوجه السابع من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ المدود الخاصة ، ثم قام بقراءة الوجه السابع من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السابع من أوجه سورة هود ، و نبدأ بأحكام التلاوة و أحمد :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و بعد أحمد قال الأحكام مروان ثم أرسلان .

○ و ثم طلب سيدي يوسف بن المسيح ﷺ من أحمد قراءة آية الكرسي ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

{قَالَ يَا نُوحُ إِنَّهُ لَيْسَ مِنْ أَهْلِكَ إِنَّهُ عَمَلٌ غَيْرُ صَالِحٍ فَلَا تَسْأَلْنِي مَا لَيْسَ لَكَ بِهِ عِلْمٌ إِنِّي أَعِظُكَ أَنْ تَكُونَ مِنَ الْجَاهِلِينَ} :

(قال يا نوح) ربنا بيحيب نوح لما نادى الله عز و جل في الوجه السابق أن يغفر لإبنه و أن يرحمه و أن لا يدخله في العذاب الأليم ، فرد الله سبحانه و تعالى عليه و قال : (قال يا نوح إنه ليس من أهلك) إجابة مباشرة و بسيطة ، لأن القوة دائماً في البساطة و المباشرة ، (إنه ليس من أهلك) مباشرة كده ، (إنه عمل غير صالح) يعني هو تحول إلى عمل غير صالح ، لاقى ما فعله ، لاقى ما عمله ، لاقى ما اقترفه ، لاقى ما اكتسبه ، لأن روحه فارقت جسده إلى جسد ظلماتي ، بعد أن غرق في الطوفان و أصابته اللعنة ، فتحول ابن نوح الكافر إلى عمل متمثل غير صالح ، أو لاقى ابن نوح الكافر عمله غير الصالح ، عمله غير الصالح تمثل له بعذاب أليم ، (فلا تسألني ما ليس لك به علم) يا نوح متسألش في حاجة ليس لك بها وحي ، يعني أنا لم أعطيك الكشف عن حاله دلوقتي إيه ، حاله فظيع ، حاله أليم ، حاله مخيف ، لذلك ربنا قال له إيه (إنني أعظك أن تكون من الجاهلين) أحسنالك إسكت ، و إجهل أمر ابنك دلوقتي خالص و إنساه و إعمل نفسك مش فاكروه و تناساه ، لأنك لو عرفت هوفين دلوقتي و بيحصله إيه هتتألم ألم شديد ، لذلك ربنا قال له (إنني أعظك) أحسنالك إنساه ، إنساه ، و الوعظ من صفات الله عز و جل ، صح؟ ربنا بيعظ المؤمنين ، صح كده؟ يبقى الواعظ الأول هو مين؟ الله ، و أول موعوظ مين؟ النبي ، و ثم تتألى المواعظ الإلهية النبوية على المؤمنين ، و على من إستجاب من الكافرين .

{قَالَ رَبِّ إِنِّي أَعُوذُ بِكَ أَنْ أَسْأَلَكَ مَا لَيْسَ لِي بِهِ عِلْمٌ وَإِلَّا تَغْفِرْ لِي وَتَرْحَمْنِي أَكُنَ مِنَ الْخَاسِرِينَ} :

(قال رب إنني أعوذ بك أن أسألك ما ليس لي به علم) مباشرة كده على طول ، أول ما ربنا عاتبه و زجره كده ، رجع و إنتهى عن التعدي اللي عمله ، (قال رب إنني أعوذ بك أن أسألك ما ليس لي به علم) أستغفرك يا رب ، و أنا عمري ما أسألك عن حاجة مش المفروض إنني أعرفها بالوحي أو إنك تكون حجبته عني ، لأن العلم هو إيه؟ الوحي ، (و إلا تغفر لي و ترحمني) يعني إذا مغفرتليش و رحمتني يا رب (أكن من الخاسرين) ده نوع من أنواع الدعاء و التوسل إلى الله عز و جل بصفاته ، هنا توسل إلى الله عز و جل بصفة الغفران و صفة الرحمة ، (و إلا تغفر لي و ترحمني أكن من الخاسرين) .

{قِيلَ يَا نُوحُ اهْبِطْ بِسَلَامٍ مِنَّا وَبَرَكَاتٍ عَلَيْكَ وَعَلَى أُمَمٍ مِمَّنْ مَعَكَ وَأُمَمٌ سَنُمَتِّعُهُمْ ثُمَّ يَمَسُّهُمْ مِنَّا عَذَابٌ أَلِيمٌ} :

ربنا تجاوز و قال له (قيل يا نوح اهبط بسلام) دلوقتي اهبط بسلام من السفينة بعدما رست على هضبة الجودي ، خلاص ، كده إحنا خلصنا العتاب و إنت عرفت حدودك فين ، (قيل يا نوح اهبط بسلام منا و بركات) سلام من الله و بركات ، (عليك) خاصة ، (و على أمم ممن معك) يعني أمم من اللي ه يكونوا معك ، من نسل الناس اللي معك ، ه يكون عليها بركات ، و أمم تانية لا ، ه يعيشوا فترات و ثم يمسه منّا عذاب أليم نتيجة نسيانهم للإيمان و كفرهم ، (و على أمم ممن معك) لأن كل فرد من اللي كانوا مع نوح ه يكون أمة بعد كده ، يعني ه يكون جد لقبيلة عظيمة ، (و أمم ستمتعهم) يعني سيقضوا أجلاً في الدنيا ، في متاع الدنيا لكنهم سينسوا الإيمان و يكفروا مع الوقت ، (و ثم يمسه منّا عذاب أليم) يمسه أي يُحيط بهم من الداخل و الخارج ، لأن المس أعظم من اللمس ، تمام كده .

(قيل يا نوح) مين اللي قال؟؟ الملائكة ، يعني ربنا جعل الملائكة تبشر نوح و تأمنه بالسلام و البركات .

{تِلْكَ مِنْ أَنْبَاءِ الْغَيْبِ نُوحِيهَا إِلَيْكَ مَا كُنْتَ تَعْلَمُهَا أَنْتَ وَلَا قَوْمُكَ مِنْ قَبْلِ هَذَا فَاصْبِرْ إِنَّ الْعَاقِبَةَ لِلْمُتَّقِينَ} :

الخطاب هنا يحتمل معنيين : ممكن يكون لنوح و ممكن يكون لصاحب تنزيل القرآن سيدنا محمد ﷺ ، (تلك من أنباء الغيب نوحيها إليك) بيقول لنوح يعني ، قدام ، في ناس أمم من اللي معك و من نسلك ه يكونوا إيه ، مباركين ، و في أمم تانية ه يكفروا و ه ينسوا الإيمان و سيمسه منّا عذاب أليم ، أنباء الغيب دي إنت مكنتش تعرفها (ما كنت تعلمها أنت و لا قومك من قبل) المؤمنين من حولك هؤلاء ، (فاصبر) الصبر دائماً ، الوصية الأبدية ، قانون العصر ، (فاصبر إن العاقبة للمتقين) دائماً العقبى للمتقي ، الذي يجعل بينه و بين عذاب الله وقاية ، إحتمال الثاني يكون برضو إيه؟ الخطاب لسيدنا محمد ﷺ ، لأن الأنبياء دي ، كفار قريش ماكانوش يعرفوا عنها حاجة ، بالتفاصيل دي يعني ، و إنت مكنتش تعرف عنها حاجة قبل ما نهديك للتوحيد ، و قبل ما نهديك لأهل الكتاب ، و قبل ما نهديك بالقرآن الكريم اللي هو الكتاب الكامل ، اللي هو الذي أكمل الكتاب المقدس ، القرآن الكريم ، و هو المهيم على التوراة و الإنجيل و أسفار الأنبياء .

و بعد كده ربنا بيبتي قصة جديدة مع نبي سُميت بإسمه السورة دي ، دائماً كده معظم سور القرآن بتسمى بحدث يحدث في وسط السورة ، زي هود كده ، قصة هود يادوبك هي وجهه ، نص وجهه هنا ((أي في الوجه السابع من سورة هود)) و بعد كده نص وجهه في المرة الجاية ، ربنا سمى بها السورة دي ، سورة هود ، ليلفت الله سبحانه و تعالى أنظارنا و إنتباهنا لقصة هود بالتحديد في المجموعة دي من الآيات ، و ده مش معناه إن إحنا منهتمش بالآيات التانية و بالقصص التانية ، لا ، و لكن ربنا يريد شيء من لفت الإنتباه ، بأنه كَرَمَ النبي ده ، بأنه حظ/وضع إسمه على رأس

السورة ، فأكيد ربنا يريد مِنَّا إنه إحنا نركز على قصة هود في الآيات دي ، تمام كده؟ ، سبحانه الله ، و أنا بجمع مثلاً مقالات المدونة ، دايماً كنت أعمل الأسلوب ده ، دون أن أشعر أن ده أسلوب القرآن ، و بعد كده اكتشفت أن ده أسلوب القرآن ، ممكن أجمع المقالات و بعد كده أكتب الكتاب بإسم مقالة من ضمن المقالات أو برؤيا من ضمن الرؤى الموجودة في المقالات دي ، كإشارة و لفت أنها أمر عظيم و الناس تلتفت إليه ، نفس أسلوب القرآن ، ليه؟ لأن إحنا نتعلم من القرآن و نقبس منه منهاج حياتنا .

{وَالِى عَادِ أَخَاهُمْ هُودًا قَالَ يَا قَوْمِ اعْبُدُوا اللَّهَ مَا لَكُم مِّنْ إِلَهِ غَيْرُهُ إِن أنْتُمْ إِلَّا مُفْتَرُونَ} :

(عاد) قوم في الجزيرة العربية ، من الأقوام في الجزيرة العربية ، و ثمود كذلك من أقوام الجزيرة العربية ، و قريش من أقوام الجزيرة العربية ، و قوم نوح من أقوام العراق ، و قوم يونس أيضاً من أقوام شمال العراق ، و قوم إبراهيم أيضاً من العراق ، كل نبي له قوم في منطقة الشرق الأوسط دي اللي إحنا نعرفها ، أنبياء بني إسرائيل و أنبياء بني إسماعيل ، و في أنبياء طبعاً آخرين في أمم أخرى في أماكن أخرى من الأرض ، منهم اللي نعرفهم و منهم اللي إحنا منعرفهمش ، عاد قبيلة بائدة في الجزيرة العربية ، من العرب البائدة ، ربنا بعث لهم نبي ، ربنا سبحانه و تعالى سماه هُنا في القرآن (هود) وصفه بالوصف ده ، وصفه بالوصف ده في اللغة العربية ، طب حد يعرف يقولي كلمة هود من خلال أصوات الكلمات تعني إيه ، إحنا عارفين إن الإسم هُنا تعرب بلغة القرآن ، ربنا عربيه أو ذكره بالنطق القرآني ، بالحروف القرآنية ، بحروف اللغة العربية الإلهامية ، يبقى أكيد ربنا لما نطقه بالشكل ده أو خلانا نطقه بالشكل ده ، يبقى أكيد له معنى ، هود : له معنيين : الهاء تنبيهه ، و الواو و الدال أي ود ، أي تنبيهه بود ، هود ، ده كده تحليل جزئي ، كذلك في تحليل ثاني : هود : تنبيهه بدوي دائري منتظم ، هاء تنبيهه ، و الواو دوي دائري منتظم ، و هو ده فعل النبي ، أي نبي يأتي للتنبيه بدايةً أي الإنذار ، و كذلك يأتي بالحسنى و المعاملة الحسنة و الرفق و الود ، زي داوود أي داوى بالود .

(و إلى عاد أخاهم هوداً قال يا قوم اعبدوا الله ما لكم من إله غيره) دايماً كده كل نبي أساس دعوته التوحيد و نبذ الشرك ، (إن أنتم إلا مفترون) أي إله ثاني بتعبده مع الله أو من دون الله ، ده إفتراء يعني ظلم عظيم ، و الشرك هو أظلم الظلم ، و التوحيد هو أعدل العدل .

{يَا قَوْمِ لَا أَسْأَلُكُمْ عَلَيْهِ أَجْرًا إِن أَجْرِي إِلَّا عَلَى الَّذِي فَطَرَنِي أَفَلَا تَعْقِلُونَ} :

يعني أنا مش جاي و بقول لكم الكلام ده عشان إيه ، تعطوني أجر أو أخذ دنيا ، أنا بقول لكم ده عشان أنا نبيل ، أنا شخص بحبكم و بحب لكم الخير و عاوزكم تتصلوا بأصل الحياة و أصل الفيض ، الله الذي هو أصل كل خير ، و كل خير فينا أصله كان من مين؟ و لا يزال من مين؟ من الله عز و جل ، فلما النبي يجي عاوز يدعو قومه

للتوحيد علشان يعرفوا الإله الحقيقي ، علشان يستريحوا و يتصلوا بأصل الحياة ، و يتعرفوا على صفات الله عز و جل ، لأن إحنا مخلوقين علشان كده ، نتعرف على صفات الله عز و جل و نتعرض للإبتلاء و للإختبار في هذه الدنيا فنتزكى ، و ربنا سبحانه و تعالى ينظر كيف نعمل لأنه جعلنا مخيّرين و بإختيارنا نكون فيما يليه مُسَيَّرِينَ ، (إن أجري إلا على الذي فطرني) ربنا هو اللي سيعطيني أجري و ثوابي ، فطرني أي خلقني على الفطرة ، (أفلا تعقلون) دائماً كده بيستفزهم و يقول لهم إيه؟ إعتقلوا (أفلا تعقلون) ، أي نبي يقول لهم كده (أفلا تعقلون) (أفلا تذكرون) (أفلا تدبرون) (أفلا تفقهون) ، (أفلا تعقلون) مش تعقلوا كده؟؟ .

{وَيَا قَوْمِ اسْتَغْفِرُوا رَبَّكُمْ ثُمَّ تُوبُوا إِلَيْهِ يُرْسِلِ السَّمَاءَ عَلَيْكُمْ مِدْرَارًا وَيَزِدْكُمْ قُوَّةً إِلَى قُوَّتِكُمْ وَلَا تَتَوَلَّوْا مُجْرِمِينَ} :

(و يا قوم استغفروا ربكم) بداية الرزق دائماً هو إيه؟ إستغفار ، دائماً كده ، بداية الرزق إيه؟ إستغفار ، (ثم توبوا إليه) يعني إعزموا النية و اعقدوا النية على التوبة و الأوبة إلى الله الحق ، هيحصل إيه بقى ، النتيجة مباشرة (يرسل السماء عليكم مدراراً) السماء هنا بالمعنيين : المعنى الروحي و المعنى المادي ، (يرسل السماء عليكم مدراراً) يأتاكم وصال منه و رحمة و رؤى و نور و كشوف و هداية ، كذلك السماء معناها إيه؟ أرزاق و أمطار و ماء و غيث تنبت بها الزروع المادية و الثمار المادية ، بالإضافة طبعاً إلى الثمار الروحية ، (مدراراً) أي متتالي ، متتابع ، كثير كالدر ، الدر هو اللؤلؤ الجميل ، مدراراً : الميم مفاعلة ، مدراراً أي درر كثيرة أي كالجواهر الثمينة المتتالية المتتابعة ، ديناً و دنيا ، روحاً و مادة ، و يعمل إيه تاني ربنا لما تستغفروا و تتوبوا؟ (و يزدكم قوة إلى قوتكم) تزدادوا قوة دنيوية على القوة اللي إنتو فيها ، (و لا تتولوا مجرمين) إوعوا تعرضوا عن الله عز و جل و تكونوا مجرمين أي مقارفين لجرم عظيم بتوليكم عن الله عز و جل ، هنا دائماً النبي بينصح ، ماله إلا أن ينصح ، و ماله إلا أن يُذكر ، و ماله إلا أن يُنبه ، و ماله إلا أن يُنذر ، لذلك هو هود .

{قَالُوا يَا هُوْدُ مَا جِئْتَنَا بِبَيِّنَةٍ وَمَا نَحْنُ بِتَارِكِي آلِهَتِنَا عَنْ قَوْلِكَ وَمَا نَحْنُ لَكَ بِمُؤْمِنِينَ} :

(ما جئتنا ببينة) يعني أنت لم تأتي بأية و لم تأتي بمعجزة يعني ، أو إحنا مش واثقين أوي من كلامك ، إحنا مش متأكدين أوي من كلامك ، إحنا معندناش يقين من كلامك ، دائماً كده الكفار ، طريقتهم في الكلام ، (ما جئتنا ببينة و ما نحن بتاركي آلِهتنا) مع أن النبي مُبين ، أي نبي هو مُبين و مُبين ، و لكن ده من عمى قلوبهم ، لا يفقهون و لا يعقلون بسبب الران الأسود الذي على قلوبهم الناتج عن الذنوب المتتالية المتراكمة ، (و ما نحن بتاركي آلِهتنا عن قولك) الآلهة طبعاً المادية و المعنوية ، سواء كانت الأصنام أو الأهواء النفسانية و الشرك الخفي و العُجب و الرياء و كذا ، (و ما نحن

بتاركي ألَهْتَنَا عَنْ قَوْلِكَ) يعني مش عشان كلامك ده إحنا هنسيب كل المكاسب الدنيوية بتاعتنا يعني ، يعني إنت إيه ، إنت اتجننت ؟ هنسيب الدنيا عشان كلمتين بتقولهم !!! ، (و ما نحن لك بمؤمنين) أصروا خلاص على الكفر ، دي كانت نتيجة دعوة هود مع معظم قومه ، بأنهم كفروا به ، بقية القصة إن شاء الله هنعرفها في الوجه القادم .

○ و أثناء تصحيح نبي الله الحبيب تلاوتنا ، قال لنا :

حد يعرف يجيب أصوات كلمات : عاد ، ثمود ، ربنا عبر عن الأقوام دي باللفظين دول ، ممكن يكونوا هم القبائل دي مش إسمها كده ، بس ربنا عبر عن أسماء الأقوام دي باللفظين دول ، قوم هود ، النبي هود يعني اسمهم عاد ، و قوم صالح مين؟ ثمود ، هو لفظ مُعبر عن حال القوم دول مع الأنبياء ، سهلة خالص ، عاد أي من العدوان ، أي فيهم العدوان ، العدوانية ، طيب ثمود : أي يُقابلوا المودة بسلوك الأفعى و صوت الأفعى ، ثمود : الثاء صوت الأفعى ، مود أي المودة ، أي يُقابلوا المودة بصوت الأفعى ، شفتوا بقي؟ لذلك ثمود هؤلاء ، ربنا سبحانه و تعالى وصفهم بأنهم بيعقروا ناقة النبي ، أي نبي بيعقروا ناقته ، لأن أي نبي قومه بيعقروا ناقته يعني بيحاولوا يعطلوا دعوته ، يحطوا العقبة في طريقه ، عقر الناقة هنا مش معناه جمل كده انذبح ، معناه إيه؟ معناه إن الدعوة ، الكفار بيحاولوا يحطوا عقبات أمامها ، ف هم كده بيعقروا ناقة النبي ، عشان كده ربنا سماهم ثمود ، أي قابلوا مودة النبي بسلوك الأفاعي ، لأن دايمًا في الرؤى و التمثلات ، الشيطان بيتمثل في صورة الأفعى ، عياذًا بالله ، في غالب الأحيان يعني ، إذا قوم هود ربنا وصفهم بأنهم عاد ، عاد أي من المعادة ، و كذلك عاد أي أنهم يعودون كل مرة ، الأقوام الكافرة و سلوكهم مع كل نبي يعود كل مرة ، (إن هي إلا سنة الأولين) يعني ، تمام كده ، عرفتوا يعني إيه عاد و يعني إيه ثمود من خلال أصوات اللغة العربية الإلهامية .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسلان باستخراج أمثلة على أحكام طلبها منهم من هذا الوجه :

طلب من مروان مثال على مد عوض ، فقال :
{مَذْرَارًا} ، {هُودًا} .

و طلب من ربيعة مثال على مد لين ، فقالت ؛
{الْعَيْب} .

و طلب من أرسلان مثال على مد بدل ، فقال :
{الْهَتْنَا} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . ❀❤

درس القرآن و تفسير الوجه الثامن من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ الوقف و السكت , ثم قام بقراءة الوجه الثامن من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثامن من أوجه سورة هود ، و نبدأ بأحكام التلاوة و مروان :

الوقف :

ج (وقف جائز) , قلي (الوقف أفضل لكن الوصل جائز) , صلي (الوصل أفضل لكن الوقف جائز) ,

لا (ممنوع الوقف) , ما (وقف لازم) , وقف التعانق و هو لو وقفت عند العلامة الأولى فلا تقف عند العلامة الثانية و لو وقفت عند الثانية لا تقف عند الأولى) .

و السكت :

هو حرف السين ، و هو وقف لطيف دون أخذ النفس ، مثل : من راق ، بل ران .

و بعد مروان قال الأحكام رفيدة ثم أرسلان .

و ثم تابع نبي الله يوسف الثاني ﷺ الجلسة بشرح الوجه لنا فقال :

{إِنْ نَقُولُ إِلَّا اعْتَرَاكَ بَعْضُ آلِهَتِنَا بِسُوءٍ قَالَ إِنِّي أُشْهِدُ اللَّهَ وَاشْهَدُوا أَنِّي بَرِيءٌ مِّمَّا تُشْرِكُونَ} :

(إن نقول إلا اعتراك بعض آلِهتنا بسوء) هنا حجة فارغة و حجة فاضية من قوم هود بـيردوا بيها على هود -عليه السلام- عندما رفضوا أن يؤمنوا به و رفضوا أن يذعنوا لوصاياه و نذره ، فيقولوا له إيه (إن نقول) يعني رأينا فيك (إلا اعتراك بعض آلِهتنا بسوء) لأن إنت أصلاً إنسان بقيت مش كويس ، فالآلهة بتاعتنا نزلت عليك اللعنات ، (اعتراك) يعني عرى بك أي أثر فيك ، شيء حدث و أثر فيك ، (بعض آلِهتنا بسوء) بعض الآلهة بتاعتنا انزلت عليك لعنة ، و ثم قول هود بقى ، بيرد عليهم : (قال إنني أشهد الله و اشهدوا أني بريء مما تشركون) أشهد ربي أنا و إشهدوا معي إنني أنا أبرأ مما تشركون به مع الله عز و جل أو بدون الله ، من آلهة زائفة و باطلة ، يعني هنا بيتبرأ من شركهم ، براء أهو ، دائماً كده التوحيد هو الولاء و البراء ، أصله إيه؟ الولاء و البراء ، توالي الله و من آمن بالله و تُعادي من أشرك مع الله أو أشرك بدون الله و تُعادي الآلهة الباطلة .

(قال إنني أشهد الله و اشهدوا أني بريء مما تشركون) و بعد كده الآية التالية : (من دونه) .

{مَنْ دُونِهِ فَكَيْدُونِي جَمِيعًا ثُمَّ لَا تُنظِرُونَ} :

(من دونه) هنالها معنيين ، (أنى بريء مما تشركون من دونه) يعني تقديرها إيه؟ مما تشركون من آلهة من دون الله ، من غير الله ، يعني هنا المعنى ده لما نصل (من دونه) بالآية السابقة ، طيب ، أو هنبتيدي (من دونه) بدون أن نصلها بالآية السابقة ، بينقول إيه؟ (من دونه فكيدوني جميعاً) يعني أي إله غير ربنا إستخدموه و أنزلوا بي الكيد كلكم ، (و ثم لا تنظرون) متخلونيش أستنى ، هنا بيتحداهم ، بيتكلم بيقين و بقوة ، دائماً كده النبي شخص إيه؟ نبيل ، صح؟ و شريف و قلبه طاهر خالص ، أظهر قلب في الزمن بتاعه ، و نتيجة الصفات الجميلة دي ، بيبقى عنده جرأة في الحق و صدع بالحق بكل قوة لأنه هو مفيش حاجة يبكي عليها ، هو عارف الحق فين ، ميقدرش يكذب ، ميقدرش ينافق ، ميقدرش يُظهر خلاف ما يُبطن عشان مصلحة دنيوية ، هو لو عمل كده هيحتقر نفسه ، مش هيشعر بالراحة ، صح كده؟ لكن لما يقول كلمة الحق ، كده إيه ، بيحترم نفسه و ميخسرش نفسه ، صح كده؟ ، المعنى جميل ، معنى عظيم جداً ، عدم خسران النفس ده موجود في القرآن ، و تعلمناه من القرآن الكريم .

{إِنِّي تَوَكَّلْتُ عَلَى اللَّهِ رَبِّي وَرَبِّكُمْ مَا مِنْ دَابَّةٍ إِلَّا هُوَ آخِذٌ بِنَاصِيَّتِهَا إِنَّ رَبِّي عَلَى صِرَاطٍ مُسْتَقِيمٍ} :

بيكمل هود و يقول إيه (إني توكلت على الله ربي و ربكم) التوكل اللي هو أصله إيه؟ الإستسلام لله ، توكلت على الله أي استسلمت لله عز و جل و فوضت أمري إليه ، (ربي و ربكم) اللي هو الرب الحقيقي يعني ، (ما من دابة إلا هو آخذ بناصيتها) دابة هنا معناها أي شيء يَدُب على الأرض سواء أكان إنسان أو أي كائن آخر ، (ما من دابة) هنا هود يقصد تخصيص الدواب المكلفة يعني ، و كل الدواب طبعاً هي ربنا سبحانه و تعالى آخذ بناصيتها يعني متحكم فيها ، (ما من دابة إلا هو آخذ بناصيتها) يعني أنا دابة من الدواب ، أنا بَدُب على الأرض يعني ، بمشي على الأرض ، و ربنا متحكم فيّ و آخذ بناصيتي يعني ، كأنه ربنا سبحانه و تعالى واضع يده على جبهة أي واحد بيمشي على الأرض و منهم هود ، فهو يقول ربنا مالكني ، رينا مالكني ، هو ملكي ، أنا عبده ، (إن ربي على صراط مستقيم) ربنا سبحانه و تعالى طريقه إيه؟ مستقيم ، يعني اللي عاوز يوصل لربي اللي هو الإله الحقيقي ، لازم يكون هو مستقيم مع نفسه ، لا يُدسي على نفسه ، يبقى مستقيم مع نفسه ، يبقى شخص نبيل شريف ، لا يكذب ، قوي بالجهر في الحق ، هو ده الصراط المستقيم ، فهو ربنا بيحب كده ، بيحب الطريق المستقيم ، يعني بيحب يجيب من الآخر ، (إن ربي على صراط مستقيم) يعني اللي عاوز يصل لله ، يكون على صراط مستقيم ، تكون صفاته مستقيمة ، يكون فيه إستقامة ، عشان يصل لله عز و جل ، يصل للوصال الكامل مع الله عز و جل و يصل إلى مرتبة الفيض الكامل و النقي التي ذكرها الإمام المهدي في كتاب "حقيقة الوحي" ، صح كده؟ فلان لازم يكون هو مستقيم ، يعني نبيل ، شخص شريف .

{فَإِنْ تَوَلَّوْا فَقَدْ أَبْلَغْتُكُمْ مَا أُرْسِلْتُ بِهِ إِلَيْكُمْ وَيَسْتَخْلِفُ رَبِّي قَوْمًا غَيْرَكُمْ وَلَا تَضُرُّوهُ شَيْئًا إِنَّ رَبِّي عَلَى كُلِّ شَيْءٍ حَفِيزٌ} :

(فإن تولوا فقد أبلغتكم ما أرسلت به إليكم) يعني لو إنتو توليتم و أعرضتم و مهتمتوش بكلامي ، خلاص أنا عملت اللي عليّ (فقد أبلغتكم) إن على الرسول إلا البلاغ ، (فقد أبلغتكم ما أرسلت به إليكم) عملت اللي عليّ ، أدبت واجبي ، (و يستخلف ربي قوماً غيركم) دي سُنّة إلهية ، أي حد بيتولى أو بينافق أو بيُعادي النبي ، ربنا بيستبدله و دي شفناها و بنشوفها ، (و لا تضرونه شيئاً) متقدرش تضر الله عز و جل أو أولياء الله و أنبياءه ، أبداً ، (إن ربي على كل شيء حفيظ) ربنا حفيظ ، حامي ، يحفظ المؤمنين و الأنبياء ، (إن ربي على كل شيء حفيظ) مسيطر متحكم .

{وَلَمَّا جَاءَ أَمْرُنَا نَجَّيْنَا هُودًا وَالَّذِينَ آمَنُوا مَعَهُ بِرَحْمَةٍ مِنَّا وَنَجَّيْنَاهُمْ مِّنْ عَذَابٍ غَلِيظٍ} :

(و لما جاء أمرنا) خلاص لما جاءت ساعة الصفر ، يعني (و فار التنور) ، يعني ربنا أكمل العد عليهم ، صح كده؟ (نجينا هوداً) النبي الأخير بتاعهم ، ده كان آخر نبي في عاد ، قوم عاد يعني ، (نجينا هوداً و الذين آمنوا رحمة منا و نجيناهم من عذاب غليظ) عذاب عظيم جداً نزل على قوم عاد المعادون للأنبياء ، على قوم عاد الذين يعودون كل مرة إلى صفاتهم مع كل نبي ، لأنها سنة الله الجارية .

{وَتِلْكَ عَادٌ جَحَدُوا بِآيَاتِ رَبِّهِمْ وَعَصَوْا رُسُلَهُ وَاتَّبَعُوا أَمْرَ كُلِّ جَبَّارٍ عَنِيدٍ} :

الجحود دائماً كده في صفات الكفار و المنافقين ، يجحد نعمة ربنا ، يجحد إخلاص النبي ، يجحد تعليم النبي ، جحود ، نكران ، (و تلك عاد جحدوا بآيات ربهم و عصوا رسله) يبقى هود كان آخر واحد في قوم عاد ، اللي هم بتوع الجزيرة العربية ، جزء في الجزيرة العربية يعني ، منطقة في الجزيرة العربية ، (و اتبعوا أمر كل جبار عنيد) كل الكفار هم إيه؟ متجبرين ، فيهم صفة العند و الكبر زي إبليس اللعين .

{وَأُتْبِعُوا فِي هَذِهِ الدُّنْيَا لَعْنَةً وَيَوْمَ الْقِيَامَةِ أَلَا إِنَّ عَادًا كَفَرُوا رَبَّهُمْ أَلَا بُعْدًا لِّعَادٍ قَوْمِ هُودٍ} :

(و اتبعوا في هذه الدنيا لعنة) لعنة أصابتهم في هذه الدنيا و في سيرتهم أيضاً ، عندما تأتي سيرتهم تأتي اللعائن تترا ، كل ما يُذكرون في الدنيا تتبعهم اللعائن ، و كذلك تتبعهم في البرزخ ، (و يوم القيامة) أيضاً في البرزخ و يوم البعث ، (ألا إن عاداً كفروا ربهم) عاد غطوا الإله الحقيقي عنهم ، يعني إيه؟ حجبوا وصال الله عنهم ، كفروا يعني غطوا ، (كفروا ربهم) كفروا ربهم الحقيقي يعني غطوا أدمغتهم و عقولهم و قلوبهم عن نور الشمس ، عن نور الله عز و جل ، (ألا إن عاداً كفروا ربهم) دسوا على أنفسهم و غطوا عقولهم و قلوبهم عن نور الشمس ، (ألا بعداً لعاد قوم هود) (بعداً لعاد) يعني لعنة ، دي إيه؟ لفظ قرآني للدلالة على اللعنة الحالّة/التي ستحل على قوم عاد ، (ألا بعداً لعاد قوم هود) .

● حد يعرف يقولي كلمة : غليظ ، و جحدوا ، من أصوات الكلمات؟ و عنيد ، و لعنة ، فكروا فيها كده؟

- عنيد : ني النية ، العين اللوعة ، اليد يعني إيه ، لوعته في نيته و يده ، يعني إيه ، يُظهر لوعة في يده أي في سره و علانيته ، دي من معانيها يعني .

- جحد : إحنا قلنا الجحود اللي هو إيه ، إنه هو ميفتكركش حاجة حلوة مهما عملت معه فيجحدّها ، و هنا (جحدوا بآيات ربهم) يعني إيه ، جاوزوا الحد ، جحد : الجيم جاء ، حد ، يعني وصلوا للحد الأخير الأقصى من الكفر ، (و تلك عاد جحدوا بآيات ربهم) تجاوزوا الحدود و أنكروا آيات الله عز و جل .

- غليظ : غل و كذلك غلي ، و إحنا قلنا الظاء الظل و الراحة ، فالظل و الراحة سيبتعد عنهم نتيجة نفوسهم و نتيجة غليان النار عليهم ، و غليان العذاب عليهم .

- لعنة : اللام علة ، العين لوعة ، النون نعمة ، إذا اللعنة عبارة عن إيه ، هبوط علة اللوعة على النعمة فهي اللعنة ، يعني سلب النعمة و البركة و هي اللعنة ، عياداً بالله .

{وَالْيَ تُمُودَ أَخَاهُمْ صَالِحًا قَالَ يَا قَوْمِ اعْبُدُوا اللَّهَ مَا لَكُمْ مِنْ إِلَهٍ غَيْرُهُ هُوَ أَنْشَأَكُمْ مِنَ الْأَرْضِ وَاسْتَعْمَرَكُمْ فِيهَا فَاسْتَغْفِرُوهُ ثُمَّ تَوْبُوا إِلَيْهِ إِنَّ رَبِّي قَرِيبٌ مُجِيبٌ} :

(و إلى ثمود أخاهم صالحاً) عرفنا طبعاً كلمة ثمود يعني إيه ، ثمود : الثاء صوت الأفعى ، المود أي المودة ، أي أنهم يُقابلون المودة ، مودة النبي بسلوك الأفاعي اللي هو الجحود (و تلك عاد جحدوا بآيات ربهم) ، في صفات ثمود برضو بأنهم إيه ، هم بقى إيه؟ يجحدون مودة النبي بسلوك الأفاعي اللي هم الشياطين ، عياداً بالله ، (و إلى ثمود أخاهم صالحاً) ربنا دائماً بيعبر هنا و بيقول إيه؟ أخاهم ، منهم يعني ، بيتكلم بلهجتهم و بلغتهم ، (و إلى عاد أخاهم هوداً) دائماً ربنا بيصف النبي بأنه أخو القوم ، أخوهم يعني منهم ، من ثقافتهم ، من لهجتهم ، من لغتهم عشان يفهموه ، صح كده؟ لذلك إحنا بنفسر القرآن باللهجة المصرية العامية عشان تكون أقرب للناس في الفهم ، لأن اللغة هي عبارة عن إيه؟ وسيلة إتصال ما بين البشر ، وسيلة إتصال ، فإحنا بنتكلم في العصر الحديث باللهجة دي ، فلازم إيه ، نفسر باللهجة دي برضو ، و اللي العجيب بقى ، إن إحنا بنفسر باللهجة العامية الجميلة دي ، اللي الناس بتفهمها أكثر و كمان إيه ، لما بتيجي آيات أو كلمات من اللغة العربية الفصحى لها معاني إلهامية من خلال أصوات الكلمات بنبينها ، يعني شايفين إحنا إيه ، واخدين إيه ، الطريقين : العامية عشان الناس تفهم ، و في نفس الوقت أصوات كلمات اللغة العربية الفصحى ، فإحنا إيه ، بنفهمهم ((نقوم بالتفهيم)) على الناحيتين ، (قال يا قوم اعبدوا الله ما لكم من إله غيره) أول دعوة النبي دائماً أهو ، إيه؟ الدعوة إلى التوحيد و ثم نبذ الشرك ، أو نبذ الشرك و الدعوة إلى التوحيد ، (هو أنشأكم من الأرض و استعمركم فيها فاستغفروه ثم توبوا إليه) أعطاهم هنا إيه ، حجة من حجج كثير ، بتخلينا نعبد الله عز و جل من دون سواه ، اللي هو؟؟ خلقنا من الأرض دي ، من الخلية الأولى و طورنا عبر ملايين السنين حتى كنا مكلفين ، و أصبحنا مكلفين من وقت آدم إلى ما بعده ، (هو أنشأكم من الأرض و استعمركم فيها) خلاكم إيه ، تعمروها ، من العمران ، و العمران ده بييجي بإيه؟ بالزواج و الولادة و البناء و الزراعة و الصناعة و التجارة و التعارف ، كل ده إسمها عمارة ، (فاستغفروه ثم توبوا إليه) بدايات الرزق دائماً إيه؟ فتح أبواب الرزق بتبقى إيه؟ بالإستغفار ، (فاستغفروه ثم توبوا إليه) الإستغفار تمهيد للتوبة ، التوبة هو الإقلاع عن الذنب و العزم على عدم العودة إليه ، (إن ربي قريب مجيب) بيحببهم لربنا سبحانه و تعالى و بيعرضلهم بعض صفات الله ، فبيقولهم إيه؟ (إن ربي قريب مجيب) ربنا قريب ، مش بعيد عنكم ، دوروا عليه/ابحثوا عنه ، (مجيب) هُجيب دعاءكم ، يبقى هنا هو صالح جاب/أتى حجتين من حجج وجود الإله : (أنشأكم من الأرض) اللي هي إيه ، بدء الخلق ، و إيه تاني قال؟ مُجيب الدعاء ، صح كده؟ مش إحنا قلنا إن دلائل وجود الله أربعة ، أول حاجة بعث الأنبياء و تحقق

النبوءات ، إثنين إستجابة الدعاء ، ثلاثة بدء الخلق من العدم ، أربعة الثواب و العقاب المباشر في الدنيا قبل الآخرة ، اللي هو : كله سلف و دين حتى المشي على الرجلين ، و من حفر حفرة لأخيه وقع فيها ، كل ده دليل على وجود إله متحكم .

{قَالُوا يَا صَالِحُ قَدْ كُنْتَ فِينَا مَرْجُوًّا قَبْلَ هَذَا أَتَنْهَانَا أَنْ نَعْبُدَ مَا يَعْبُدُ آبَاؤُنَا وَإِنَّا لَفِي شَكٍّ مِّمَّا نَدْعُونَ إِلَيْهِ مُرِيبٍ} :

(قالوا يا صالح قد كنت فينا مرجوًا قبل هذا) إنت كنت كويس قبل كده ، إيه اللي حصلك؟ ، إنت كنت ماشي على الطريق الصحيح؟ إنت إيه اللي حصلك بقى؟ إنت اتجننت و لا إيه؟ ، (أتنهانا أن نعبد ما يعبد آبائنا) دايماً دي الحجة ، الحجة بقى بتاعت كل كفار العالم ، (أتنهانا أن نعبد ما يعبد آبائنا) يعني إحنا ماشين على سلفنا ، على السلف الصالح بتاعنا ، فهو بالنسب لهم الكفار سلفهم صالح ، و لكن حقيقة الأمر هو طالح ، هم سلف طالح ، (أتنهانا أن نعبد ما يعبد آبائنا) اللي هو إيه (هذا ما وجدنا عليه آبائنا) إحنا ماشيين على كده من زمان و هي دي القواعد المجتمعية اللي إحنا نسير عليها ، فإنت جاي تلخبطننا الدنيا و تعمللنا ثورة فكرية و ثورة عقائدية ، و دايماً كده بداية أي حضارة بتكون ثورة فكرية و ثورة عقائدية اللي هي التوحيد الذي يأتي مع الأنبياء ، شفتوا عظمة الكلمة بقى إزاي؟ الكلمة دي عظيمة ، كلمة النبي دي عظيمة لأنها بتبعث اليقين ، بتبعث اليقين في المجتمعات و تجلبهم إلى حق اليقين ، لأن درجات الإيمان : علم اليقين ، عين اليقين ، حق اليقين ، دايماً النبي بيجرنا إلى حق اليقين ، (أتنهانا أن نعبد ما يعبد آبائنا) و الحجة الثانية إيه بقى؟ (و إننا لفي شك مما تدعونا إليه مريب) إحنا شاكين فيك أصلاً ، إحنا شاكين في الكلام اللي بتقوله ، مش ممكن بتألف علينا و بتشتغلنا؟ صح؟ مش ممكن بتنصب علينا ، إنت نصاب ، و بتقول الكلام ده عشان تبقى كده ليك مركز وسطينا و تتحكم فينا ، و تبقى ليك الكلمة علينا ، و إنت أحسن مننا في إيه؟؟ إيه الفضل اللي ليك علينا يعني إنت؟؟ ، بقى دي حجة الكفار دايماً ، و ده من بخل أنفسهم و من أنانيتهم ، عياداً بالله .

طبعاً صالح هنا صالح ، لأن كل نبي صالح ، و هود هود لأن كل نبي هود ، من أصوات كلمة هود ، و صالح : لأن كل نبي صالح ، الصاد هنا وصال ، و الحاء راحة ، أي يوصل إلى الراحة الأبدية ، اللي هي إيه؟ الوصال بالله عز و جل ، صالح ، شفتم بقى بنفسر القرآن و ألفاظ اللغة العربية الفصحى من خلال أصوات الكلمات ، كلمات اللغة العربية الإلهامية .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسلان بإستخراج أمثلة على أحكام طلبها منهم من هذا الوجه :

طلب من مروان مثال على وصل و الوقف أفضل ، فقال :



{الْهَيْتَنَا بِسُوءٍ قَالَ} .

و طلب من رفيدة مثال على وقف و الوصل أفضل ، فقالت :
{عَادَ جَحْدُوا} .

و طلب من أرسلان مثال على وقف جائز ، فقال :
{أَخِذْ بِنَاصِيَتِهَا} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات يخشع لها كل الأكوان بكائناته و همساته و سكناته و رقصات عشقه الأبدي ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه التاسع من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام النون الساكنة و التنوين , ثم قام بقراءة الوجه التاسع من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه التاسع من أوجه سورة هود ، و نبدأ بأحكام التلاوة و أحمد :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) ، و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاء شفويا . مثال : من بعد .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الضحى ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الوجه ده يُكمل قصة صالح و بييتدي قصة إبراهيم ، يعني بينتهي بكلمات عن قصة صالح ، و بييتدي بكلمات عن بعض قصة إبراهيم ، مش كل قصة إبراهيم طبعاً يعني ، هنا نُبذ و معلومات مختصرة .

{قَالَ يَا قَوْمِ أَرَأَيْتُمْ إِن كُنتُ عَلَىٰ بَيِّنَةٍ مِّن رَّبِّي وَآتَانِي مِنْهُ رَحْمَةً فَمَن يَنصُرُنِي مِنَ اللَّهِ إِن عَصَيْتُهُ فَمَا تَزِيدُونَنِي غَيْرَ تَخْسِيرٍ} :

(قال يا قوم) هنا مين اللي بيقول؟ صالح اللي هو نبي ثمود ، (أرأيتم إن كنت على بينة من ربي و آتاني منه رحمة فمن ينصرني من الله إن عصيته) هنا بيقولهم احتمال ، حطوا احتمال في بالكم إنني أنا ممكن أكون صح ، (أرأيتم إن كنت على بينة من ربي) لو أنا فعلاً ، حطوا احتمال أكون فعلاً عندي بينات من الله الحق ، و عندي سلطان من الله الحق بالكلام اللي بقولوا لكم ، (و آتاني منه رحمة) شفت الرحمة بتاعته ، (فمن ينصرني من الله إن عصيته) لو أنا عصيت ربنا و مبلغتكمش و استقلت من مقامي ده ، و طنشت ، ف دي تعتبر معصية من النبي لله عز و جل ، معصية ، النبي ميقدرش ينتهي من مهمته ، لازم يفضل يكمل ، يقول ، و يتكلم ، لا يستقيل من مقامه ، "و ما كنت لأستقيل من مقامي" كما قال الإمام المهدي الحبيب و ما كنت لأعصي ربي و استقيل من مقامي ، صح كده؟ ، (فمن ينصرني من الله إن عصيته) لو أنا عصيت ربي ، مين اللي هينصرني؟؟؟ لما هو يغضب علي؟؟ مين اللي هينصرني ضد ربي؟؟؟ محدش يقدر ، (فما تزيدونني غير تخسير) يعني لو أنا سمعت كلامكم ، يبقى أنا كده خسرت الدنيا و الآخرة ، أزداد خسران لو أنا سمعت كلامكم .

{وَيَا قَوْمِ هَذِهِ نَاقَةُ اللَّهِ لَكُمْ آيَةٌ فَذَرُوهَا تَأْكُلْ فِي أَرْضِ اللَّهِ وَلَا تَمَسُّوهَا بِسُوءٍ فَيَأْخُذَكُمْ عَذَابٌ قَرِيبٌ} :

(ناقة الله) هنا لها معنيين : الناقة اللي هي الدابة ، دابة صالح اللي كان بيتنقل عليها بين القبائل ، و كذلك ناقة أي دعوة النبي ، دعوة صالح ، الدعوة بتاعته ، (ذروها تأكل في أرض الله) يعني متحطوش العقبات أمامها ، دعوها تدعو الناس و تُعطيهم الإيمان و تجلبهم إلى حظيرة القدس ، (و يا قوم هذه ناقة الله لكم آية فذرونا تأكل في أرض الله) دعوة النبي في ذاتها آية ، البينات اللي بتيجي و النبوءات اللي بتتحقق و التعاليم و المعارف في حد ذاتها آية ، ده معنى ، و المعنى الثاني إن الناقة دي آية ، يعني إيه؟ يعني لو أذتوها أو عقرتوها هيحصل ليكم عذاب أليم .

{فَعَقَرُوهَا فَقَالَ تَمَتَّعُوا فِي دَارِكُمْ ثَلَاثَةَ أَيَّامٍ ذَلِكَ وَعَدٌ غَيْرُ مَكْذُوبٍ} :

آيه اللي حصل؟؟ مسمعوش الكلام ، (فعقروها) ، طبعاً القصة دي مكررة في القرآن ، في غير موضع ، (فعقروها) يعني قتلوها ، (فقال تمتعوا في داركم ثلاثة أيام) أمامكم ثلاثة أيام على بال ما يحصلكم عذاب أليم ، (ذلك وعد غير مكذوب) وعد أكيد .

{فَلَمَّا جَاءَ أَمْرُنَا نَجَّيْنَا صَالِحًا وَالَّذِينَ آمَنُوا مَعَهُ بِرَحْمَةٍ مِنَّا وَمِن خِزْيِ يَوْمِئِذٍ إِنَّ رَبَّكَ هُوَ الْقَوِيُّ الْعَزِيزُ} :

يعني ربنا أمرهم ينتقلوا إلى مكان آخر غير مرايض القبيلة دي ، قبيلة ثمود ، هو و المؤمنين اللي معه ، (إن ربك هو القوي العزيز) ربنا هيظهر القوة و العزة بقى دلوقتي .

{وَأَخَذَ الَّذِينَ ظَلَمُوا الصَّيْحَةَ فَأَصْبَحُوا فِي دِيَارِهِمْ جَاثِمِينَ} :

(و أخذ الذين ظلموا الصيحة) وباء إنتشر ما بينهم في ثمود ، صيحة زي الصيحة المدممة بتاعت كورونا دلوقتي الموجودة في العالم ، (فأصبحوا في ديارهم جاثمين) قاعدين في ديارهم جثامين تعبانة لغاية ما فتك بها الوباء ، جاثمين أي الجثمان بتاعهم مش قادر يتحرك في البيوت من التعب لغاية ما الوباء فتك بيهم .

{كَأَن لَّمْ يَغْنَوْا فِيهَا أَلَا إِنَّ ثَمُودَ كَفَرُوا رَبَّهُمْ أَلَا بُعْدًا لِّثَمُودَ} :

(كأن لم يغنوا فيها) كأنهم عمرهم ما تحركوا في البلدان أو الأماكن اللي هم عايشين فيها ، (ألا إن ثمود كفروا ربهم) غطوا وحي الله عنهم ، يعني دسوا على أنفسهم ، غطوا رأسهم في التراب ، ده معنى (كفروا ربهم) ، (ألا بعداً لثمود) يعني لعنة على ثمود إلى قيام الساعة ، في برزخهم و في سيرتهم في الدنيا طبعاً ، تتبعهم اللعنة و العار و الخزي .

{وَلَقَدْ جَاءَتْ رُسُلُنَا إِبْرَاهِيمَ بِالْبُشْرَى قَالُوا سَلَامًا قَالَ سَلَامٌ فَمَا لَبِثَ أَنْ جَاءَ بِعِجْلٍ حَنِيزٍ} :

(و لقد جاءت رسلنا إبراهيم بالبشرى) ملائكة تمثلوا على هيئة بشرية و راحوا زاروا إبراهيم ، زاروه فبين ، في منطقة الشام ، (قالوا سلاماً) سَلِمُوا عليه ، (قال سلام) رد عليهم السلام ، (فما لبث أن جاء بعجل حنيذ) عجل حنيذ اللي هو تكرمة ، إكرام للضيف يعني ، عجل كده مشوي و قدمه لهم عشان ياكلوا ، لأنه افكرهم عابري سبيل أو ضيوف كانوا جايبين يزوروه كده و هيمشوا يعني ، طبعاً الملائكة مابتكولش .

{فَلَمَّا رَأَى أَيْدِيَهُمْ لَا تَصِلُ إِلَيْهِ نَكِرَهُمْ وَأَوْجَسَ مِنْهُمْ خِيفَةً قَالُوا لَا تَخَفْ إِنَّا أُرْسِلْنَا إِلَى قَوْمٍ لُوطٍ} :

(فلما رأى أيديهم لا تصل إليه نكرهم و أوجس منهم خيفة) لما شافهم مبياكلوش من الطعام اللي قدم لهم ، افكر إن هم أعداء أو يُريدو به الشر فبالتالي مكلوش من أكله ، مقبلوش التحية بتاعته يعني و الضيافة بتاعه يعني ، (نكرهم) اللي هو إيه ، استغرب من فعلهم ، (و أوجس منهم خيفة) أخفى خوفه من فعلهم و أصبح متوجس منهم خيفة . أوجس أ الهمزة اعماق و الواو دوي دائري منتظم جس أي بخفية بدأ يتحسس اسباب الوجل و الخوف و يجس نبضهم و يترقبهم يعني استشعار من الاعماق بدوي دائري منتظم هذا هو معنى أوجس . ، (قالوا لا تخف) الملائكة قالوا له لا تخف ، (إننا أرسلنا إلى قوم لوط) إحنا معديين عليك هنقولك بشرى و بعد كده رايحين لقوم لوط سننزل بهم عذاب أليم .

{وَأَمْرَ أَتَتْهُ قَائِمَةٌ فَضَحَكَتْ فَبَشَّرْنَاهَا بِإِسْحَاقَ وَمِنْ وَرَاءِ إِسْحَاقَ يَعْقُوبَ} :

(وامرأته قائمة) مراته واقفة بتسمع الحوار يعني ، (ضحكت) مباشرة كده وقع عليها دم الحيض ، نزل عليها دم الحيض ، ضحكت ، و بعد كده الملائكة قالوا إيه (فبشرناها بإسحاق) يعني هيجيلك ولد اسمه إسحاق ، (و من وراء إسحاق يعقوب) و بعد كده ابن إسحاق هيبقى اسمه يعقوب ، فيعتبر الحفيد ابن برضو ، البشرى هنا مش مجرد طفل أتى ، لا هو طفل آه بس طفل نبي ، طفل مقدس ، طفل ربنا هيقدر فمه ، و هيقدر أعماله و كلامه ، و هيعطيه العصمة في القول و العمل ، هنا كانت بداية قصة إبراهيم و عرفنا إن هو إيه ، الملائكة بشروه بإسحاق و من وراءه يعقوب ، و عرفنا أن امرأته مباشرة نزل عليها دم الحيض ، طبعاً القرآن ذكر هذا الأمر لأن امرأة إبراهيم كانت عجوزة ، و العجوزة بيكون إنقطع عليها دم الحيض ، فجأة كده بعد سنين ، قول مثلاً بعد ٣٠ سنة من قطع الحيض مثلاً نزل ، ف ده أمر مخالف للطبيعة البشرية ، فربنا خرق الطبيعة دي عشان يؤدي معجزة ، هنعرف الكلام ده في الوجه القادم بأمر الله تعالى .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسلان باستخراج أمثلة على أحكام طلبها منهم من هذا الوجه :

طلب من مروان مثال على إظهار حقيقي :
{بِعَجَلٍ حَنِيدٍ} .

و طلب من ربيعة مثال على إقلاب ، فقالت :
لا يوجد إقلاب .

و طلب من أرسلان مثال على إظهار حقيقي ، فقال :
{وَمِنْ خِزْيٍ يُؤْمِنُ إِنَّ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربّي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . 🌱💙

درس القرآن و تفسير الوجه العاشر من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه العاشر من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه العاشر من أوجه سورة هود ، و نبدأ بأحكام التلاوة و أحمد :

من أحكام النون الساكنة و التنوين :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل ، ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و بعد أحمد قال الأحكام مروان ثم رفيدة ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الناس ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الوجه ده بيكمل بعض من قصة إبراهيم أو حدث من أحداث حياة إبراهيم -عليه السلام- مع امرأته ، لما أن جاءت الملائكة متمثلة على وجه أو شكل بني آدم ، لأن الملائكة تتمثل في أشكال كثيرة ، تتمثل على أشكال بشر ، أطفال و نساء و رجال ، و ممكن تتمثل على أشكال طيور ، يعني لها أمثال كثيرة ، الله سبحانه و تعالى يخلقها في الكشوف ، من تلك الكشوف ما تكون أثناء النوم ، و منها ما تكون أثناء اليقظة ، طبعاً الكشف هنا كان له و لمراته ، و سارة -عليها السلام- كانت واقفة بتسمع كلام الضيوف اللي كانوا بيتكلموا مع إبراهيم -عليه السلام- ، دليل مفيش حاجة في الإسلام ، مفيش حاجة أو في حكم في الإسلام بيقولك منع الاختلاط أو منع جلوس النساء مع الرجال ، الشيء الوحيد المحرم هو إيه ، الخلوة المحرمة فقط ، بين رجل و امرأة ليسا جلاً لبعض ، يبقى دلوقتي كانت إيه ، سارة واقفة عادي بتسمع الأحداث ، و سمعت البشرى بتاعت الملائكة اللي ربنا بعثها لإبراهيم -عليه السلام- ، إنه هو على الكبر من السن ده ، السن الكبير ده هيخلف ، هيجيله ابن يعني ، و مش أي ابن ، ابن هيكون نبي في المستقبل ، و الإبن ده هيخلف ابن برضو يعقوب ، يعني إسحاق يخلف يعقوب ، فيكون برضو نبي ، و يعقوب ده هيكون في منه أسباط كثيرة جداً اللي هم بني إسرائيل ، و هي ((سارة)) واقفة ، إحنا عرفنا المرة اللي فاتت إن ربنا سبحانه و تعالى جعلها إيه ، ترجع مرة أخرى لطبيعتها الأنثوية التي يكون نتيجتها إيه ، الحمل و التولد ، الحمل و الولادة ، هتكون آية ، عشان تكون آية من آيات الله عز و جل .

{قَالَتْ يَا وَيْلَتَى أَأَلِدُ وَأَنَا عَجُوزٌ وَهَذَا بَعْلِي شَيْخًا إِنَّ هَذَا لَشَيْءٌ عَجِيبٌ} :

(قالت يا ويلتى ألد و أنا عجوز) و في طبعاً آية تانية بتقول إيه (فصكت وجهها و قالت عجوز عقيم) ، هنا إيه ، (قالت يا ويلتى) يعني معقولة! من باب الإستغراب ، يا ويلتى من باب الإستغراب ، تعجب ، (ألد و أنا عجوز) هي مثلاً كانت عدت التمانين و إبراهيم عدا التسعين مثلاً ، (و هذا بعلي شيخا) بعلي يعني زوجي و البعل هو الذي يعلو المرأة و تحتاج الى علوه عليها . ب احتياج عل على فوق المرأة . ، شيخاً يعني رجل كبير في السن ، (إن هذا لشيء عجيب) شيء عجيب ، مخالف للفطرة البشرية أو لما تعودوا عليه يعني ، لكن الله سبحانه و تعالى خرق هذه السنة أو خرق هذه الطبيعة البشرية لكي يُبرز آية لإبراهيم -عليه السلام- . فخرق الله عادته لمن خرق له عادته .

{قَالُوا أَتَعْجَبِينَ مِنْ أَمْرِ اللَّهِ رَحْمَتُ اللَّهِ وَبَرَكَاتُهُ عَلَيْكُمْ أَهْلَ الْبَيْتِ إِنَّهُ حَمِيدٌ مَجِيدٌ} :

(قالوا أتعجبين من أمر الله) هؤلاء الرسل هنا بقى ، أي الملائكة ، (رحمت الله و بركاته عليكم أهل البيت) ربنا بياركم و بياركم أهل بيت النبوة ، و كل أهل بيت نبي ، ربنا بياركم و يحط/يضع النور في أفواههم و أعمالهم ، (إنه حميد مجيد) تحمدوا ربنا و هتشوفوا مجده ، إذا الحمد لله عز و جل لأنه مجيد ، سيُري مجده في هذه الآية .

{فَلَمَّا ذَهَبَ عَنْ إِبْرَاهِيمَ الرَّوْعُ وَجَاءَتْهُ الْبُشْرَى يُجَادِلُنَا فِي قَوْمِ لُوطِ} :

(فلما ذهب عن إبراهيم الروع) لما خلاص إيه ، هدي من الخوف ، لأنه هو كان خايف من الملائكة لأنهم مكنوش أكلوا من العجل الحنيذ ، العجل المشوي اللي قدمه إبراهيم لهم ، فخاف ليكونوا إيه ، أهل شر يعني ، (فلما ذهب عن إبراهيم الروع) يعني خلاص معدش خايف و هدي يعني و إطمأنت نفسه ، و بعد كده إيه (و جاءته البشري) الملائكة بشرته بالآية العظيمة ، (يجادلنا في قوم لوط) لأن الملائكة كانت عندهم مهمتين : مهمة بُشري لإبراهيم ، و مهمة عذاب لقوم لوط المسيئين المجرمين ، و بعد كده إبراهيم بقى إيه (يجادلنا في قوم لوط) يعني يقول لهم : لو العذاب يستنى ، طيب مش ممكن نراجع ربنا في العذاب اللي ممكن يحل على قوم لوط ، فهنا دليل على شفقة النبي على قومه ، و أنه دائماً بيحب لهم الهداية ، إنهم دائماً ياخدوا فرصة ثانية .

{إِنَّ إِبْرَاهِيمَ لَحَلِيمٌ أَوَّاهٌ مُنِيبٌ} :

ربنا بيصف إبراهيم -عليه السلام- هنا و بيقول عليه (حليم) يعني شديد الصبر ، الحلم هو شدة الصبر ، (أواه) يعني بيكتم الألم ، متأوه ، آواه يكتم الألم و يصبر عليه ، الصبر ، صبور جداً ، آواه يعني يتعايش مع الآلام ، و هكذا كل الأنبياء ، (منيب) يرجع إلى الله عز و جل في كل شيء ، حتى لو تأذى ، حتى لو شعر ببعض اليأس في بعض الأوقات يرجع إلى الله ، فيُنِيب إليه سبحانه و تعالى ، إذاً (منيب) أي يرجع إلى الله عز و جل بخشية و تقوى و خشوع .

{يَا إِبْرَاهِيمُ أَعْرِضْ عَنْ هَذَا إِنَّهُ قَدْ جَاءَ أَمْرُ رَبِّكَ وَإِنَّهُمْ آتِيهِمْ عَذَابٌ غَيْرُ مَرْدُودٍ} :

و بعد كده الملائكة بتقوله إيه (يا إبراهيم أعرض عن هذا) خلاص ، (أعرض عن هذا) يعني متكلمش في الموضوع ده ثاني ، موضوع مقضي ، (إنه قد جاء أمر ربك) يعني دي ساعة الصفر جت /أتت ، و ربنا مش هيرجع في كلامه لأن ده أصبح

قدر مُبرم و سِيرسم لا محالة في ساحة القضاء ، (و إنهم آتيهم عذاب غير مردود) قوم لوط هيجيلهم العذاب و لن يُرد عنهم لأنهم أوغلوا في الإساءة و الفجر .

{وَلَمَّا جَاءَتْ رُسُلُنَا لُوطًا سِيءَ بِهِمْ وَضَاقَ بِهِمْ ذَرْعًا وَقَالَ هَذَا يَوْمٌ عَصِيبٌ} :

(و لما جاءت رسلنا لوطاً) زاروا برضو لوط في بيته متمثلين على هيئة بشر ، لوط - عليه السلام- نبي ، طبعاً إبراهيم كان في منطقة فلسطين ، و لوط كان موجود في منطقة غور الأردن ، يعني هي برضو فلسطين ، صحراء فلسطين ، الأردن هي صحراء فلسطين ، الضفة الشرقية ، و إبراهيم -عليه السلام- كان فين؟ في الضفة ، الغربية ، عادي يعني منطقة واحدة قريبة من بعضها البعض ، راحوا بقي إيه ، للوط -عليه السلام- في بيته عشان يكلموه عن الموضوع اللي هيحصل بقي ، العذاب اللي هيحصل ، و هيقولوله التدابير اللازمة اللي لازم ياخذها بقي ، هو و المؤمنون اللي معه ، (و لما جاءت رسلنا لوطاً) أول حاجة إيه ، خاف على الرسل ، خاف على البشر هؤلاء (سيء بهم) اللي هم متمثلين ، ليه بقي؟ (و ضاق بهم ذرعاً و قال هذا يوم عصيب) حاجتين : أول حاجة خاف من العذاب يعني ، أي نبي بيحب الهداية لقومه ، ثاني حاجة خاف على الرسل المتمثلين لأحسن قوم لوط اللي هو قومه إيه ، يؤذوهم ، يتحرشوا بيهم يعني ، لأن المجرمين قوم لوط كانوا يتحرشوا بالرجال ، يشتهي الرجال الرجال ، حاجة مقرفة يعني ، و خلاف الطبيعة و خلاف الفطرة .

{وَجَاءَهُ قَوْمُهُ يُهَرَّعُونَ إِلَيْهِ وَمِنْ قَبْلُ كَانُوا يَعْمَلُونَ السَّيِّئَاتِ قَالَ يَا قَوْمِ هَؤُلَاءِ بَنَاتِي هُنَّ أَطْهَرُ لَكُمْ فَاتَّقُوا اللَّهَ وَلَا تُخْزُونِ فِي ضَيْفِي أَلَيْسَ مِنْكُمْ رَجُلٌ رَشِيدٌ} :

(و جاءه قومه يهرعون إليه) قوم لوط المسيئين جاءوا بسرعة لبيت لوط لما شافوا الضيوف بتوع لوط أتوا إليه ، (و من قبل كانوا يعملون السيئات) على طول كده ، في السنين اللي فاتت هم أصلاً مداومين على هذا الشذوذ ، و العياذ بالله ، السيئات هنا إيه؟ الأعمال الشاذة ، اللي هو إيه؟ إلتقاء الرجل بالرجل ، و العياذ بالله ، (قال يا قوم هؤلاء بناتي هن أطهر لكم) النبي يقول لهم الفطرة السليمة ، (بناتي) اللي هم إيه ، بنات القرية ، بنات القبيلة بتاعتنا ، إنتو تجوزوا ، الراجل يتجوز ست ، بنت ، و العلاقة دي بتبقى العلاقة الطاهرة ، أطهر علاقة ، علاقة الرجل بالمرأة ، (فاتقوا الله) يعني اعملوا حساب لربنا ، و اجعلوا بينكم و بين عذاب الله وقاية ، (و لا تخزون في ضيفي) يعني لا تسيؤوا لضيوفي و تجلبوا لي العار و الخزي بفعلكم الشائن ذاك ، (أليس منكم رجل رشيد) حكموا عقولكم كده ، فين الرشد؟ فين الحكمة؟ .

{قَالُوا لَقَدْ عَلِمْتَ مَا لَنَا فِي بَنَاتِكَ مِنْ حَقٍّ وَإِنَّكَ لَتَعْلَمُ مَا نُرِيدُ} :

(قالوا لقد علمت ما لنا في بناتك من حق) يعني إنت عارف إن إحنا مبنحبش الستات أو البنات ، (و إنك لتعلم ما نريد) إنت عارف إن إحنا إيه ، عياداً بالله ، نخالف الفطرة و العياد بالله .

{قَالَ لَوْ أَنَّ لِي بِكُمْ قُوَّةً أَوْ آوِي إِلَى رُكْنٍ شَدِيدٍ} :

هنا النبي بقي ، يئس منهم أو أنه تعب ، دخل حالة إضطراب في الدعاء ، و دعى عليهم بقوة و بحرارة شديدة (قال لو أن لي بكم قوة) لو أنا أقدر عليكم بقوة مادية ، كنت رديتكم دلوقتي و علمتكم الأدب ، (أو آوي إلى ركن شديد) لو حد ينصرني ، هو يقصد مين؟ الله و الملائكة ، اللي بعثهم الله سبحانه و تعالى .

{قَالُوا يَا لُوطُ إِنَّا رُسُلُ رَبِّكَ لَن يَصِلُوا إِلَيْكَ فَأَسْرِ بِأَهْلِكَ بِقُطْعٍ مِنَ اللَّيْلِ وَلَا يَلْتَفِتْ مِنْكُمْ أَحَدٌ إِلَّا أَمْرَاتُكَ إِنَّهُ مُصِيبُهَا مَا أَصَابَهُمْ إِنَّ مَوْعِدَهُمُ الصُّبْحُ أَلَيْسَ الصُّبْحُ بِقَرِيبٍ} :

(قالوا يا لوط إننا رسل ربك لن يصلوا إليك) يا لوط ، يا نبي الله لوط ، إحنا ملايكة ، رسل من ربنا ، (لن يصلوا إليك) مش هيقدرُوا يؤذوك و لا يؤذونا يعني ، (فأسر بأهلك بقطع من الليل) في الليل ، توكل على الله و سافر من القرية دي ، (فأسر) يعني تحرك سراً كده و بالراحة ، بشكل خفيف يعني ، (و لا يلتفت منكم أحد) محدش يرجع و لا يتردد في قرار السفر ، مين اللي هيتردد بس و يفضل قاعد و يلبث في القرية؟؟ (إلا امرأتك) الخاينة المجرمة ، ليه؟ لأن امرأة لوط و امرأة صالح كانتا خائنتان لنبي الله أو لأنبياء الله ، أي في الإيمان ، (إنه مصيبها ما أصابهم) هننزل بها العذاب الأليم ، (إن موعدهم الصبح) مع الإسفار و الصبح ، (أليس الصبح بقريب) بيعزي هنا لوط و بيقوله متخفش ، الصبح قريب ، هنعرف إن شاء الله في الوجه الجاي هحصل إيه في قوم لوط .

○ أثناء تصحيح نبي الله الحبيب يوسف الثاني لتلاوتنا ، قال لنا :

(فأسر) الإسراء دائماً إيه ، السفر اللطيف الخفيف اللي محدش بيشعر به ، زي الرؤى العظيمة و الكشف ، حد غير اللي هو تعرض للكشف و للرؤيا دي الطويلة ، يعرف بالسفر الطويل ده أو بالسفر اللطيف الخفيف ده ، محدش ، لذلك سميت حادثة الإسراء بالإسراء ، إسراء لأنها فعلاً كانت رؤيا ، مكنتش على الواقع لكنها حقيقية ، أمر حقيقي يعني ، بس مكنش على الواقع ، الأمر الواقع أو المادي ، كذلك (فأسر بأهلك)

سافر سفر لطيف خفيف محدش ياخذ باله ، يعني تسحبوا بالليل إنت و المؤمنين و اطلعوا برا القرية دي ، تمام كده؟ هو ده معنى الإسراء .

و أحكام التجويد لما نيجي نحققها في التلاوة بتبقى عاملة كده زي إيه ، بنتلذذ كده بطعام لذيذ ، فناكله بالراحة عشان نشعر بأكبر قدر من لذته ، ناكل على مهل كده و بالراحة ، كأنك إيه ، بتعزف سيمفونية ، الأحكام دي لازم تحققها كده كأنك بتعزف سيمفونية عظيمة ، تمام كده؟ لأنها هي دي الموسيقى الروحية ، حاجة كده بتتتشك ، فتحقق الأحكام و إيه ، بالراحة محدش بيجري وراك ، تحققها بالراحة ، بتعطيك بقى إيه ، توافق عصبي ذهني عضلي ، لأن اللسان ده عضلة ، و عضلات الحنجرة دي عضلات ، و عضلات القفص الصدري دي عضلات ، و القشرة المخية بتتناسب مع حركات العضلات دي ، فيحصل فيه توافق عصبي عضلي ، فيبقى عندك قوة في الشخصية و قوة في رد فعلك ، تحكم في أعصابك و أفعالك و أقوالك ، في نفس الوقت تلذذ بهذه النعمة الروحية العظيمة ، هذه الموسيقى الروحية ، ربنا عمل الأحكام دي و نزلها كده عشان نتنعم روحياً ، اللي بيوصل للمرحلة دي هتلاقيه بيقرا القرآن بالأحكام كده بكل نعومة و كل سهولة ، و يكون مبسوط جداً و هو بيقرا ، و الأمر محتاج خشوع و خشية و تدريب ، لأنه مش إنتو بس ، مش إنتو بس كان الأحكام صعبة عليكم ، حتى كثير من الصحابة ، كانت الأحكام صعبة عليهم بأن هم يحققوها ، تمام كده ، فإحنا بنحاول نحقق الأحكام عشان نتمتع ، تمتع روعي ، و نحقق هذه الموسيقى الروحية العظيمة ، لأنك تلاقي الكون كله بيتناغم معك و إنت بتقرأ هذه التلاوة المجودة ، بتلاقي الملاك حاط بوقه/فمه على بوقك/فمك من كثرة الإستمتاع ، طبعاً ده إيه ، وصف مجازي عظيم ، زي ما ربنا بيحط فيه على فم النبي ، و أثناء القراءة و التلاوة العظيمة دي ، تلاقي الملاك أو الملائكة ، الملاك كده حاط بوقه على بوقك من كثرة العظمة يعني ، طبعاً ده وصف مجازي يعني ، فاهم إزاي ، بياخذ اللذة ، بياخذها جواه/داخله هو ، اللي إنت بتتمتع بها دي ، هو الملاك بيحس بك ، ماشي .

طبعاً أنا مش في كل الأوقات برد عليكو كل الأحكام بالتمام و الكمال يعني ، بسبيكم كده إيه ، لضمائركم و أنفسكم ، و عشان إيه ، ما أضيقش عليكم كل مرة ، بس أنا لازم كل وقت أفكركم بتحقيق الأحكام بشكل كامل ، ماشي ، عشان اللي يسمع القراءة في جلسات كثير ، هيلاقيني مبردش كل الأخطاء في الأحكام ، ساعات آه و ساعات لا ، تمام ، ماشي ، خلاص؟ ، لأن في حديث عن الرسول ﷺ : "إن الذي يقرأ القرآن و هو شاق عليه(و في رواية أخرى : و هو يتتعتع فيه) فله أجران ." ، فتخيل بقى إيه ، اللي يقرأ القرآن بلذة و خشوع هيكون إيه؟؟ مع السفرة الكرام البررة ، هتخطى به إحتفالات الملائكة ، الملائكة بتحب تصاحبه ، يحبوا يكونوا أصدقاءه ، و قاعدين معاه دائماً و بإستمرار ، و يبجوا كده يعملوا حفلات حوليه ، يعني يحفلوا حوليه ، يبجوا كده يجتمعوا حوله ، حتى و هو لم يشعر ، إن لم يشعر في مرة ، سيشعر في مرات أخرى ، تلاقيهم جايبين كده الملائكة بيحاولوا بتعرفوا عليه و يصاحبوه ، اللي بيقرا القرآن بخشوع و تلذذ و بالأحكام ، و بيحقق السيمفونية اللي هي الموسيقى الروحية ، يتمتع كده ، لو هو بقى كان متمتع في القراءة كده ، هتلاقي الملائكة بيقتربوا منه و بيحاولوا يتعرفوا عليه عشان يبقوا أصحابه .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسلان باستخراج أمثلة على أحكام طلبها منهم من هذا الوجه :



طلب من مروان مثال على إدغام حقيقي ، فقال :
{عَجُوزٌ وَهَذَا} .

و طلب من ربيعة مثال على إخفاء حقيقي ، فقالت :
{لُوطًا سِيءٌ} .

و طلب من أرسلان مثال على إظهار حقيقي ، فقال :
{الْحَلِيمِ أَوَّاهٌ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربّي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الحادي عشر من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الميم الساكنة , ثم قام بقراءة الوجه الحادي عشر من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الحادي عشر من أوجه سورة هود ، و نبداً بأحكام التلاوة و أحمد :

أحكام الميم الساكنة :

إدغام متماثلين صغير و هو إذا أتى بعد الميم الساكنة ميم أخرى فتدغم الميم الأولى في الثانية و تنطق ميماً واحدة .

و الإخفاء الشفوي و هو إذا أتى بعد الميم الساكنة حرف الباء و الحُكم يقع على الميم أي الاخفاء يكون على الميم .

و الإظهار الشفوي و هو إذا أتى بعد الميم الساكنة جميع الحروف إلا الميم و الباء ، و الإظهار طبعاً سكون على الميم نفسها يعني الحُكم يقع على الميم .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة قریش ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

ربنا سبحانه و تعالى إبتدا الوجه ده بالنهاية المحتومة لقوم لوط الشذاذ ، شذاذ الآفاق المجرمين الخبثاء ، أتباع الشيطان الذين يخالفون الفطرة التي فطر الله الناس عليها .

{فَلَمَّا جَاءَ أَمْرُنَا جَعَلْنَا عَالِيَهَا سَافِلَهَا وَأَمْطَرْنَا عَلَيْهَا حِجَارَةً مِّن سِجِّيلٍ مَّنْضُودٍ} :

(فلما جاء أمرنا) أي أمرنا و ساعة الصفر و فوران التنور بعذاب قوم لوط أولئك الشذاذ ، (جعلنا عاليها سافلها) القرية التي كانوا فيها قوم لوط ، التي بيفعلوا الفعل الشاذ المحرم ، الذي يُسخط الله ، و هو أن يُحب الرجل الرجل ، و هو أمر مُحرم في كل الشرائع ، (جعلنا عاليها سافلها) يعني خسفنا بهم الأرض و قلبناها فوقها تحتها ، (و أمطرنا عليها حجارة من سجيل منضود) حجارة سماوية نزلت عليهم ، (من سجيل) أي مسجلة عند الله ، (سجيل) مسجلة ، مكتوبة ، مُبرمة ، ها هي ترسم في ساحة القضاء . سجيل مسجلة في سجل إيل ، سجل الله .

{مُسَوَّمَةٌ عِنْدَ رَبِّكَ وَمَا هِيَ مِنَ الظَّالِمِينَ بِبَعِيدٍ} :

(مسومة) يعني مجهزة بالألم و العذاب و اللعنة ، مسومة أي مسماة عند ربك ، (و ما هي من الظالمين ببعيد) تهديد ، تهديد لكل من نحى نحوهم و اتخذ سبيلهم طريقاً .

{وَإِلَى مَدْيَنَ أَخَاهُمْ شُعَيْبًا قَالَ يَا قَوْمِ اعْبُدُوا اللَّهَ مَا لَكُم مِّنْ إِلَهِ غَيْرُهُ وَلَا تَنقُصُوا الْمِكْيَالَ وَالْمِيزَانَ إِنِّي أَرَاكُمْ بِخَيْرٍ وَإِنِّي أَخَافُ عَلَيْكُمْ عَذَابَ يَوْمٍ مُحِيطٍ} :

(و إلى مدين أخاهم شعيباً) مدين قوم من أقوام العرب قديماً ، شعيب هو إسم نبيهم ، (قال يا قوم اعبدوا الله ما لكم من إله غيره) هنا التوحيد ، دعاهم إلى التوحيد و نبذ الشرك ، دعوة كل الأنبياء ، (و لا تنقصوا المكيال و الميزان) فتنة قوم شعيب بقي إيه؟ غير فتنة قوم لوط ، فتنة قوم شعيب الغش ، هم كانوا دائماً بيغشوا في المكيال و الميزان ، المكيال هو الإناء الذي يبيعوا/يملؤا به البضاعة أو الحبوب مثلاً الذي يبيعوها ، و الميزان معروف الذي يوزنوا به ، كذلك المكيال ممكن يطلق على الثقل الذي بيوضع في الميزان في الجهة الثانية ، و هم كانوا بيغشوا في الموازين و المكايل ، بيغشوا في التجارة يعني ، (إني أراكم بخير) يعني أنا شايفكم كده في نعمة و خير ، متخلوش اللعنة تيجي عليكم بسبب ذنبكم ده ، (و إني أخاف عليكم عذاب يوم محيط) يقصد به عذابين أو يومين ، عذاب محيط في الدنيا ، و كذلك عذاب يوم محيط أي يوم القيامة .

{وَيَا قَوْمِ أَوْفُوا الْمِكْيَالَ وَالْمِيزَانَ بِالْقِسْطِ وَلَا تَبْخَسُوا النَّاسَ أَشْيَاءَهُمْ وَلَا تَعْثَوْا فِي الْأَرْضِ مُفْسِدِينَ} :

(و يا قوم أوفوا المكيال و الميزان بالقسط) يعني يا قومي أنا أنصحكم أن يكون مكيالكم و ميزانكم وافي و عادل ، فيه العدل و فيه الإنصاف ، و القسط هو العدل ، و أخذنا الكلمة دي قبل كده ، أخذنا قسط ، و أخذنا قسطاس ، و أخذنا مقسط ، و أخذنا قاسط ، خلاص كده؟ قبل كده أخذناهم ، اللي عاوز يرجع ، يرجع لها في المدونة ، (و لا تبخسوا الناس أشياءهم) برضو جزء ثاني من موضوع العبت في التجارة و العبت في البيع و الشراء ، (و لا تبخسوا الناس أشياءهم) يعني لما تيجي تشتري حاجة من حد متبخسهاش ، يعني هي مثلاً قيمة السوق تقدرها مثلاً ١٠٠ جنيه ، متجيش تقوله هاخذها منك بعشرة جنيه أو ٢٠ جنيه ، حرام ، صح كده ، ده إسمه البخس ، و البخس هو من الخسة في التعامل ، بخس ، تجد نفسه دائماً تتوق و تحتاج للخسة ، عياداً بالله ، بخس : باء إحتياج ، الخاء و السين هي الخسة ، عياداً بالله ، إذا إيه (و لا تبخسوا) أي إيه؟ هي صفة خسيصة ، (و لا تعثوا في الأرض مفسدين) أي لا تسيروا يميناً و شمالاً مفسدين في الأرض ، (و لا تعثوا) لا تنشروا العي و صوت الأفاعي ، عث : العين أي العي و الإرهاق في التعامل ، و الثاء صوت الأفعى ، كذلك العثة او العث هو اهتراء الملابس الصوف مع الزمان و هو عقاب من الله للذي لحقه العث ، كما أنني هو ذا عقاب من الله للمحرفين لكلام المهدي المسيح الموعود . بعثي هو هلاكهم . بعثي هو عث لبنائهم الكاذب المرائي . فبعثي هو عث لكبرهم و نسيجهم الكاذب المستتر كذبا بمظاهر التصوف . ألم تر أنا نأتي الأرض ننقصها من أطرافها ؟!!!،

نرجع لقصة شعيب . بتلاقي الإنسان اللي مش كويس بالتعامل في التجارة مُتعِب ، مش الرسول ﷺ قال : "رحم الله امرؤاً سمحاً إذا باع ، سمحاً إذا اشترى" فالوصية دي هي جُملة الوصية لمين؟ لقوم شعيب ، كلمة واحدة ، جملة واحدة "رحم الله امرؤاً سمحاً إذا باع ، سمحاً إذا اشترى" ، فهنا شعيب بيقولهم (و لا تعثوا في الأرض مفسدين) يعني لا تنشروا في الأرض العي و الإرهاق ، خليكم كده بسيطين عادلين ، و الثاء هي صوت الأفاعي أي لا تنشروا صوت الأفعى و سلوك الشيطان في الآفاق ، (و لا تعثوا في الأرض مفسدين) أي لا تكونوا من المفسدين .

{بَقِيَّةُ اللَّهِ خَيْرٌ لَّكُمْ إِن كُنتُمْ مُؤْمِنِينَ وَمَا أَنَا عَلَيْكُمْ بِحَفِيظٍ} :

(بقية الله) هي الأعمال الصالحة التي تبقى و تتمثل في يوم القيامة ، فهي دي الباقية ، (بقية الله خير لكم) خير لكم من الغش بتاعكم ده ، (إن كنتم مؤمنين) لو أنتم مؤمنين أنه في إله واحد حقيقي في هذا الكون ، (و ما أنا عليكم بحفيظ) يعني أنا مش هجبركم على كلامي ده ، لأنه مفيش نبي يجبر قومه على الإيمان و الصراط المستقيم ، كذلك

(و ما أنا عليكم بحفيظ) يعني أنا لا أضمن لكم نهاية سعيدة أو خاتمة سعيدة ، و لا أضمن لكم الجنة لأنني أنا مش شفيع و مقدرش أشفعلكم ، لأنني أنا مش محمد النبي خاتم الأنبياء و المرسلين ، النبي محمد ﷺ هو الوحيد اللي بيبدأ أو يُسمح له بالشفاعة يوم القيامة ، بشكل عام ، حتى أنه يشفع للأنبياء ، يشفع للأنبياء ، و الأنبياء يلوذون به و يترجون به بأن يدعو الله عز و جل فيشفع .

{قَالُوا يَا شُعَيْبُ أَصَلَاتُكَ تَأْمُرُكَ أَنْ نَتْرُكَ مَا يَعْْبُدُ آبَاؤُنَا أَوْ أَنْ نَفْعَلَ فِي أَمْوَالِنَا مَا نَشَاءُ إِنَّكَ لَأَنْتَ الْحَلِيمُ الرَّشِيدُ} :

(قالوا يا شعيب أصلاتك تأمرك أن نترك ما يعبد آبائنا أو نفعل في أموالنا ما نشاء) يعني يا شعيب ، الصلوات اللي بتجيلك دي و الإتصالات بالآله اللي بتقول عليه ده ، بتأمرك إن إحنا لا نسير على درب آبائنا في الغش يعني ، و بخس الناس أشياءهم ، (أو نفعل في أموالنا ما نشاء) يعني ميكونش عندنا قوانين تحكم التصرف في أموالنا ، زي قوانين التجارة ، قوانين الزكاة ، كل دي قوانين بتحكم العلاقة بين الإنسان و أمواله و مجتمعه ، بعد كده إيه (إنك لانت الحليم الرشيد) الظاهر كده إنهم كانوا إيه ، حنينيين شوية في البداية ، لأن هكذا سلوك التجار دايماً بيبقوا عندهم سياسة في التعامل و دبلوماسية ، دايماً كده التاجر بتلاقي لسانه حلو مع الزبون ، ف هم كان أسلوبهم سياسي مع شعيب في الأول ، (إنك لانت الحليم الرشيد) بيحاولوا يُغروه بالمديح يعني ، أنت راجل حليم ، عندك صبر شديد يعني ، رشيد يعني عندك حكمة و ثري ما شيد من عقلك و من أبراج عقلك العظيمة للناس ، فهذا معنى كلمة رشيد ، رشيد : يُري ما شيد من حكمته .

{قَالَ يَا قَوْمِ أَرَأَيْتُمْ إِنْ كُنْتُ عَلَىٰ بَيِّنَةٍ مِّن رَّبِّي وَرَزَقْنِي مِنْهُ رِزْقًا حَسَنًا وَمَا أُرِيدُ أَنْ أُخَالَفَكُمْ إِلَّا مَا أَنهَاكُم عَنْهُ إِنْ أُرِيدُ إِلَّا الْإِصْلَاحَ مَا اسْتَطَعْتُ وَمَا تَوْفِيقِي إِلَّا بِاللَّهِ عَلَيْهِ تَوَكَّلْتُ وَإِلَيْهِ أُنِيبُ} :

(قال يا قوم أرايتم إن كنت على بينة من ربي) يقول لهم هنا بينات أو أدلة على صدقه ، بيجادلهم بالحسنى ، بيقول لهم إيه (قال يا قوم أرايتم إن كنت على بينة من ربي) يعني حطوا احتمال إنه أنا ممكن أكون إيه ، صادق فعلاً في كلامي و عندي بينة من الإله الحقيقي ، (و رزقني منه رزقاً حسناً) أعطاني صلوات و أعطاني وحي و كلمات و هي رزق روحاني ، أعطاني كلمات أتكئ عليها ، هذا هو معنى (و رزقني منه رزقاً حسناً) ، (و ما أريد أن أخالفكم إلى ما أنهاكم عنه إن أريد إلا الإصلاح ما استطعت و ما توفيقى إلا بالله عليه توكلت و إليه أنيب) شعيب هنا يقول لهم إيه (و ما أريد أن أخالفكم إلى ما أنهاكم عنه) يعني أنا مُصر نتيجة وصالي بالله عز و جل و إيماني به و يقيني به ، إن أنا معملش اللي إنتو بتعملوه ، (و ما أريد أن أخالفكم إلى ما أنهاكم عنه) بحاول أصلح معكم على قدر إستطاعتي ، بحاول أقوم سلوككم على قدر

إستطاعتي ، (و ما توفيقى إلا بالله) و إعتماده على الله عز و جل ، (عليه توكلت) توكل على الله و إسلام النفس لله عز و جل ، (و إليه أنيب) أرجع إليه دائماً و أتوب إليه دائماً ، فهو ملجئ و هو رجائي و هو مُتَكَي .

○ و أثناء تصحيح نبي الله الحبيب يوسف الثاني لقراءتنا ، قال لنا :

(سجيل منضود) إحنا قلنا سجيل أي مُسجلة عند الله ، سجيل سج يل ، إيل أي الله ، مُسجلة عند الله عز و جل في القدر ، (منضود) أي تأتي بخلاف النعمة ، أي تهلك النعمة ، إزاي بقى؟ حد يعرف يقول؟ كلمة منضود أصلها ناضد : ناعمة ، ضد ضد ، ضد النعمة ، منضود هنا بقى إيه ، الكلمة تشكلت ، سجيل منضود يعني قدر مُسجل عند الله يُهلك النعم التي عندكم ، و كمان عارفين إنه الضاد تشنت فظ أليم ، و الواو دوي دائري منتظم ، و النون نعمة ، و الميم مفاعلة اللذة أو الألم أو المفاعلة ، فسجيل منضود إيه؟ إسم و رمز للعذاب الذي نزل على قوم لوط ، نزل عليهم إزاي بقى؟ كسف و رياح عاتية و نزل عليهم أحجار نتيجة الأعاصير اللي نزلت عليهم دي ، و هلكوا في النهاية .

و هنا كلمة (و ما أريد) أو جملة (و ما أريد ان أخالفكم إلى ما أنهاكم عنه) حد استشف منها حاجة؟ أو استنتج منها حاجة عن شغلة شعيب؟ كان شغال إيه؟ تاجر ، أهو (و ما أريد ان أخالفكم إلى ما أنهاكم عنه) يعني أنا ملتزم بقى بالمكيال الصح و بالميزان الصح و عدم بخس الناس أشياءها ، و إنني إيه ، أراعي ربنا في الأموال و التعاملات المالية ، و هنا بدأت بنفسى أهو ، أهو شفت بقى ، النبي إيه؟ يخلص أولاً بكلمات الله و بعد كده يُخلص قومه ، أهو ، يبقى هو خاض التجربة بالأول ، (و ما أريد ان أخالفكم إلى ما أنهاكم عنه إن أريد إلا الإصلاح ما استطعت و ما توفيقى إلا بالله عليه توكلت و إليه أنيب) أنا برجع لربنا .

و أنهى الجلسة بأن طلب قمر الأنبياء يوسف الثاني ﷺ من مروان و أرسلان و رفيدة بإستخراج أمثلة على أحكام طلبها منهم من هذا الوجه :

طلب من مروان مثال على إدغام متمثلين صغير ، فقال :
{كُنْتُمْ مُؤْمِنِينَ} ، {لَكُمْ مِّنْ} .


و طلب من أرسلان مثال على إخفاء شفوي ، فقال :
{أَرَأَيْكُمْ بِخَيْرٍ} .

و طلب من رفيدة مثال على إظهار شفوي ، فقالت :

{أَخَاهُمْ شُعَيْبًا} ، {أَمْوَالِنَا} ميم ساكنة بعدها حرف الواو .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الثاني عشر من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام النون الساكنة و التنوين , ثم قام بقراءة الوجه الثاني عشر من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثاني عشر من أوجه سورة هود ، و نبداً بأحكام التلاوة و أحمد :

صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم تفخم , و إذا كان ما قبلها مكسور ترقق , و كذلك الراء تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .

الغنة : صوت يخرج من الأنف .

و بعد أحمد قال الأحكام مروان ثم رفيدة ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة النصر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هنا شعيب الحبيب -عليه السلام- يُكمل قصته ، طبعاً شعيب هو نبي مدين أو نبي من أنبياءها ، و مدين دي قبيلة كانت في شمال غرب الجزيرة العربية و سيناء ، و شمال غرب الجزيرة العربية إحنا بنسميها دلوقتي الأردن ، مدين هؤلاء القوم اللي إلتجأ إليهم موسى -عليه السلام- و تزوج ابنة واحد طيب منهم إسمه يثرون أو إنه كان إسمه شعيب على إسم النبي شعيب ، لكن مكنش هو النبي شعيب اللي هو هنا في القصة بتاعتنا ، تزوج ابنته صفورة ، لما راح سقى لها و لأختها ، و بعد كده دعتة إن والدها عاوزه يضيفه عندهم و بعد كده تزوجها .

شعيب النبي بقى ، شعيب النبي مش شعيب الصالح اللي هو يثرون ، شعيب النبي بيقول إيه؟

{وَيَا قَوْمِ لَا يَجْرِمَنَّكُمْ شِقَاقِي أَنْ يُصِيبَكُمْ مِثْلُ مَا أَصَابَ قَوْمَ نُوحٍ أَوْ قَوْمَ هُودٍ أَوْ قَوْمَ صَالِحٍ وَمَا قَوْمُ لُوطٍ مِّنْكُمْ بِبَعِيدٍ} :

هنا ، هنا شعيب قصته أتت بعد القصص دي ، القصص دي أتت بالترتيب نوح ، هود ، صالح ، لوط ، و بعد كده شعيب ، و بعد كده قصة موسى ، يبقى هو هنا بيضرب العبرة لقومه ، بيضرب العبرة لقومه ، بأنهم لا يسيروا على خطى الأمم السالفة أو الكفار السالفين لهم ، أو المكذبين للأنبياء الذين سبقوهم ، ميمشوش على نفس النهج لأنهم شافوا العاقبة المفروض يعني و التاريخ بيكتب و بيتداول الأحداث دي ، شفاهية على الأقل ، كل الأقوام اللي كذبوا الأنبياء هلكوا و أصابتهم لعنة في الدنيا قبل الآخرة ، (و يا قوم لا يجرمنكم شقائي) يعني إيه؟ يجرمنكم هنا لها معنيين : (و يا قوم لا يجرمنكم شقائي) يعني لا يستدرجنكم شقائي ، يعني لا يستدرجنكم الخلاف معي و المجادلة معي و رفض دعوتي (أن يصيبكم مثل ما أصاب قوم نوح أو قوم هود أو قوم صالح و ما قوم لوط منكم ببعيد) يعني الشقاق اللي ما بيني و بينكم على التوحيد و على العدل و على الإنصاف في الموازين و عدم بخس الناس أشياءهم و على هذه الأمور التي أتيت لكم بها ، لا يستدرجنكم أن يكون مصيركم مثل مصير هؤلاء الأقوام المكذبة للأنبياء ، كذلك (و يا قوم لا يجرمنكم شقائي) لا يجرمنكم يعني لا يكبر في صدوركم شقائي و الإختلاف معي ، يعني الموضوع ميكبرش معكم لدرجة إن إنتو إيه ، تهلكوا في النهاية ، يعني بيحذرهم ، أسلوب بياني بلاغي في التحذير من نبي من أنبياء الله عز و جل و من الرسل الذين بعثهم الله عز و جل إلى هذه الدنيا ، و بيكمل نصيحته إيه؟ (و ما قوم لوط منكم ببعيد) قوم لوط جنبكم أهو ، في غور الأردن ، و إنتو أهو في الجنوب ، في سينا و شمال غرب الجزيرة العربية ، يعني

قريبين من بعض ، أخباركم تتداول ما بينكم ، فخذوا العبرة ، هو بيقولهم خذوا العبرة .

{وَاسْتَغْفِرُوا رَبَّكُمْ ثُمَّ تُوبُوا إِلَيْهِ إِنَّ رَبِّي رَحِيمٌ وَدُودٌ} :

إذاً أصل النجاة أو أصل السعادة إليه؟ الإستغفار ، يعني نطلب المغفرة من الله عز و جل ، إستغفار ، و ألف سين تاء : معناها فعل الفعل بجهد زي إستخراج ، إستغفار ، (و استغفروا ربيكم ثم توبوا إليه) إذا الإستغفار بدايةً و ثم التوبة ، يعني الإقلاع عن الذنب ، و التعهد و العزم على عدم العودة ، و الندم على ذلك الذنب ، (إن ربي رحيم ودود) بيفكرهم بصفات ربنا القدسية ، و صفاته القدسية ، ربنا رحيم و ودود ، فيه ود ، حنين يعني .

{قَالُوا يَا شُعَيْبُ مَا نَفَقَهُ كَثِيرًا مِّمَّا تَقُولُ وَإِنَّا لَنَرَاكَ فِينَا ضَعِيفًا وَلَوْلَا رَهْطُكَ لَرَجَمْنَاكَ وَمَا أَنْتَ عَلَيْنَا بَعِزٌّ} :

قالوا و ردوا عليه إليه بقى؟ ، طبعاً إحنا قلنا إن هم كانوا دبلوماسيين في الأول ، لأنهم تجار فلسانهم حلو مع الزباين ، فايه ، كانوا بيتكلموا معه في الأول بإحترام ، كانوا بيقولوا له إيه؟ (إنك لأنت الحليم الرشيد) في الأول ، صح كده؟ ، طيب ، و هنا أمرهم بالإستغفار و التوبة و فكرهم بصفات الرب القدسية إنه رحيم و ودود ، ليه بقى؟ لأن النبي اللي ببيجي و قومه يتكبروا عليه أو يُهينوه أو ميؤمنوش به أو يحسنوش الظن به ، النبي ده بيبقى بالنسبة للمجموعة دي عبارة عن إيه؟ هلاك ، بيهلكهم ، بيخربها عليهم ، ببقى بالنسبة لهم عبارة عن عث ، زي العثة كده ، العثة اللي بتاكل الصوف ، صح كده؟ زي العثة ، العث ، تاكل الصوف و تهريه و تُهلكه ، هو النبي كده لما يتم تكذيبه ، بيدمر الجماعة اللي بُعث لها ، تدمير خفي بفعل العسكر الروحاني ، حرب خفية روحية ، تمام؟ ، أهو (و يا قوم لا يجرمنكم شقاقى أن يصيبكم مثل ما أصاب قوم نوح) يعني معاداتي و عدم حسن الظن بي و تكذبي ، بل و كمان الإعراض و التولي عني ، هو عبارة بمثابة إيه ، هلاك لكم مع الزمان ، النبي ده بيبقى عبارة عن إيه ، زي العثة ، يهلكهم دون أن يشعروا ، فالسبيل القويم لهم إيه؟ الإستغفار و التوبة ، (قالوا يا شعيب ما نفقه كثيراً مما تقول) يعني إحنا مش فاهمين كثير من ما تقوله ، يعني بيستهبلوا ، بيستعبطوا ، عاملين نفسهم مش فاهمين ، مش عاوزين يفهموا ، هو ده معنى الكلام ، معنى السياق هنا ، (و إننا لنراك فينا ضعيفاً) بيهددوه ، بيقولوا إنت ضعيف و إحنا أقويا ، بيهددوه يمكن يرجع أو يسكت على الأقل ، و بيهددوه تاني و بيقولوا له إيه؟ (و لولا رهطك لرجمناك) لولا العيلة بتاعتك بأنهم تجار برضو و زمايلنا ، لقتلناك ، رجمناك ، رجمناك بالحجارة أو (لرجمناك) أي سوانا سمعتك في القبائل ، تحتمل المعنيين يعني ، (و ما أنت علينا بعزیز) إنت مش أحسن من غيرك يعني ، إنت مش أحسن من غيرك بالنسبة لنا ،

إنت لو فضلت تزن علينا كده في شغلنا و في لقمة عيشنا مش هنسيبك ، زي ما كده سيدنا محمد ﷺ فضل يزن على كفار قريش و يقول لهم إيه ، متعبدوش الأوثان عند الكعبة دي ، أزيلوا الأوثان اللي عند الكعبة دي ، أزيلوا الأصنام دي ، ففضل يزن عليهم لأن دي لقمة عيشهم ساعتها ، كانت كل قبيلة وثنية تيجي تحج للصنم بتاعها عند الكعبة ، و بيبيعوا و بيشتروا و التجارة شغالة ، فبياكلوا لقمة عيش ، لقمة عيش حرام ، فدعوة الرسول ﷺ كانت مضادة لأهدافهم الدنيوية ، هم مكنوش يهتمهم أوي يعبد إله واحد و لا يقرأ في الكتاب المقدس و لا يتبع الطريقة الإبيونية ، مش فارقة معهم ، أهم حاجة عندهم إيه ، لقمة العيش ، زي دلوقتي الناس أهم حاجة عندها إيه؟ الفلوس ، هو كده ، صح كده؟ ، فنفس القصة ، التاريخ بيعيد نفسه ، شعيب قال لهم إتقوا الله و أحسنوا و ما تُخسروش في الميزان ، و لا تبخسوا الناس أشياءهم و اعدلوا و أوفوا بالمكيال ، مش عاوزين يسمعوا الكلام ، طماعين ، خلاص ، في نهاية الشقاق ده ، حصلت المخاصمة دي ، أهو (قالوا يا شعيب ما نفقه كثيراً مما تقول و إنا لنراك فينا ضعيفاً و لولا رهطك لرجمناك و ما أنت علينا بعزیز) .

{قَالَ يَا قَوْمِ أَرَهْطِي أَعَزُّ عَلَيْكُمْ مِنَ اللَّهِ وَاتَّخَذْتُمُوهُ وَرَاءَكُمْ ظَهْرِيَا إِنَّ رَبِّي بِمَا تَعْمَلُونَ مُحِيطٌ} :

(قال يا قوم أرهطي أعز عليكم من الله) يعني العيلة بتاعتي أحسن عندكم من ربي أو من الله الواحد؟! !!! بيستتكر هنا شعيب سلوك هؤلاء الناس ، (و اتخذتموه وراءكم ظهرياً) يعني هي زيها زي كفرتم بالله ، أو غطيتم رأسكم في التراب و ابتعدتم عن وحي الله ، (و اتخذتموه وراءكم ظهرياً) يعني جعلتم وصايا الرب سبحانه و تعالى خلف ظهوركم فلم تلتفتوا إليها ، ده المعنى (و اتخذتموه وراءكم ظهرياً) ، (إن ربي بما تعملون محيط) بيحذرهم هنا ، بيقول لهم ربي محيط بكل أعمالكم و بكل تدابيركم فبيحذرهم .

طبعاً قوم شعيب هؤلاء مجموعة من الجشعين الذين لا يوفون الناس حقوقهم بل يغشونهم ، لذلك سمى الله سبحانه و تعالى الرؤيا التي رأيتها عن ثورة شعيب ، بثورة شعيب ، و هي ثورات الجياع و ثورات الناس المظلومة ، فسُميت بشعيب ، بسبب الجشع و الطمع ، سُميت بثورة شعيب ، و هي ثورة على جولات متتالية ، ثورات متتالية ، جولات متتالية .

{وَيَا قَوْمِ اعْمَلُوا عَلَى مَكَانَتِكُمْ إِنِّي عَامِلٌ سَوْفَ تَعْلَمُونَ مَنْ يَأْتِيهِ عَذَابٌ يُخْزِيهِ وَمَنْ هُوَ كَاذِبٌ وَارْتَقِبُوا إِنِّي مَعَكُمْ رَقِيبٌ} :

(و يا قوم اعملوا على مكانتكم إني عامل) هنا المفاصلة بقى ، الولاء و البراء و المفاصلة ، إنتو مركزين و ثابتين على الغش بتاعكم (اعملوا على مكانتكم إني عامل) يعني أنا هعمل برضو بالنصايح اللي بقولها لكم و مش أخالفكم إلى ما أنهاكم عنه ،

يعني مش هعمل زي ما إنتو بتعملوا ، أنا هأتمر بأوامر الرب الواحد ، بعدين بقى (سوف تعلمون من يأتيه عذاب يُخزيه) تحذير ، هتشوفوا بقى ، بيني و بينكم الزمن ، دي عقيدة إيه؟ التربص ، بيني و بينكم الزمن ، الزمن كفيل أن يُحكم ما بيننا ، (سوف تعلمون من يأتيه عذاب يُخزيه) هتشوفوا مين اللي هيجيله عذاب يُصيبه بالعار و الخزي ، (و من هو كاذب) و هتشوفوا مين الكذاب أنا و لا إنتو ، هتعرفوا صدقي يعني ، (و ارتقبوا إني معكم رقيب) أنا مرتقب زيكم ، تربصوا زي ما أنا هتربص ، يعني شوفوا الزمن و في النهاية مين اللي هيكسب ، ده المعنى .

{وَلَمَّا جَاءَ أَمْرُنَا نَجَّيْنَا شُعَيْبًا وَالَّذِينَ آمَنُوا مَعَهُ بِرَحْمَةٍ مِنَّا وَأَخَذَتِ الَّذِينَ ظَلَمُوا الصَّيْحَةَ فَأَصْبَحُوا فِي دِيَارِهِمْ جَاثِمِينَ} :

(و لما جاء أمرنا) في رؤيا كده ربنا أوحى لشُعيب ، في عذاب هيجلهم ، إيه هو العذاب بقى؟ زي عذاب ثمود ، اللي هو إيه؟ وباء ، صيحة ، وباء هيجي لمين؟ لقوم شُعيب ، و هيبقوا قاعدين في ديارهم جاثمين ، جاثمين كده مرتجفة مرتعشة من أثار الحمى و الوباء ، و هيموتوا بالتدريج و هيفنوا (كأن لم يغنوا فيها) ، (و لما جاء أمرنا نجينا شعيباً و الذين آمنوا معه) نجيناهم ، إن هو إيه ، لم يصبهم الوباء أو هم اعتزلوا في مكان بعيد عن القرية اللي أصابها الوباء ، ده المعنى ، (وأخذت الذين ظلموا الصيحة فأصبحوا في ديارهم جاثمين) الصيحة هنا الوباء الشديد ، زي وباء الكورونا الموجود دلوقتي ، اللي هي الصيحة المدممة .

{كَأَن لَّمْ يَغْنَوْا فِيهَا إِلَّا بُعْدًا لِّمَدِينٍ كَمَا بَعْدَتْ ثَمُودُ} :

(كأن لم يغنوا فيها) كأن عمرهم ما عمروا الأرض دي و لا تجولوا فيها ، (ألا بعداً لمدين) لعنة و بُعد لهم قوم شعيب ، (كما بعدت ثمود) زي قوم صالح ثمود أصابهم الوباء ، كذلك قوم شعيب اللي هم مدين أصابهم الوباء و الصيحة .
طبعاً قوم شعيب لهم سورة مخصوصة برضو ، المطففين صح؟ مش في سورة إسمها المطففين؟؟ هم هؤلاء ، سورة خاصة لهم ، (و أخذتهم الرجفة) الرجفة اللي هي وباء شديد و رعشة و حمى شديدة) .

{وَلَقَدْ أَرْسَلْنَا مُوسَىٰ بِآيَاتِنَا وَسُلْطَانٍ مُّبِينٍ} :

و بعد كده بقى بقرون أتى موسى بقى ، تمام ، حلو أوي ، (و لقد أرسلنا موسى بآياتنا و سلطان مبين) الآيات العشرة المعروفة أو التسع ، (و سلطان مبين) بينات و آيات ، لمين؟ (إلى فرعون و ملئه) .

{إِلَىٰ فِرْعَوْنَ وَ مَلَأَهُ فَاتَّبَعُوا أَمْرَ فِرْعَوْنَ وَمَا أَمْرُ فِرْعَوْنَ بِرَشِيدٍ} :

(إلى فرعون و ملئه) ربنا بعته إلى فرعون و الحاشية بتاعته ، الحاشية النكدة ، لأن موسى مكنش لبنى إسرائيل بس اللي في مصر ، لا ، ده كان كمان بيدعو المصريين و بيدعو فرعون و الحاشية ، مش إحنا عرفنا كده؟ و عرفنا إن في مصريين آمنوا و كانوا بيقدوا في بيوت بني إسرائيل في خفية و بيصلوا معاهم ، صح كده؟ في كثير كانوا مؤمنين في بيت فرعون و في غير بيت فرعون ، صح؟ أخذنا الكلام ده قبل كده ، (فاتبعوا أمر فرعون) معظمهم إتبع إيه؟ أمر المجرم فرعون ، (و ما أمر فرعون برشيد) يعني حال فرعون مش رشيد ، حاله ليس برشيد ، لأنه كل من رفض الإيمان و رفض النبي فهو ليس بحكيم و ليس برشيد .

{يَقْدُمُ قَوْمَهُ يَوْمَ الْقِيَامَةِ فَأَوْرَدَهُمُ النَّارَ وَبِئْسَ الْوَرْدُ الْمَوْرُودُ} :

(يقدم قومه يوم القيامة) يجي كده يوم القيامة أمام قومه ، (فأوردتهم النار) يعني أدخلهم النار ، (و بئس الورد المورود) بئس يعني شيء سيء جداً ، أسوأ شيء (الورد المورود) يعني المدخل اللي دخلوهم ، (ورد) يعني مدخل ، لما أدخلهم النار .

{وَأُتْبِعُوا فِي هَذِهِ لَعْنَةً وَيَوْمَ الْقِيَامَةِ بئسَ الرَّفْدُ الْمَرْفُودُ} :

و حصل إيه تاني؟ (و أتبعوا في هذه لعنة) حد بيقول ، بيترحم على فرعون و ملئه؟؟؟؟ لا أبداً ، إلا المجرمين اللي هم بينسبوا أنفسهم للوثنيين ، زي ما شفنا قبل كده ، (و أتبعوا في هذه لعنة و يوم القيامة) و يوم القيامة برضو ، إذا هم ملعونين في الدنيا و الآخرة ، (بئس الرفد المرفود) يعني الرفادة اللي هو إيه؟ الضيافة ، يعني بئس الضيافة في جهنم ، ضيافة إيه ؟ نكد ، (بئس الرفد المرفود) يعني ما أسوأ تلك الرفادة التي سوف يتلقونها في جهنم و العياذ بالله ، إذا الرفد هي إيه ، الرفادة اللي هي إيه ، إستقبال الضيف و إكرام الضيف ، بس طبعاً هنا إيه ، صورة بلاغية ، (بئس الرفد المرفود) بئس الرفد اللي هيوصلهم في جهنم .

● و قال لنا نبي الله الحبيب يوسف ﷺ أثناء تصحيحه لتلاوتنا :

مين تاني اللي هلكوا بالوباء قريب خالص ، قبل ولادة او مع ولادة الرسول ﷺ؟ حد يعرف؟ ، و أبيدوا بداء الجدري ، وباء يعني أهلكهم عذاباً لهم ، نتيجة طغيانهم ، مين؟ أصحاب الفيل ، اللي هم الأحباش اللي حاولوا يهدوا الكعبة ، اللي هو بيت الموحدين ، بيت الإبيونيين يعني ، و كانوا نصارى من طائفة أخرى يعني ، فراحوا يعتدوا على المسيحيين الموحدين أو اللي كان ده بيتهم في يوم من الأيام يعني ، بيت تعبدهم يعني لله عز و جل ، و كانت قبلتهم بيت المقدس ، كانت قبلتهم بيت المقدس ، الكعبة كانت بيت من بيوت الله ، و لكن مع الوقت أصبح بيت للشرك و تحلقت حوله إيه ، الأوثان و أحاطت به الأصنام مع الوقت يعني ، فأبرهة الحبشي المجرم و جنوده ، ربنا أصابهم بالوباء فأصبحوا كالعصف المأكول ، سورة الفيل (بسم الله الرحمن الرحيم ✕ ألم تر كيف فعل ربكم بأصحاب الفيل ✕ ألم يجعل كيدهم في تضليل ✕ و أرسل عليهم طيراً أبابيل ✕ ترميهم بحجارة من سجيل ✕ فجعلهم كعصف مأكول) طيراً أبابيل اللي هم إيه؟ بكتيريا و فيروسات ، (كعصف مأكول) كأنهم حيوانات مأكولة أو أجزاء منها متأكلة و ميتة ، و بعد كده الرسول ﷺ يقول لنا إيه ساعة الهجرة ، بيتكلم عن الناقة اللي كان راكب عليها في المدينة ، و يقول : "حبسها حابس الفيل" يعني لَمَّا هي الناقة مكنتش راضية تقوم إلا تروح في مكان محدد ، كانت أرض الأيتام اللي هي ربنا إختارها لإقامة المسجد النبوي و بيوت النبي ﷺ ، يعني ربنا جعل الملائكة تقود خطاها ، زي ما في الملائكة قادت خطى الفيل و مكنش راضي يدخل بإتجاه الكعبة عشان يهدمها ، فربنا هنا بيتحكم بعسكر روحاني ، مش إحنا قلنا بأن الحرب العظيمة هي الحرب الروحية ، أعظم من الحرب المادية دي اللي هي بالأسلحة و السيوف ، الحرب الروحية دي حرب خطيرة جداً و مخيفة جداً و مرعبة جداً .

و أنهى الجلسة بأن طلب قمر الأنبياء يوسف الثاني ﷺ من مروان و ربيعة و أرسلان بإستخراج أمثلة على أحكام طلبها منهم من هذا الوجه :

طلب من مروان مثال على التفشي ، فقال :
{شُعَيْبُ} .


و طلب من ربيعة مثال على الصفير ، فقالت :
{صَالِحُ} .

و طلب من أرسلان مثال على القلقة ، فقال :
{رَقِيبُ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

" يا رباه .. بفتوح نصرك العظيمة التي بها نصرت أنبياءك في كل الأزمان ، و أيدتهم بفيوض وحيك و جندك الروحاني ، و كسرت شوكة أعداء الوحي و التوحيد و شتتتهم في خوف و ضلال أليم ، يا رباه .. بفتوحك العظيمة ، انصر نبيك يوسف بن المسيح ﷺ و اليوسفيين على الكافرين ، و انشر كلمة توحيدك بهم في الأفاق و زرع أركان المنافقين أجمعين .. نصر الله لليوسفيين .. آمين يا ربي البر الحبيب" 

درس القرآن و تفسير الوجه الثالث عشر من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام النون الساكنة و التنوين , ثم قام بقراءة الوجه الثالث عشر من أوجه سورة هود ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثالث عشر من أوجه سورة هود ، و نبداً بأحكام التلاوة و أحمد :

أحكام المد و نوعيه :

مد أصلي طبيعي و مد فرعي , المد الأصلي يُمد بمقدار حركتين و حروفه (الألف , الواو , الياء) , و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات , و مد منفصل جائز مقداره ٤ إلى ٥ حركات , و مد صلة كبرى مقداره ٤ إلى ٥ حركات جوازاً , و مد صلة صغرى مقداره حركتان وجوباً .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الزلزلة ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

كان في كلمة في الوجه اللي فات ، كنت حابب أستنبط منها شيء ، و الشيء ده هو مذكور في الوجه ده ، و كأن الله سبحانه و تعالى أخر الإستنباط ده لغاية ما نبتدي الوجه ده ، اللي هو إيه؟ {وَأَتَّبِعُوا فِي هَذِهِ لَعْنَةً وَيَوْمَ الْقِيَامَةِ بئسَ الرَّفْدُ الْمَرْفُودُ} ربنا بيتكلم هنا عن جهنم ، إن هي إيه؟ بئس الرفادة فيها ، بئس الرفادة التي يتلقونها فيها ، و الرفادة هو الشيء الذي يُقدم للضيف ، صح؟ ، فربنا سبحانه و تعالى لما يقول هنا (بئس الرفد المرفود) بيقول إنهم ضيوف سيجدوا رفادة نكد و عذاب أليم ، هذه هي رفادتهم ، و المعروف أن الضيف لا يُقيم إلى الأبد ، إنما يُقيم لفترة محددة و بعد ذلك يمضي ، فهنا إستنباط و دليل و قرينة على أن جهنم تنفى ، صح؟ ، في الوجه ده برضو ، ربنا بيتكلم عن جهنم تحت هنا أنها تنفى أيضاً ، و كذلك يتحدث عن الجنة أنها ليست دائمة لكل بل هناك خُلص فقط الذين يصطفون للعبور إلى الجنة التالية ، اللي إحنا تكلمنا عنه في المدونة ، اللي ذكره الإمام المهدي ﷺ في كتاب إيه؟ "منن الرحمن" .

{ذَلِكَ مِنْ أَنْبَاءِ الْقُرَى نَقُصُّهُ عَلَيْكَ مِنْهَا قَائِمٌ وَحَصِيدٌ} :

(ذلك من أنباء القرى نقصه عليك) سورة هود كلها و القصص اللي فيها ، قصص دعوة الأنبياء ، يدعون إلى التوحيد و نبذ الشرك ، و قصة أقوامهم معهم المكذبين الذين يسIRON على نهج آبائهم فقط ، و يتكبرون و لا يريدون أن يُرخوا أسماعهم للأنبياء و لا أن يتواضعوا و لا أن يتقوا و لا أن يستخيرا الله فيهم ، الله سبحانه و تعالى يقص على نبينا محمد ﷺ من أنباء هذه القرى ، لكي تكون له تزكية و لكي تكون له تعزية لما يجده من قومه من تكذيب و إثم ، (منها قائم و حصيد) يعني القرى اللي إحنا قصصناها عليك دي ، في منها بقية آثار محصودة ، (منها قائم) أي إيه؟ فيه بقية آثار تجدونها و ترونها بروية العين ، و (حصيد) أي محصودة ، يعني إيه؟ المحصود هنا للدلالة على أنهم تم القضاء عليهم و لكن بقي آثار للعبرة ، تمام كده؟ طيب .

{وَمَا ظَلَمْنَاهُمْ وَلَكِنْ ظَلَمُوا أَنْفُسَهُمْ فَمَا أَغْنَتْ عَنْهُمْ آلِهَتُهُمُ الَّتِي يَدْعُونَ مِنْ دُونِ اللَّهِ مِنْ شَيْءٍ لَمَّا جَاءَ أَمْرُ رَبِّكَ وَمَا زَادُوهُمْ غَيْرَ تَتْبِيبٍ} :

(و ما ظلمناهم و لكن ظلموا أنفسهم) يعني الجريمة التي جرت عليهم ذلك العذاب كان بسبب الظلم الذي ظلموا به أنفسهم ، و نعلم أن أظلم الظلم هو الشرك ، و أعدل العدل هو التوحيد ، فمشكلتهم الأولى كانت الشرك بالله عز و جل ، سواء أكان ظاهراً أو خفياً ، ظاهر كأنهم يعبدون مثلاً أو ثنائاً أو أصناماً أو يسجدون إليها أو يقربون إليها الذبائح أو القرابين و ما إلى ذلك ، هذا شرك كبير ، و الشرك الأخطر هو الشرك الخفي ، من الشرك الخفي إيه؟ الكبر و الرياء ، و إيه تاني كمان؟ رفض الإستخارة

في النبي ، يعني النبي يقول لهم ، أنا بقول لكم التعليمات دي أو بقول لكم حاجات يجب إنكم تجتنبوها ، و حاجات يجب إن إنتو إيه؟ تلتزموا فيها ، و بيدعي إنه هو ده بينات من الله ، من الإله الحقيقي ، رفضهم ، كونهم يرفضوا إن هم يستخبروا فيه ، هم هنا قدموا هوى أنفسهم على إيه ، على الإستقامة و على الحق، صح كده؟ فهنا ده أصبح شرك ، أشركوا أهواءهم مع الله عز و جل ، و هذا شرك خفي ، نوع من أنواع الشرك الخفي ، (فما أغنت عنهم آلهتهم التي يدعون من دون الله من شيء لما جاء أمر ربك) لما فار التنور و بدأت ساعة الصفر و العذاب أتى ، الآلهة اللي كانوا يعبدوها من دون الله منفعتهمش ، لم تنفعهم ، لم تصد عنهم ذلك العذاب و تلك اللعنة ، ماشي؟ ، (و ما زادوهم غير تنبيب) الآلهة الباطلة لم تزد تلك الأقوام و تلك القرى إلا تنبيب ، تنبيب من كلمة (تب) ، مش إحنا شفنا سورة (تبت يد أبي لهب و تب) تب يعني إيه؟ عمل كده بإيده ((يعني ضرب كفه بكفه الآخر)) المجرم أبو لهب لما اعترض على سيدنا محمد ﷺ لما دعاهم للتوحيد و قال لهم بأنه مرسل من الله عز و جل ، و قال له تبال لك ألهذا جمعتنا؟ ، تبال لك يعني إيه؟ إنقطعت ، يعني إيه؟ قطيعة تقطعك يعني ، ده المعنى ، كلمة تب أي قطع ، الآلهة الباطلة دي لم تزد تلك القرى إلا تنبيب ، أي إنقطاع و هلاك و حصيد ، أصبحوا كالحصيد ، ماشي؟ ، يبقى عرفنا كلمة (و ما زادوهم غير تنبيب) من كلمة تب أي قطع .

{وَكَذَلِكَ أَخْذُ رَبِّكَ إِذَا أَخَذَ الْقُرَىٰ وَهِيَ ظَالِمَةٌ إِنَّ أَخْذَهُ أَلِيمٌ شَدِيدٌ} :

(و كذلك أخذ ربك إذا أخذ القرى و هي ظالمة) ربنا بيهلك القرى لما بتفسد و تطغى في ظلمها و يزيد ظلمها ، (إن أخذه أليم شديد) أخذ ربك يعني عذاب ربك ، ربنا يأخذها بالسنين و العذاب ، سواء أكان عذاب مزمّن يؤخذ بالسنين و اللعائن المستمرة في سنين حياتهم ، أو عذاب جارف ، يحصد بشكل مفاجئ ، (إن أخذه أليم شديد) عذاب ربنا أليم و شديد ، لأن ربنا حلیم ، صح؟ حلیم و لكنه إذا أخذ القرى أخذهم أخذ عزيز مقتدر .

{إِنَّ فِي ذَلِكَ لَآيَةً لِّمَن خَافَ عَذَابَ الْآخِرَةِ ذَلِكَ يَوْمٌ مَّجْمُوعٌ لَّهُ النَّاسُ وَذَلِكَ يَوْمٌ مَّشْهُودٌ} :

(إن في ذلك لآية لمن خاف عذاب الآخرة) القصص دي كلها ، قصص القرى اللي تم إهلاكها دي ، نتيجة كبرهم على الأنبياء و عدم إنصياعهم لأوامر الله عز و جل ، (إن في ذلك لآية) عبرة (لمن خاف عذاب الآخرة) اللي عنده إيه بقية تقوى أو خوف من عذاب ربنا سبحانه و تعالى ، (ذلك يوم مجموع له الناس) يوم القيامة يعني ، (و ذلك يوم مشهود) كل الناس و كل الخلائق المكلفّة ستشهد ذلك اليوم ، (و ذلك يوم مشهود) ستتكلّم فيه الأشهاد ، هيكون في شهود على أعمال الإنسان ، المكلفين سيجدون أعمالهم متمثلة تشهد عليهم ، و تشهد عليهم جوارحهم ، و هناك شهود أخرى أيضاً .

{وَمَا نُؤَخِّرُهُ إِلَّا لِأَجَلٍ مَّعْدُودٍ} :

أي عذاب لقريظة ظالمة إذا تأخر ، ربنا بياخذه لأجل معدود ، يعني ربنا عنده عد معين هيعده ، لما العدد يخلص و ينتهي حسب ما قَدَّر سبحانه و تعالى ، هنا بقي تكون ساعة الصفر و يكون فوران التتور ، و كذلك (و ما نؤخره إلا لأجل معدود) أي يوم القيامة ، القيامة الكبرى ، يوم الدينونة ، ربنا مش ماخذه عن الظهور إلا بعد ما يعدد عد معين ، هو الوحيد اللي يعرف ، ربنا سبحانه و تعالى الوحيد اللي يعرف العدد هيخلص إمتى ، لكنه مُقَدَّر ، مُقَدَّر ، آتٍ آتٍ لا محالة .

{يَوْمَ يَأْتِ لَا تَكَلِّمُ نَفْسٌ إِلَّا بِإِذْنِهِ فَمِنْهُمْ شَقِيٌّ وَسَعِيدٌ} :

(يوم يأت لا تكلم نفس إلا بإذنه) يوم الدينونة محدش يتكلم إلا بإذن الله عز و جل من رهبة المشهد ، (فمنهم شقي و سعيد) من المجموعين دول/هؤلاء المكلفين ، منهم هيبقى شقي عياداً بالله ، و منهم اللي هيبقى سعيد .

{فَأَمَّا الَّذِينَ شَقُوا فِي النَّارِ لَهُمْ فِيهَا زَفِيرٌ وَشَهِيقٌ} :

(فأما الذين شقوا في النار) هيدخلوا جهنم ، (لهم فيها زفير و شهيق) إيه الزفير و إيه الشهيق : الزفير هو خروج الهواء من الصدر ، الشهيق هو دخول الهواء إلى الصدر ، (لهم فيها زفير و شهيق) هنا عذاب أليم ، عذاب أليم من شدة المفاجأة و من شدة الآلام هم يصطرخون في النار ، و هم يصطرخون فيها ، و الصرخ الشديد بيكون معه إيه؟ زفير : خروج الهواء بشدة من الصدر ، و بعد ذلك شهيق : دخول الهواء بشدة إلى الصدر ، فتخيل بقي ، واحد في جهنم عياداً بالله ، بيصطرخ و يصرخ من شدة الألم و العذاب ، ربنا بيقولهم إيه ، من شدة الألم و العذاب هيكون زفيرهم و شهيقهم مسموع ، هنا تصوير فني و تصوير بلاغي للآلام الشديدة التي سوف يُلاقونها أولئك الأشقياء في جهنم و العياد بالله ، (لهم فيها زفير و شهيق) .

{خَالِدِينَ فِيهَا مَا دَامَتِ السَّمَاوَاتُ وَالْأَرْضُ إِلَّا مَا شَاءَ رَبُّكَ إِنَّ رَبَّكَ فَعَّالٌ لِّمَا يُرِيدُ} :

(خالدين فيها) قاعدين فيها فترة طويلة ، (ما دامت السماوات و الأرض إلا ما شاء ربك) أهو ربنا بيستثنى (إلا ما شاء ربك) يعني إلى قدر محدد ، (إن ربك فعال لما يريد) ربنا محدش شريكه يعني ، يفعل ما يريد بإرادة تامة كاملة .

{وَأَمَّا الَّذِينَ سُعِدُوا فَفِي الْجَنَّةِ خَالِدِينَ فِيهَا مَا دَامَتِ السَّمَاوَاتُ وَالْأَرْضُ إِلَّا مَا شَاءَ رَبُّكَ عَطَاءٌ غَيْرَ مَجْذُوذٍ} :

(فأما الذين سعدوا) السعداء اللي هم الموحدين ، اللي هم سمعوا الكلام ، سمعوا كلام الأنبياء ، (ففي الجنة خالدين فيها ما دامت السماوات و الأرض) تمام كده؟ (إلا ما شاء ربك) تاني إستثناء أهو ، (إلا ما شاء ربك) يعني الخلود هنا مش لكل الناس أو مش لكل المكلفين اللي دخلوا الجنة و كانوا سعداء ، مين اللي هيعبر؟ المحسن ، المحسنون هم اللي هيعبروا الجنان المتعاقبة في الأكوان المتتالية ، (عطاء غير مجذوذ) يعني عطاء قادم قادم ، مفيش منه إيه؟ مفر و مفيش فيه شك ، (عطاء غير مجذوذ) غير منقوص ، لا ينقص ، إنما يأتيهم هذا العطاء كاملاً .

{فَلَا تَكُ فِي مِرْيَةٍ مِّمَّا يَعْبُدُ هَؤُلَاءِ مَا يَعْبُدُونَ إِلَّا كَمَا يَعْبُدُ آبَاؤُهُمْ مِّن قَبْلُ وَإِنَّا لَمُوقُّوهُمْ نَصِيبُهُمْ غَيْرَ مَنقُوصٍ} :

(فلا تك في مرية مما يعبد هؤلاء) ربنا بيوجه الخطاب لرسول الله ﷺ و لكل الأنبياء (فلا تك في مرية) لا يكون لديك شك (مما يعبد هؤلاء) هم إيه؟ يعبدون آلهة باطلة ، هنا تثبت للنبي و لكل نبي ، (ما يعبدون إلا كما يعبد آبائهم من قبل) هي دي سنة (هذا ما وجدنا عليه آباءنا) دي سنة الكفار كل حين و كل عصر و كل زمان ، بأن هم يتشبثوا بالموروث فقط ، و لا يلتفتوا إلى الحقيقة المطلقة أو المجردة ، (و إننا لموفوهم نصيبهم غير منقوص) هياخذوا نصيبهم في الدنيا و الآخرة غير منقوص ، كامل .

{وَلَقَدْ آتَيْنَا مُوسَى الْكِتَابَ فَاخْتَلَفَ فِيهِ وَلَوْلَا كَلِمَةٌ سَبَقَتْ مِن رَّبِّكَ لَقُضِيَ بَيْنَهُمْ وَإِنَّهُمْ لَفِي شَكٍّ مِّنْهُ مُرِيبٍ} :

(و لقد آتينا موسى الكتاب فاختلف فيه) بعثنا موسى و أعطينا الرسالة ، الكتاب يعني الرسالة ، (فاختلف فيه) الناس اختلفت عليه ، زيه زي كل الأنبياء ، (و لولا كلمة سبقت من ربك لقضي بينهم) يعني لولا إن ربنا مقدر إن الناس تختلف على الأنبياء و إنه يبقى الناس لديهم إرادة و إختيار مطلق في الإيمان أو الكفر (لقضي بينهم) لبيئنا لهم إنه هو ده فعلاً نبي صادق و أجبرناهم على الإيمان جبراً ، لكن ربنا لم يقضي أن

يَجْبُرُ النَّاسَ عَلَى الْإِيمَانِ ، بَلْ أَعْطَاهُمُ الْإِرَادَةَ وَالْإِخْتِيَارَ الْكَامِلَ ، (وإنهم لفي شك منه مريب) و مع رفضهم ده للنبي شاكين ليكون صادق ، بس في نفس الوقت إيه؟ متكبرين و العياذ بالله .

{وَإِنْ كُلًّا لَّمَّا لَيُؤْفِقِينَ رَبُّكَ أَعْمَالَهُمْ إِنَّهُ بِمَا يَعْمَلُونَ خَبِيرٌ} :

(و إن كُلا لما ليوفينهم ربك أعمالهم) كل الناس اللي عاصرت الأنبياء ، ربنا هيوفيهم أعمالهم اللي عملوها سواء أكانت خيراً أو شراً بشر ، (إنه بما يعملون خبير) ربنا سبحانه و تعالى يعلم ما يعملون ، فتتمثل أعمالهم في الدنيا و الآخرة ، تمام؟ ، فالكل يُلاقي عمله متمثلاً ، و الله خبير بتلك الأعمال فيعلم كيف تتمثل .

● و أثناء تصحيح نبي الله الحبيب يوسف الثاني ﷺ لقراءتنا لهذه الوجه ، قال لنا :

الآية دي معناها إيه؟ : (و إنَّ كُلاً لما ليوفينهم ربك أعمالهم) (إنَّ) هنا تأكيد ، (كُلاً) كل الطوائف دي ، السعيدة و الشقية ، تمام؟ ، (لما ليوفينهم ربك أعمالهم) يعني مستمرين و هتشوفوهم لغاية لما يتم إستيفاء أعمالهم ، إستيفاء جزاء أعمالهم من قبل الله عز و جل ، و هو ده المعنى ، (و إنَّ كُلاً) كلهم يعني ، (لما ليوفينهم) يعني هتشوفوهم و هيبقوا مستمرين لغاية ما ربنا يوفيهم إيه؟ أعمالهم ، دي برضو إشارة ثانية و قرينة ثانية على أن إيه؟ الجنة و النار مؤقتتان (إلا ما شاء ربك) ناس محددة بس اللي هتعبّر الجنان المتعاقبة ، اللي هم المحسنين ، اللي هم أصحاب الإحسان ، فهمتوا؟ أهو (و إنَّ) تأكيد ، (كُلاً) كلهم ، (لما ليوفينهم) (لما) لغاية ، إلى ، لغاية إيه؟ مستمرين لغاية ما يتم إستيفاء أعمالهم من قبل الله عز و جل ، و بعد كده خلاص ، و بعد كده إيه؟ خلاص ، (إلا ما شاء ربك) ، ماشي؟؟ تمام .

- طيب زفير و شهيق ، حد يعرف يقول كلمة زفير و شهيق من أصوات الكلمات؟؟؟

- زفير : الزاء صوت الذنب ، و الفاء تَأْفَف ، ير : ياء تموج ، راء رؤية ، يعني يروا التَأْفَف و النكد و يروا تمثل ذنوبهم ، صح؟ الزاي صوت الذنب ، إذا يروا تمثل ذنوبهم و يروا التَأْفَف و النكد ، عياداً بالله .

- طيب شهيق؟؟ لها معنيين : شهيق : الشين و الهاء أي من كلمة شهوة ، و الياء تموج و القاف قوة ، شهيق أي يروا أمواج و تمثل شهواتهم المُحرمة بقوة في جهنم ، كذلك لها معنى ثاني ؛ شهيق : الشين يبقى إيه؟ تفشي و إنتشار ، و الهاء تنبيه قوي ، القاف قوة ، و الياء تموج ، أي يكون هناك تمثل أو يكون هناك تنبيه ، في هذا المكان تنبيه لحواسهم لكي تتعذب عذاباً أليماً بقوة و إنتشار ، إذا شين تفشي ، الهاء تنبيه ، الياء تموج ، و القاف قوة ، ده معنى ثاني .

- طيب حد يعرف يقولي الفرق ما بين (غير مجذوذ) و (غير منقوص)؟؟؟ليه ربنا قال عن عطاء الجنة غير مجذوذ ، وقال عن عذاب الكافرين أنه غير منقوص ، حد يعرف يقول؟ طيب فكروا فيها لغاية ما ننهي القراءة .

- (فلا تك في مريّة مما يعبد هؤلاء) المريّة هي الجدال ، متجادلش كثير في ألّهتهم الباطلة دي يعني أعرّض عنهم ، متتلفتش لسفاهتهم و لا لتفاهتهم ، دايمًا كده إبتعد عن السفاهة ، (فلا تك في مريّة مما يعبد هؤلاء) ، (و إنهم لفي شك منه مريب) شك شك ، مريب من الريبة أي الشك الشديد ، أو الشك الذي يجلب الشك لأنهم (في شك منه مريب) ، إذا مريب : الميم مفاعلة ، ريب من الريب ، الريبة أي الشك ، إذا مفاعلة الشك ، إذا مريب هو الشك الذي يجلب الشك ، لكن كلمة الشك هو الشرك المُجرد يعني ، و كلمة شك من أصوات الكلمات : الشين تفشي ، الكاف إنفكاك ، أي تفشى إنفكاك يقينه في أمر ما ، تمام كده؟ .

- خلي بالك هنا ، نصيب ، كلمة نصيب دي ، كلمة مذمومة هنا ، من إيه بقى؟ من نصّب ، النصّب هو الألم و التعب و الشقاء ، ربنا بيقولهم هنا (و إنا لموفوهم نصيبهم غير منقوص) نصيب ، فعيل من صيغة مبالغة ، و كذلك نصيب أي الذي سيُصيبهم لا محالة غير منقوص ، (و إنا لموفوهم نصيبهم غير منقوص) ، تمام كده؟ ، إذا الكلمة دي مذمومة و العياذ بالله في القرآن ، (و إنا لموفوهم نصيبهم) الذي سيُصيبهم بالنصب غير منقوص .

حد عرف بقى كلمة غير منقوص و غير مجذوذ إيه الفرق ما بينهم ، حد عرف؟؟ ، نخليها الجلسة الجاية تفكروا فيها ، طيب .

و أنهى الجلسة بأن طلب قمر الأنبياء يوسف الثاني ﷺ من مروان و أرسلان و رفيدة بإستخراج أمثلة على أحكام طلبها منهم من هذا الوجه :

طلب من مروان مثال على مد متصل واجب ، فقال :
{أَنْبَاء} .

و طلب من أرسلان مثال على مد صلة صغرى ، فقال :
{نَقْصُهُ عَلَيْكَ} .

و طلب من رفيدة مثال على مد صلة كبرى ، فقالت :
{إِنَّ أَخَذَهُ إِلَيَّ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . 🌱💙

درس القرآن و تفسير الوجه الأخير من هود

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام النون الساكنة و التنوين ، ثم قام بقراءة الوجه الأخير من أوجه سورة هود و هو الوجه الرابع عشر ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الرابع عشر و الأخير من هود ، و نبداً بأحكام التلاوة و مروان :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .
و مد لازم حرفي أو كلمي : الحرفي هو في أوائل السور ، و الكلمي مثقل و يُمد بمقدار ٧ حركات مثل (و لا الضالين) .
و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمد بمقدار حركتين و هي مجموعة في جملة (حي طهر) ، و حرف تمد بمقدار ٦ حركات و هي مجموعة في جملة (نقص عسلكم) .

و بعد مروان قال الأحكام رفيعة و ثم أرسلان .

و ثم تابع نبي الله يوسف الثاني ﷺ الجلسة بشرح الوجه لنا فقال :

إحنا كنا قلنا المرة اللي فاتت هنسأل السؤال ده ، ما الفرق بين (عطاء غير مجذوذ) و (نصيب غير منقوص) ، حد يعرف؟ ، ما هو حازم إمبراح إستفزني و جاوبته ، مع

إني كنت ناوي إن إحنا نجابوب في الجلسة ، بس جزاه الله خيراً ، جاوبته في المدونة ، حد يعرف؟؟ طيب ، و أنا زودت الإجابة دي بالليل يعني أعتقد إن إنتو مقرأتوهاش ، (عطاء غير مجذوذ) و (نصيبيهم غير منقوص) : (غير منقوص) يعني إيه؟ يكتمل ، سيكتمل و لكن ليس إلى الأبد ، و عرفنا إن كلمة نصيب كلمة مضمومة في القرآن ، نصيب من نصب ، فعيل ، نصيب أي إيه؟ من نصب أي تعب و وجل و ألم ، فلذلك الأفضل منقولش نصيب ، الأفضل نقول إيه؟ عطاء ، يعني عطاءك ، يعني منقولش هذا نصيبك ، لا هذا عطاءك ، منقولش نصيبك إذاً ، الأفضل يعني نقول إيه ، عطاءك ، تمام؟؟ و هنا ربنا سبحانه و تعالى بيتكلم عن العذاب لمين؟ للكافرين في الدنيا قبل الآخرة و هو نصيب ، من نصب و إصابة ، و إصابة موجهة لا تُخطئ من الله عز و جل لهم و عليهم ، (غير منقوص) أي سيكتمل ، لا ينقص ، و بالتالي ليس إلى ما لا نهاية ، ربنا هنا تكلم عن عطاء الجنة بشكل عام ، فقال (عطاء غير مجذوذ) ، مش إحنا عرفنا إن إحنا بنفسر القرآن بالقرآن ، كلمة (مجذوذ) ذكرت في صيغة أخرى في القرآن في آية (فجعلهم جذاذاً إلا كبيراً لهم لعلهم إليه يرجعون) إبراهيم - عليه السلام- كسر الأصنام ، فربنا قال على تفتيت الأحجار دي أو الأصنام دي إلى أجزاء : جذاذ ، فغير مجذوذ أي غير مُقطع أو غير مُفتت أو غير مُجزء ، ربنا بيقول عن الجنة بشكل عام (عطاء غير مجذوذ) يعني عطاء كامل ، عطاء مرة واحدة و كامل ، و لكن الإفادة هنا بتقول أن (عطاء غير مجذوذ) يعني مرة واحدة كاملة و تنتهي ، طيب هنستشف منين الأبدية غير المنتهية من كلمة إيه أو جملة إيه؟؟ (إلا ما شاء ربك) ، يعني (أما الذين سعدوا ففي الجنة خالدين فيها ما دامت السماوات و الأرض) يعني طالما السماوات و الأرض الأنية دي موجودة ، ربنا لم يُفنيها و لم يُقرر أن يُفنيها ، الجنة دي موجودة ، عطاء غير مجذوذ ، طيب يُستثنى مين اللي يعبر إلى الجنان الأخرى ، مين؟؟ (إلا ما شاء ربك) إذاً (إلا ما شاء ربك) في مناط الجنة هو إيه؟ دلالة الانتقال عبر الجنان في ما لا نهاية ، طيب ، (خالدين فيها ما دامت السماوات و الأرض إلا ما شاء ربك) إيه في مناط النار؟؟ يعني النار دي موجودة ما دامت السماوات و الأرض دي موجودة إلا ما شاء ربك من إيه؟ من وقت لها قدر محدد في هذا الكون ، ما دامت سماواته و أرضه كائنة ، إذاً (إلا ما شاء ربك) في مناط النار معناها إيه؟ جزء من هذه الدنيا أو من هذا الكون ، طيب (إلا ما شاء ربك) في مناط الجنة ، معناه إيه؟؟ أي أنه يدوم بعد فناء هذه السماوات و الأرض ، فهمتوني ، طيب .

{فَاسْتَقِمْ كَمَا أُمِرْتَ وَمَنْ تَابَ مَعَكَ وَلَا تَطْغَوْا إِنَّهُ بِمَا تَعْمَلُونَ بَصِيرٌ} :

ربنا سبحانه و تعالى في الوجه الأخير في هود ، ينصح و يأمر و يعظ النبي و كل نبي ، يقول له (فاستقم) إستقيم ، فاستقم أمر مجزوم مؤكد ، (فاستقم كما أمرت) زي ما أوحيت لك و أوحيت لمن قبلك : استقم على الصراط المستقيم و من تاب معك ، و اللي تابوا معك على الطريقة دي و بقوا مؤمنين ، يستقيموا برضو ، (و لا تطغوا) ، طيب الدلالة هنا إيه (فاستقم كما أمرت و من تاب معك) يبقى النبي هنا تاب ، يبقى النبي إيه؟؟ يتوب بإستمرار ، و المؤمنين يتوبون ، (فاستقم كما أمرت و من تاب معك) تاب معك أي إيه؟ انضموا إليك في التوبة ، و إيه ثاني؟ (و لا تطغوا) يعني إيه؟ و لا تظلموا ، لأن الطغيان هو الظلم الشديد ، (و لا تطغوا) إيه ربنا بيقول لهم

كده؟ بيهيء و بيمهد للسياق اللي جاي في الوجه الأخير ده ، هنعرفه دلوقتي ، (و لا تطغوا) أي من الطغيان ، لا تطغوا ، (إنه بما تعملون بصير) ربنا عليم بكل ما تعملون ، (إنه بما تعملون بصير) يعني هنا بيحفز فينا إيه؟ صفة الإحسان ، أن تعبد الله كأنك تراه ، فإن لم تكن تراه فإنه يراك ، و هي المراقبة في الله .

{وَلَا تَرْكَنُوا إِلَى الَّذِينَ ظَلَمُوا فَتَمَسَّكُمُ النَّارُ وَمَا لَكُم مِّن دُونِ اللَّهِ مِن أَوْلِيَاء ثُمَّ لَا تُنصِرُونَ} :

خلي بالك بقى ، هو قال لهم إيه ، النصايح دي ربنا سبحانه و تعالى للمؤمنين و للأنبياء عشان يبدؤا بأنفسهم ، و بعد كده يحققوا الموعظة اللي جاية دي (و لا تركزوا إلى الذين ظلموا أنفسهم فتمسكهم النار) ، آاه إوعى في حياتك تُداهن أو تنافق أو تساعد ظالم و لو كان حاكماً و لو كان متمكناً ، إياك ، إن لم تسكت أو تصمت فلا تُعنه على ظلمه ، ربنا سبحانه و تعالى بيقول إيه (و لا تركزوا إلى الذين ظلموا) لم يقل الله : و لا تظلموا معهم ، لا ، متركنوش بس لهم ، يعني متستريحوش لظلمهم ، (و لا تركزوا إلى الذين ظلموا أنفسهم فتمسكهم النار) (فتمسكهم النار) الفاء هنا للسرعة ، يعني النار تُحيط بكم لو إنتو بس استريحتم و رضيتم بظلم الظالمين ، (و ما لكم من دون الله من أولياء ثم لا تنصرون) ربنا هيتخلى عنكم ، لن يكون وليكم بعد اليوم ، بعد أن تساعدوا الظالمين في ظلمهم أو تركزوا إلى ظلمهم يعني تتقبلوه و ترضوه ، عياداً بالله ، (ثم لا تنصرون) ربنا مينصركمش أبداً لأن الجزاء من جنس العمل .

{وَأَقِمِ الصَّلَاةَ طَرَفِي النَّهَارِ وَزُلْفًا مِّنَ اللَّيْلِ إِنَّ الْحَسَنَاتِ يُذْهِبْنَ السَّيِّئَاتِ ذَلِكَ ذِكْرَى لِلذَّاكِرِينَ} :

و بعدين؟ (و أقم الصلاة) ، (و أقم الصلاة طرفي النهار و زلفاً من الليل إن الحسنات يذهبن السيئات ذلك ذكرى للذاكرين) ربنا هنا بيوطد و بيرسخ لمبدأ الأمر بالمعروف و النهي عن المنكر ، اللي هو سبب خيريّة هذه الأمة ، أمة الإسلام ، الأمر بالمعروف و النهي عن المنكر ، بداهة كده ، أمة خيريتها في الأمر بالمعروف و النهي عن المنكر ، هينفع تركن للذين ظلموا؟؟؟ هينفع تركن للظالمين؟؟ و لا تسير على مبدأ : كلمة حق عند سلطان جائر ، هذا هو المبدأ الصحيح و هذا هو خير الجهاد ، فلذلك قال الله (و أقم الصلاة) أقم الصلاة ، (و أقم الصلاة طرفي النهار و زلفاً من الليل) (طرفي النهار) اللي هي صلاة الصبح و صلاة المغرب ، (و زلفاً من الليل) اللي هي إيه؟ قيام الليل ، يعني ربنا بياكد على صلاة الصبح و صلاة المغرب و قيام الليل ، إيه؟ لأن قبل الصلوات الخمس ، إيه الصلوات المفروضة؟؟ صلاة الصبح و صلاة المغرب بس ، و كانت ركعتين ركعتين ، المغرب كان ركعتين ، و قيام الليل كان نفل ، كان يعني إيه؟ من باب التقرب و التحنث إلى الله عز و جل ، و بعد كده في المعراج فرض الله سبحانه و تعالى الخمس صلوات بكيفية الحال ، إذا

(و أقم الصلاة طرفي النهار و زلفاً من الليل) الآية دي نزلت قبل حادثة المعراج ، و سورة هود بشكل عام هي سورة مكية ، عارفين طبعاً السورة ما بتنزلش مرة واحدة ، هي آيات و بعد كده ربنا بيرتبها ، تمام؟ بواسطة جبريل -عليه السلام- ، إن الحسنات يذهبن السيئات) مبدأ إيه بقى؟ إنك لو عملت سيئة ، إعمل حسنة ربنا يُذهب السيئة دي و يُضاعفك الحسنات ، (ذلك ذكرى للذاكرين) ده تذكير لك و لغيرك .

{وَاصْبِرْ فَإِنَّ اللَّهَ لَا يُضِيعُ أَجْرَ الْمُحْسِنِينَ} :

(و اصبر) أمر للنبي و كل نبي و لأتباع النبي ، (و اصبر) الصبر : صلة البر ، الصاد أي صلة ، بر ، صلة البر ، (و اصبر فإن الله لا يضيع أجر المحسنين) المحسن أجره مبيضعش ، المحسن خالد مُخلد أبد الأبدن إلى ما لا نهاية في الجنان المتعاقبة .

{فَلَوْلَا كَانَ مِنَ الْقُرُونِ مِنْ قَبْلِكُمْ أُولُوا بَقِيَّةَ يَنْهَوْنَ عَنِ الْفَسَادِ فِي الْأَرْضِ إِلَّا قَلِيلًا مِمَّنْ أَنْجَيْنَا مِنْهُمْ وَاتَّبَعَ الَّذِينَ ظَلَمُوا مَا أُتْرِفُوا فِيهِ وَكَانُوا مُجْرِمِينَ} :

(فلولا كان من القرون من قبلكم) ربنا هنا بياكد تاني و يفصل مسألة الأمر بالمعروف و النهي عن المنكر ، مهمة جداً و هي صمام الأمان للمجتمعات ، صمام الأمان للمجتمعات إيه؟ الأمر بالمعروف و النهي عن المنكر ، اللي هي المفروض دلوقتي بقت بشكل عملي في المجتمعات الحديثة ، هي عبارة عن إيه؟ الجهات الرقابية ، يعني زي مجلس الشعب ، الرقابة الإدارية ، الجهاز المركزي للمحاسبات ، الإعلام ، كل دي وسائل أمر بالمعروف و نهى عن المنكر ، و بالتالي لا يمكن لأي ظالم أن يظلم ، و لا يمكن لأي حاكم أن يحكم بالظلم ، إنما تكون هذه مؤسسة تُجبره على ترك الظلم ، حتى و إن راودته نفسه إلى الظلم ، لا يستطيع لأن هناك مؤسسات تُجبره على عدم الظلم ، اللي هي إيه؟ المؤسسة القضائية ، مؤسسة مجلس الشعب ، المؤسسة الرقابية كالرقابة الإدارية و الجهاز المركزي للمحاسبات و الإعلام الحر ، الصحافة الحرة ، كل ده يؤدي في النهاية إلى إيه؟؟ إلى عدم الظلم ، كذلك الفصل بين السلطات دي ، كل سلطة منفصلة عن السلطة الأخرى ، الفصل بين السلطات أيضاً إيه؟ يؤدي و يُكرس إلى عدم الظلم ، الي هو مبدأ الأمر بالمعروف و النهي عن المنكر ، اللي هو صمام الأمان للمجتمعات ، اللي هو سبب خيرية المسلمين ، اللي المسلمين تخلوا عنه ، على تمام عصورهم إلا في عهد الخلفاء الراشدين : أبو بكر و عمر و عثمان و علي و عمر بن عبد العزيز ، نوادر كان في عدل في السياسة أو في حكم المسلمين ، للأسف الشديد ، فلذلك الله سبحانه و تعالى أمرنا بالمعروف و نهانا عن المنكر ، و أمرنا أن نأمر بالمعروف و ننهي عن المنكر ، (فلولا كان من القرون من قبلكم) (القرون) أي الأمم ، (أولوا بقية ينهون عن الفساد) مجموعة تنهى عن الفساد ، ربنا بيقول إيه (فلولا كان من القرون من قبلكم) لو كان يعني ، (ينهون عن

الفساد في الأرض إلا قليلاً ممن أنجينا منهم) يعني ربنا يقول لهم إيه؟ كنتُ أتمنى ، هو يقول كده ، كنتُ أتمنى إن إنتو بإختياركم الحر ، كنتو تؤمروا بالمعروف و تنهوا عن المنكر ، إلا قليل فعلاً منكم بس إلتزموا بالنصيحة دي ، (إلا قليلاً ممن أنجينا منهم) و اللي بيأمر بالمعروف و ينهى عن المنكر هو ناجي ، نجت نفسه بدايةً و ثم نجى مجتمعه نهايةً ، (و أتبع الذين ظلموا ما أترفوا فيه) دائماً الظالم كده بيحب الترف و بيحب الطغيان ، (و كانوا مجرمين) مجرمين أي يأتون بالأمر الجلل و يظلمون به .

{وَمَا كَانَ رَبُّكَ لِيُهْلِكَ الْقُرَىٰ بِظُلْمٍ وَأَهْلُهَا مُصْلِحُونَ} :

أهو ، صمام الأمان أهو ، ربنا مبْيُهلكش أبداً الأمم و القرى و أهلها مصلحون يعني بيأمروا بالمعروف و ينهوا عن المنكر ، الإصلاح هو إيه؟ الأمر بالمعروف و النهي عن المنكر ، اللي أنا قلته دلوقتي إيه؟ في الدولة الحديثة أو في المجتمعات الحديثة اللي تطورت دلوقتي و أصبح فيها نظام حكم متطور ، زي ما قلتُ الإصلاح هو اللي قلته ده ، ماشي؟ .

{وَلَوْ شَاءَ رَبُّكَ لَجَعَلَ النَّاسَ أُمَّةً وَاحِدَةً وَلَا يَزَالُونَ مُخْتَلِفِينَ} :

يعني ربنا شاء إن الأرض تبقى مليئة بالأمم المختلفة و المتنوعة ، و الحضارات المختلفة و المتنوعة ، و لو ربنا جمعهم ، برضو إيه؟ (و لا يزالون مختلفين) لأن كده هي طبيعة الثقافات و الحضارات ، تجتمع مع بعضها و لكن هي فيها تنوع ، تنوع .

{إِلَّا مَن رَّحِمَ رَبُّكَ وَلِذَلِكَ خَلَقَهُمْ وَتَمَّتْ كَلِمَةُ رَبِّكَ لَأَمْلَأَنَّ جَهَنَّمَ مِنَ الْجِنَّةِ وَالنَّاسِ أَجْمَعِينَ} :

(و لو شاء ربك لجعل الناس أمة واحدة و لا يزالون مختلفين إلا من رحم ربك) اللي ربنا أعطاه الرحمة هو اللي هيعرف يتعامل مع الأمم المختلفة بالعدل و الإنصاف لأنها الرحمة ، لأن الرحمة جامعة ، الرحمة صفة جامعة اللي هي الإنسانية يعني دلوقتي ، الرحمة ، هيئات الإغاثة ، هيئات الإعلام الحر ، أطباء بلا حدود ، كل دي من الرحمة اللي ربنا عملها في العصر الحديث ببركة نزول المسيح الموعود ﷺ ، قبل المسيح الموعود مكش فيه الكلام ده ، مكش في عدل ، مكش في حقوق إنسان ، ماكنتش مرسخة بالشكل اللي الموجود فيه دلوقتي ، حقوق الإنسان ، حق تقرير المصير ، هيئات الإغاثة العالمية ، مكافحة المجاعات في كافة أنحاء العالم ، صح

كده؟ التكافل العالمي و التكافل الإجتماعي مكنش موجود بالشكل القوي اللي هو موجود في العصر الحديث ده قبل المسيح الموعود ، مكنش موجود قبل المسيح الموعود كده ، المسيح الموعود لما نزل ملأ الأرض عدل كما ملئت ظلم قبل كده ، صح كده؟ ف دي ببركة نزول المسيح الموعود ﷺ ، ماشي؟ طيب ، (و لذلك خلقهم خلقهم عشان يتلّيههم ، هيشوف مين اللي هيرحم و مين اللي مش هيرحم ، صح كده؟ هيشوف مين اللي هيامر بالمعروف و ينهى عن المنكر و مين اللي هيعمل عكس ده ، (و تمت كلمة ربك) ربنا قرر ، (لأملأن جهنم من الجنة و الناس أجمعين) يعني الجن و الإنس العصاة سيدخلون جهنم ، يملؤونها .

{وَكُلًّا نَقُصُّ عَلَيْكَ مِنْ أَنْبَاءِ الرُّسُلِ مَا نُثَبِّتُ بِهِ فُؤَادَكَ وَجَاءَكَ فِي هَذِهِ الْحَقُّ وَمَوْعِظَةٌ وَذِكْرَى لِلْمُؤْمِنِينَ} :

(و كلا نقص عليك من أنباء الرسل) (و كلاً) يعني كل حين ، كل وقت ، كل فترة ، (و كلا نقص عليك من أنباء الرسل) أنباء الأمم السابقة ، ليه بقى؟ (ما يثبت به فؤادك) تخليك تثبت و تطمئن في دعوتك ، (و جاءك في هذه الحق) يعني في هذه السورة ، سورة هود يعني ، (و جاءك في هذه الحق و موعظة و ذكرى للمؤمنين) مواعظ مليئة بالحق ، و هي إيه؟ موعظة و ذكرى للمؤمنين ، بالتذكير ، (و ذكر فإن الذكرى تنفع المؤمنين) .

{وَقُلْ لِلَّذِينَ لَا يُؤْمِنُونَ أَعْمَلُوا عَلَىٰ مَكَانَتِكُمْ إِنَّا عَامِلُونَ} :

(و قل للذين لا يؤمنون) اللي هم مش عاوزين يسمعوا كلامك و بيتكبروا عليك و مش عاوزين يستخبروا فيك ربنا ، (اعملوا على مكانتكم) خليكم زي ما إنتو ، (إنا عاملون) يعني إيه؟ قل لهم براحتكم ، و ده في تهديد مبطن طبعاً ، عقيدة التربص ، (و قل للذين لا يؤمنون اعملوا على مكانتكم إنا عاملون) إنتو بتعملوا في الكفر و إحنا بنعمل في الإيمان .

{وَانْتَظِرُوا إِنَّا مُنْتَظِرُونَ} :

عقيدة الإنتظار و التربص ، اللي هو الزمان كفيل بإظهار إيه؟ الذي على الحق .

{وَلِلَّهِ غَيْبُ السَّمَاوَاتِ وَالْأَرْضِ وَإِلَيْهِ يُرْجَعُ الْأَمْرُ كُلُّهُ فَاعْبُدْهُ وَتَوَكَّلْ عَلَيْهِ وَمَا رَبُّكَ بِغَافِلٍ عَمَّا تَعْمَلُونَ} :

(و لله غيب السماوات و الأرض) صفة عظيمة سبحانه و تعالى الله ، علام الغيوب ، (و إليه يُرجع الأمر كله) كل شيء يرجع لله عز و جل يوم الدينونة ، (فاعبده و توكل عليه) اعبد الله عز و جل و ليكن وكيلك ، ماتخفش ، إثبت ، (و ما ربك بغافل عما تعملون) بياكد ربنا تاني على صفة الإحسان و المراقبة ، (و ما ربك بغافل عما تعملون) .

● و أثناء تصحيح نبي الله الحبيب يوسف الثاني ﷺ لتلاوتنا لهذا الوجه ، قال لنا :

طبعاً (و زلفاً) أي من باب التقرب ، زلفاً أي قرابة ، (و زلفاً من الليل) يعني عاوز تتقرب من الله ، صل في الليل يعني ، صل زيادة في الليل صلاة نفل ، ده المعنى .

عرفنا بقى الوجه ده إن ربنا بيتمنى ، صح؟ صفة جديدة ، حد كان يعرفها؟؟؟؟ محدش كان بيتكلم الكلام ده ، محدش يجرؤ يتكلم عن ربنا كده ، لأنهم ميعرفوش ربنا ، اللي ميعرفش المسيح الموعود ميعرفش ربنا ، اللي يعرف المسيح الموعود و يؤمن به يعرف ربنا ، زَيْناً/مثلنا كده ، و اللي يعرف ربنا يقدر يتكلم عنه لأنه عارفه ، أهو ربنا بيتمنى ، بيتمنى الخير و بيتمنى الصلاح ، دليل إيه؟ أنه مُعطيك الاختيار الكامل ، معطيك الاختيار الكامل و اللي بعده يكون التسخير ، في سلسلة من التخيرات و التسييرات ، حد كان يعرف الكلام ده؟؟ محدش كان يعرف الكلام ده ، مين اللي خلانا نعرف الكلام ده؟ الإيمان ، الإيمان بالمسيح الموعود ﷺ ، حتى لو المسيح الموعود لم يقل التفاصيل دي ، ربنا يُعطيها للمؤمنين به ، يُعطيها للمؤمنين ، صح كده؟ .

طبعاً التمني هنا معناه أن الله يرجو الخير ، معنى التمني هنا ، اللي إحنا نقصده أن الله يرجو الخير ، يرجو الخير .

و أنهى الجلسة بأن طلب قمر الأنبياء يوسف الثاني ﷺ من مروان و رفيده و أرسلان باستخراج أمثلة على أحكام طلبها منهم من هذا الوجه :

طلب من مروان مثال على مد عارض للسكون ، فقال :
{تعملون} .

و طلب من رفيده مثال على مد طبيعي ، فقالت :
{وَاحِدَةً} .

و طلب من أرسلان مثال على مد متصل واجب ، فقال :
{مِنْ أَوْلِيَاءِ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

تم بحمد الله تعالى